

أم العروض



عبدالبasset العسلي

أم العروض

طبوعات بكتبة نهر

أم العروض

تأليف

عبدالمحيميد جودة السحبار

الناشر

مكتبة مصر
٢ شارع كامل مصدق - البغداد

الفصل الأول

تردد رنين المدرس الخارجي في أرجاء الشقة ، ففتح حسين عينيه فوقيتا على زوجته زينب ، الراقدة إلى جواره تغطى في نومها ، وتتابع الرنين فأزاح الغطاء بعيدا عنه وهو ينهض ، فرأى ابنته هالة تتمطى في سريرها الصغير ، الملتصق بسريرهما من جانب زينب ، فخشى أن يوقظها ذلك الرنين المتواصل ، فهب مسرعا وانطلق حاقد القدمين إلى المطبخ وال نقط وعاء اللبن واتجه إلى باب الشقة وهو يهرب .

انفوج الباب عن فتحة تكاد تسمع بمرور الوعاء ، ومديده به ، وهو يخفى وجهه عن باطن اللبن ، فقد أحس أن شعره منفوش ، وعينيه ما زالتا متتفختين من أثر النوم ، وأن البيجاما التي يرتديها كانت من قطعتين مختلفتين !

وشعر بشغل اللبن في الوعاء ، فسحب ذراعه ، وأغلق الباب في حذر ، حتى لا يرتفع صريره ويوقظ النائمين ، وسار على أطراف أصابعه إلى المطبخ ، ثم عاد إلى غرفة نومه ، واندنس في السرير ، وسحب الغطاء وأغمض عينيه ليستأنف النوم اللذيد .

وتقلبت هالة في سريرها ، وبكت بصوت بدأ منخفضا ثم أخذ في الارتفاع ، فمد ذراعه من فوق زوجته ، وراح يتحسس الخلمة المطاط المشبوكة في صدر هالة ، حتى عثر عليها ووضعها في فمهما ، ولكن هالة

لم تكف عن البكاء ، بل انقلب صياحا ، فتحى الغطاء عنه في غيظ ،
فانكشف ذراع زينب ، وقام ليغادر الغرفة حاف القدمين إلى المطبخ ،
وهو ينظر إلى زوجته وابنته التي عكر عویلها صفو السكون ، فألفى
زوجته تند يدها وتسحب الغطاء عليها دون أن تفتح عينيها ، وتروح في
سبات وقد ارتسم على وجهها هدوء عجيب .

ووصل إلى المطبخ ، وبكاء ابنته يصك أذنيه ، فتساول عليه
الكريت ، وأخرج منها عودا في عجلة ، وحاول أن يشعله ، ولكن العود
انكسر ، فأخرج آخر وأشعله في لفحة ، ثم أوقد « وابور السيرتو »
ووضع فوقه وعاء اللبن .

ولم يشا أن يضيع وقتا ، فأخرج من التملية زجاجة ركبت فوق فوهتها
حلمة من المطاط ، وذهب إلى الحوض ، وأخذ يغسلها في عنابة ، ثم
وضع فيها قمعا ، وعاد إلى وعاء اللبن الموضوع فوق « وابور
السيرتو » .

واستمرت هالة في بكائها ، فجعل يتململ في وقوته ، وينظر إلى النار
في توسل يتتعجلها .. وأخيرا رفع الوعاء وصب اللبن في الزجاجة ثم ألفى
القمع في الحوض ، وراح يركب الحلمة المطاط .

وفتح صنبور الماء ، ومد يده بالزجاجة ليرد اللبن ، واستمر الماء يجري
فوق الزجاجة ، حتى إذا حسب أن حرارة اللبن أصبحت مناسبة ، رفع
الزجاجة إلى فمه ، ومص من الحلمة مصبة فإذا باللبن يلسنه ، فعاود
وضع الزجاجة تحت الماء في ضيق ، فبكاء هالة كان يدوى في المطبخ .
وأغلق صنبور الماء ، وعاود مص الحلمة مرة أخرى ، وهو في انطلاقه

إلى حالة ، ليطمئن إلى مناسبة درجة حرارة اللبن ، ورفع بصره إلى الساعة المتواضعة المعلقة في الردهة ، فإذا بها تشير إلى السادسة ، وأنخرج الحلمة من فمه ، ومسحها بيده ، ثم هرول إلى غرفة النوم .

وألقم حالة الحلمة ، فكفت عن البكاء ، وأخذت الزجاجة بين يديها فوقف ينظر إليها برهة ، وقد تفجرت ينابيع المخان في جوفه ، وانبسطت أساريره ، ثم دار حول السرير ليأخذ مكانه إلى جوار زينب ، ولكنه ما إن هم بالرقاد ، حتى عاود القيام ، فقد تذكر شيئاً هاماً :

خرج من الغرفة ، وسار في ردهة طويلة ، حتى بلغ غرفة مغلقة ، ففتح بابها في حرص ونظر . كان في الغرفة ثلاثة أسرة ، رقدت فيها بناته الثلاث ، أحلام ونبيلة وسوسن .

كانت أحلام في الثامنة عشرة ، مكتملة النمو ، بياض البشرة ، تبعثر شعرها الأسود الفاحم على الوسادة ، وارتسمت على شفتيها بسمة ، ودارت في فراشها نصف دورة ، فارتفع صدرها الناهد ، وامتدت إحدى ساقيها العاريتين وتقلصت الأخرى ، كانت في حلم للذيد من أحلام الشباب .

وكانت نبيلة في السابعة عشرة ، منفوحة الشعر ، مزججحة الحاجبين ، رقيقة الشفتين ، وكانت تسمّان ، فهي لا تكف عن الكلام حتى في نومها ، كانت ترتدى بيجاما ضيقة ، تكشف تفاصيل جسمها الرياضي .

وكانت سوسن في الثامنة ، دقّيق الملاع ، وردية اللون ، سبطة الشعر ، تبدو في نومها كملائكة ، قد رفع ثوبها أثناء تقلبها ، فبدأ بطنها

عاريا .

وتقدم يسترق الخطا ، وتناول أطراف الغطاء المكور تحت أقدام أحلام وسجنه في رفق فوقيها ، ثم اتجه إلى نبيلة والتقط الغطاء من على الأرض ، وغطتها وهو ينظر إلى شفتيها الدائئري الحركة ، فأشرق وجهه وبدأ على فمه مولد ابتسامة .

وذهب إلى سوسن ، ورفعها في رفق بين يديه ليعيد رأسها على الوسادة ثم أحكم غطاءها ، وراح يمر يده على شعرها الكستنائي في حب وحنان .

وانسحب من الغرفة ، وجذب الباب خلفه ، وقبل أن يغلقه ، وقف ببرهة وقد لمعت عيناه .

وأتجه إلى الغرفة المجاورة ، وفتح بابها ونظر ، فإذا بثلاثة أسرة رقد فيها أبناءه الثلاثة ، سامي ومراد وعاطف .

كان سامي في الرابعة عشرة ، معترضاً بشبابه ، ينام عاريا ، لا يرتدى إلا بنطلوناً قصيراً من قماش أبيض ، وكان وجهه أشبه بوجه نبيلة ، كانت ملامحه توحى بطفولة ، ولكنه كان راضياً عن شكله كل الرضا ، وما كان يضايقه إلا تأخير ثبو شاربه !

كان مراد في الثانية عشرة ، تبدو في رقتته شقاوة ، فآثار الخبر في أصابعه وفي خده ، وقد أدخل زرار البيجاما الأول في العروة الثانية ، ونام في عرض السرير ، رأسه مدلى ورجلاه مرفوعتان على الحائط .

كان عاطف في الثالثة ، نام وقد وضع يده تحت خده ، وكور جسمه فدنت ركبتيه من ذقنه ، كان يرتدى قميصه وبنطلونه الخمل الأحمر ،

وفردة حذاء وجورباً أبىض في رجل ، ورجله الثانية عارية !
وأتجه حسين إلى عاطف ، وخلع له الحذاء والجورب ، ثم أبعد خصلة
الشعر الأصفر المتهدلة على وجهه عن عينيه ، وجذب يده من تحت خده
في رفق ، فإذا به يتقلب في فراشه ، فخشى أبوه أن يستيقظ ، فوضع
الغطاء فوقه ، وانسل من جواره في حذر وهو يتلفت .

وذهب إلى مراد ، وحمله بين يديه ، ووضع رأسه على الوسادة ، ثم
غطاه ، وقبل أن يتحرك رفس مراد الغطاء ، ودار نصف دورة ، فإذا
يرأسه يتبدلى في الهواء ، وإذا برجليه ترتفعان وتستندان إلى الحائط ، عائدا
إلى وضعه الأول . فتناول الأب الغطاء وغطى به ابنه ، وهو في وضعه
ذاك ، دون أن يحاول إعادة رأسه إلى الوسادة .

ويمم صوب سامي ، وسحب عليه الغطاء ، فإذا بسامي يهب من
نومه مفروعاً ، وينكمش في الزاوية البعيدة من السرير ، وقد فتح عينيه
الحمرتين من أثر النوم ، وعلا رأسه شعره الذي كان أشبه بعرف الديك ،
فبدأ كائناً قد وقف من الخوف ، وراح يغمغم :

— هو .. هو .. هو . في إيه ؟ في إيه ؟

فقال أبوه وهو يجذبه في رفق :

— نام .. ما فيش حاجة ..

نام سامي ، وسرعان ما أغلاق عينيه ، فأسلل أبوه عليه الغطاء ،
ونحرث عاطف في سريره وتمطى ، فغادر الأب الغرفة هارباً .

ودخل غرفة نومه ، وفي طريقه إلى السرير مر بمرآة ، فتفرس في وجهه
لحظة ، ومرر يده على شعره ، ثم هبط بها يتحسس التجعدات التي بدت

في صفحة وجهه ، ولاح في عينيه الأسى ، فقد مشت إليه الشيخوخة ولما
يتجاوز الخامسة والأربعين !

وألقى بجسمه في السرير ، وأغمض عينيه ، ولكنه أحس حركة في
الغرفة ، ففتح عيناً واحدة ونظر قليلاً فلم يلحظ عاطف قد أقبل ، فأغمض عينيه
وتظاهر بالنوم .

وراح عاطف يتسلق السرير ، ثم أراد أن يتخبط أباًه النائم ، فداس
فوقه وغاصت رجله في بطنه وحسين صامت لا يتكلّم ، وإن تحرك قليلاً
ليفسح له مكاناً بينه وبين زوجته ، واندس عاطف بين والديه ، ووضع
رأسه على الوسادة ، ثم وضع ساقاً على أخرى وهو راقد .

وظل ساكناً لحظة ، وسرعان ما ضاق بذلك الصمت المسيطر على
الغرفة ، فالتفت إلى أمّه فألفها مغمضة العينين ، فمد يده يفتح لها
عينيها ، فتململت الأم في نومها وأزاحت يده بعيداً ، فلم يرتدع ، بل
استمراً فعلته ، فاعتدل في جلسته ليكون أمر فتح عيني أمّه بيديه
ميسوراً .

وضاقت أمّه باللحامه ، فأولته ظهرها لتبعـد عينيها من يديه ، فإذا به
ينهض ويستطيعها ، فدفعته يرفقها فسقط على أبيه الذي تلقاه بين يديه ،
وحمله ووضعه على الأرض ، وقال له :

— روح صحي نبيلة .

— ادينى قرش قبله .

— دلوقت لما اصحي .

— ما انت صاحي أهو . ادينى قرش بقى .

ونهض حسين واتجه إلى حيث علق ثيابه ليعطيه قرشاً ، ويريح رأسه ،
كان واثقاً من أن عاطف لن يكف عن طلبه حتى يأخذ ما يريد .

ومدت زينب يدها إلى حالة تتحسّسها ، وهي مغمضة العينين حتى
لا يفر النوم منها ، وراحت يدها تتجول على جسمها ، حتى إذا بلغت
نهاية ظهرها ، تقلص وجهها تقززاً ، وفتحت عينيها وأزاحت الغطاء
عنها ، ونهضت لتحمل ابنتها وتغادر الغرفة .

وأخذ عاطف القرش ونظر إليه ملياً ، ثم أعاده إلى أبيه وهو يقول :
— لأ ما اخدش ده ، عايزة قرش مخروق .

وكانت الأم قد دنت منها وهي تحمل حالة بين يديها .

قالت لزوجها :
— إيه الدلع ده ؟ ما حد ح يتلف أمله غيرك .

قال حسين لابنه في زجر :
— ما فيهش غير ده .

فراح عاطف يصبح في بكاء :

— أنا مالي عايزة قرش مخروق .. عايزة قرش مخروق .

وكانت زينب قد غادرت الغرفة ، فإذا بها تصيح من الحمام :
— عندك قرش مخروق تحت المخدة .

فابتسم حسين وقال :
— حنينا !

وأخذ عاطف القرش وذهب إلى حيث يرقد إخوه ، واقرب من
مراد وقال له وهو يمد يده بالقرش :

— خد .. ادينى حاجه ..

فتح مراد عينيه فرأى القرش ، فرفع رأسه المتدلّى وأنزل رجليه من على المائط ، ونهض مسرعاً ، وقبل أن يغادر فراشه كان قد التقط القرش بين أصابعه . وغادر الغرفة وعاطف في أثره ، واتجه إلى صوان صغير في الردهة ، وفتحه وأخرج منه صندوقاً من الورق .

بدأت الحركة تدب في الشقة ، فقد استيقظت نيلة ووقفت على باب غرفتها ، واستيقظ سامي وظهر عند باب غرفته وقد وضع فوطة فوق كتفيه ، وتحته نيلة فانطلقت مسرعة على أطراف أصابعها كراقصة الباليه لتبلغ دورة المياه قبله ، فقال لها سامي في غيظ :

— آدى اللي انت فالحه فيه .

قالت له .

— أحسن منك ، مش فالح في حاجه أبداً .

وارتفع صوت الأم من الحمام :

— اصطبخنا !

قال سامي في عناد :

— تعال شوف صاحبه ترقص ازاي !

وارتفع صوت نيلة من بعيد :

— باقول لك ما لكش دعوه بيه .

ولذا بصوت الأم يلدوى :

— وبعدين معاكم .

وصمت سامي ونيلة ، وصاح عاطف وهو يعيد قطعة السمسية

إلى مراد :

— مش عايز دى .. أنا أنتي ..

وقدم مراد الصندوق إلى عاطف ، وهو يقول :

— خد اللي انت عايزه .

ومد عاطف يده ينتقى ما يريد ، وقال سامي وهو يضم الفوطة إلى

صدره :

— مش ح تبطل التجارة دى يا مراد ؟

فقال له مراد بصوته الخارج من كل حنجرته ، وقد نفرت عروق

رقبته :

— وانت مالك .

وخرجت سوسن من غرفة أبيها وفي يدها قرش ، واتجهت إلى مراد

تشترى منه قطعة حلوى ، فقال سامي :

— المف فلوس العيال .

فصاح مراد :

— يا ماما حوشى سامي .

فصاح سامي :

— يا ماما ح يعنى الأولاد بيجيب حلاوة زى الزفت .

— مش أحسن م الحلاوه اللي بتجيها ؟

فقال سامي وهو يحاول أن يأخذ الحلاوة من يد سوسن :

— دى وسانخه ..

فقالت له سوسن وهو تبعد يدها عنه :

— وانت مالك ؟

والتفت سامي إلى مراد وقال :

— فيه خمسه صاغ تكسب خمسه وعشرين قرش ؟ . دا نصب .

وارتفع صوت الأم :

— ما بس بقى يا سامي .. لازم تسمعوا حستا للجيزان ع الضبع ؟

واستمر سامي في هجومه :

— ح يعمل إيه بالفلوس دى كلها ؟ أهو بكره يركب بيهما عجل ويقطع هدوءه .

وهتفت الأم في ضيق :

— ما تقوم لولادك دول .. دى حاجه تقصـر العـرـ .

وخرج الأب من غرفته ، وقال في هدوء :

— ما بس بقى . يالآ ببس انت وهو ما فيش وقت .

وسار سامي إلى دورـةـ المـيـاهـ ، وسرـعـانـ ما تـرـدـدـتـ أـصـوـاتـ طـرـقـاتـهـ عـلـىـ الـبـابـ ، وذهب عاطـفـ إـلـىـ الصـوـانـ يـعـبـثـ فـيـ مـخـتـوـيـاتـهـ ، وخلـعـ مرـادـ جـاكـتـةـ الـبـجـامـاـ وـأـلـقـاهـ عـلـىـ الـأـرـيـكـةـ الـمـوـضـوـعـةـ فـيـ الرـدـهـ ، وراح يخلـعـ ينـظـلـونـهـاـ وـهـوـ فـيـ سـيرـهـ ، ثـمـ أـلـقـاهـ عـلـىـ كـرـمـىـ وـغـابـ فـيـ غـرـفـهـ قـلـيلـاـ ، ثـمـ عـادـ يـصـبـحـ :

— مش لاقـيـ فـرـدةـ الجـزـمةـ .

وراح مرـادـ يـزـحفـ عـلـىـ الـأـرـضـ وـيـنـظـرـ تـحـتـ المـقـاعـدـ مـنـقـبـاـ عـنـ حـذـائـهـ ، وـدـخـلـتـ سـوـسـنـ غـرـفـةـ أـمـهـاـ وـقـالـتـ :

— مش لـاقـيـهـ المشـطـ .

وصاح مزاد :

المشط أمه تحت الكتبة ، أمال الجزمة فين ؟

مقالات موسمن:

— شفتها ع التراييزه في الأوضاع المفروشه .

وأقبلت نبيلة على أطراف أصابعها ، ومرت في حركة راقصة بعاطف دون أن تلتفت إليه ، ثم انسلت إلى غرفتها كالطيف وقد بدأت في خلع جاكتة البيجاما .

وخرجت سوسن إلى حيث كان مراد ، وأخذت المشط الذي
أخرجته من تحت الأريكة ووضعته فوقها ، وراحت تمشط شعرها وهي
في طريقها إلى المرأة ، ومرت بعاطف ، ورأت ما يفعله ، فانطلقت إلى
أمها مسرعة ، وهي تصيح :
— ماما .. ماما .. الحقي عاطف .

مالہ ۱۹

— بدر عليه الخير .

فأسرعت الأم اليه فإذا بنيوط حمراء وصفراء وسوداء قد التفت على يده ، وامتدت منها إلى البكر المبعثر على الأرض ، فضربه على ظهره ، وهي تقول :

— هو انتو قرود !

وأنت تلتقط البكر وتلف كل خيط على بكرته .

وقامت أحلام من نومها تسمطى ، وتحتها نبيلة في المرأة وهي ترتدى

شاعر المدرسة وتصنف شعرها ، فوجدت الفرصة سانحة لتشهد ،

فاندفعت تحدثها عن المدرسة والمدراس والمدرسین ، وكانت تتكلم
بماجبيها وعینيها ويديها ، وتطول وتقصّر وتتمثل ، وتلقت أحلام في
الغرفة فألفت ثياب نبيلة المتزلية مبعثرة هنا وهناك ، فقالت وهي تنہض:
— ما تعلقی هدومنك .

تلقت نبيلة في الغرفة ، ثم قالت وهي تسرع بالهرب :
— أنا خرت قوى ..

قالت أحلام وهي تلتقط بنطلون بسجامة نبيلة من الأرض .
— طول عمرك زواجه .

وذهبت نبيلة إلى حيث كان أبوها ، وقالت له :
— عايزه خمسه وعشرين قرش .
— ليه كان ؟

— ح نروح رحله لسقاره .

وبلغ ذلك الحديث مسامع سامي ، فخرج من غرفته مسرعا ، وهو
يرتدى القميص ويدس رجله في البنطلون ، وصاح :
— ما تديهاش يا بابا .

فالتفتت إليه نبيلة في غضب ، وقالت له مز مجرة :
— وانت إيش حشرك ؟

ولم يأبه لا عتراضها ، بل استمر في وسوسته :
— عايزه تحرى على حل شعرها مع البنات المايعة .

وقالت نبيلة في صوت خنقته العبرات :
— عاجبك يا بابا قلة الأدب دى ؟

واستمر سامي في هجومه :

— لو سمعت كل واحد فيهم وهي بطرق الضحكه ..

وصاحت الأم في حدة :

— وبعدين معاكوا؟! دا ما بقاش بيت .. دى سراية مجانين .

ولم يزدجر سامي ، بل ازداد عنادا ، ورأى أبوه أن يهاجمه حتى

يسكت ، فمد يده إلى الكرافاتة التي في عنقه وقال وهو يعيث فيها :

— هونت مش ح تخل لي حاجه ألسها أبدا؟! الشرايابات وقطعتهم ،

والمناديل وضيعتهم ، ح تندارع الكرافات؟

فقال سامي في هدوء :

— ما عنديش كرفقات .. هات خمسين قرش اشتري كرافاته .

فصاح أبوه في وجهه ليبعده ، حتى لا يلح في طلب النقود :

— طب غور من وشى .

وانسحب سامي في هدوء ، وهو يسوى الكرافاتة ، ودنت سوسن

من أبيها ترقبه ، فلما رأته يمد يده في جيبه ويعطى نبيلة خمسة وعشرين

قرشا تشجعت وقالت :

— وأنا عايزه عشره صاغ .

— علشان إيه؟

— أشتري مسطره وكراسه وعلبة ألوان .

فصاحت الأم وهي تضع الخلعة المطاط في فم حالة :

— هو كل يوم علبة ألوان! فين العلبة اللي جبتيها أول أمبارح؟

— كسرها عاطف .

(أم العروسة)

فقال الأب في هدوء :

— العصر أجيبي لك الكراسة والمسطرة وعلبة الألوان .

فقالت في بكاء تمثيلي :

— وانا مالي .. عندنا رسم أول حصه . الأبله تضربني .

وناولها الأب عشرة قروش ، ورأى مراد سهولة دفع النقود فأقبل

وهو يصبح من حنجرته :

— وانا عايز فلوس المجموعة ، الأستاذ طلبها اميارح قلت له بكره .

فقال الأب :

— والنهاية قل له بكره .

فقال مراد وهو يلوح بيده في ضيق :

— إيه ده ؟

ونظرت أمي إلى حذائه الأصفر الذي ذهب لونه ، وقالت له :

— دي جزمه تخرج فيها ؟

— ما قلت لكم عايز جزمه ما رضيتوش .

فقالت له الأم في ضيق :

— حرام عليك دي ما بقلهاش شهر ، روح امسحها .

— ما فيش ورنيش .

— والعليه اللي اشتريتها اميارح ؟

— خلصت .

ولم يتظر في الغرفة ، بل انسحب يائسا ، ونظرت الأم خلال الباب ، فلمحت أحلام تلتقط ملابس إخواتها المبعثرة في الردهة ، وتعيد

تنسيق الأثاث فنادت :

— أحلام ، املي القلل واعمل الشاي .

وأقبلت نبيلة من غرفتها ، وقد وضعت حافظة كتبها على عجزها .
وأنسنتها بذراعها ، ودنت من أحلام وقالت لها :

— اشتغلني ما دام قعدي في البيت .

فالتفت إليها أحلام وقالت :

— بكراه تتعدى في البيت انت وخره .

فقالت نبيلة في تمثيل ، وهي تسير في خطوات راقصة :

— لا .. دا مستحيل .. أنا ح ادخل الجامعه .

وخرج سامي من غرفته وقد أتم ارتداء ملابسه ، فقال وقد اتخذ هيئة
رجل :

— دا بعدك .

فصاحت نبيلة :

— يا ماما .. خلى الشيخ أبو العيون ده يسكت .

فقالت الأم :

— هو لولا العربيه اللي بتتجهي تاخذك من باب البيت وتحبلك لباب
البيت كنت وديتك المدرسه ؟

وقال الأب ليهني هذه المناقشة قبل أن تختدم :

— أمال عاطف فين ؟

فقالت سوسن :

— نزل الشارع .

قالت لها الأم :

— انزل هاتيه .

— أنا أتأخرت ، راحة المدرسة .

— ماتنزليش قبل ماتفطري .. عندك جبنة رومي في التخلية ، اعملني
يابيله لأنحك سندويتش .

وتحركت نبيلة إلى المطبخ تبعها سوسن ، وسرعان ما لحق بهما سامي
ومراد ، وامتدت الأيدي إلى وعاء الخبز ، ثم امتدت في تسابق إلى الصحفة التي
وضع فيها الجبن ، فكانا جرداً نازل بحفل ولم يغادره إلا بعد أن أصبح يباباً قفراً !
وارتفع صوت بوق سيارة ، فصاحت نبيلة وهي تجري :

— عربىتي .

وراح سامي ومراد وسوسن ينسرون من المطبخ في طريقهم إلى الباب
الخارجي ، وصاحت سوسن قبل أن تخرج :

— ماما .. الحقى ، خلصوا الجبنة .

فأسرعت الأم إلى المطبخ وهي تقول :

— يبقى جنان .. وانا لسه مشتريةها امبارح .

ونظرت فوق بصرها على آثار المعركة ، ففاتت من الخبز تناثرت على
المنضدة القريبة من التخلية ، وصحفة حالية وورقة كانت الدليل الوحيد
عن أنه كان ملفوفاً بها شيء دسم ، وضربت كفابكf وعادت إلى حيث
كان زوجها وقالت :

— خلصوا الجبنة .

قال في هدوء :

— خلهم يأكلوا .

فقالت في استنكار .

— يأكلوا ! مش ناقص إلا يأكلونا .

وكان الزوج قد أتم ارتداء ملابسه ، فنظر في ساعته وتحرك خارجا من الغرفة ، فصاحت الأم :

— أحلام ! هات الشاي لبابا وأقل له بيضتين يفطر .

فقال الأب وهو سائر وزوجته خلفه :

— وانتو مش حتفطروا ؟

— لسه بدرى . لما نخلص مرار الشقة .

وجلس على الأريكة الموضوعة في الردهة ، وأسرعت الزوجة ووضعت أمامه منضدة صغيرة .

وجاءت أحلام تحمل كوبا من الشاي ، وجلست الزوجة بالقرب من زوجها ، وقالت :

— ح تغدو إيه النهارده ؟

— أى حاجة .

وببدأ يرتشف الشاي ، فقالت :

— ما تدوكوناش .. شوفوا تأكلوا إيه ؟

وارتفع صوت أحلام من المطبخ :

— فاصوليا بيضه .

فقالت الأم في استنكار :

— ما احنا لسه طبخينها أول امبارح .

فقال الأب :

— اعملوا صينية بطاطس .

فقالت الزوجة مترضة :

— هو ما فيش إلا الفاصلوليا والبطاطس ؟

فقال الزوج :

— اطبخى اللي على نفسك .

— لا ماتخرونيش .. قولوا تأكلوا إيه ؟

وأقبلت أحلام تحمل صينية صغيرة ، عليها رغيف وصحفة من الألمنيوم قلي فيها بيضستان ، وغطاء علبة بلاستيك وضع فيه الملح ، وطبق فنجان شاي فيه قطعة صغيرة من الجبن الأبيض ، ووضعت الصينية أمام أبيها .

ومد الأب يده إلى الرغيف ، وإذا بصوت ارتطام حذاء صغير بالباب الخارجي يتتابع ، فقالت الأم لأحلام :

— افتحي .. عاطف طلع .

وأسرعـت أحلام إلى الباب وفتحـه ، فدخل عاطـف ، وجـرى إلـيـ حيث كان أبوـه ، ونظرـ في الصـينـية وـقـال :

— بتـأكلـ إـيهـ ؟

— بيـضـ .. تعـالـ كلـ .

فـقالـ عـاطـفـ وهو بيـزـ أـكتـافـهـ :

— لـأـ .. أناـ عـاـيزـ بيـضـهـ صـحـيحـهـ لـوحـدىـ .

فـقالـ الأمـ لـابـتهاـ :

— عندك بيض ؟

— أبدا .

فالتفت إلى عاطف وقالت له :

— اطلع شوف بيضه عند الفراخ .

وتحرك عاطف ، وقالت له أحلام :

— وإذا ما لقيتني بيضه ، استنى فوق لما الفرخه بيض .

فقالت الأم في حنان :

— ليه كده يا بنتى .. دى الشمس تدوره .

— لسه الشمس ما جتش في السطح ، خلينا نستريح شويه .

وبكت هالة ، فأسرعت الأم إلى حيث ترقد وهي تقول :

— والله ما ح نستريح أبدا .

ودخل عاطف المطبخ ، وأخذ كرسي مطبخ صغير ، وحمله على كتفه ، ثم سار منطلقا نحو السطح .

كانت عشة الدجاج مصنوعة من سلك ونحش قابعة في ركن من السطح ، فذهب مهولا إليها ، ونظر من خلال السلك ، وأدار عينيه في العشة ، فلم يجد بيضا ، فوضع كرسي المطبخ بالقرب من العشة ، وجلس وقد أنسد خده بكفه ، ينتظر أن تجود عليه دجاجة بيضنة !

وانتهي الأب من تناول الإفطار ، وتأهب للخروج ، وإذا بزوجته تقترب منه ، وقد حملت هالة على ذراعها ، وتقول

له :

— ما قلتش سع تتعذروا ليه النهار ده .

وأسرع هاربا وهو يقول :

— أي حاجة .

وأغلق الباب الخارجي خلفه ، فقالت الزوجة في ضيق :

— والله بطننا دى محيرانا .

الفصل الثاني

أخذت الشمس في الارتفاع ، وأرسلت أشعتها الحامية ، وعاطف جالس على كرسي المطبخ بالقرب من عشة الدجاج ، يتململ في جلسته ، ويجفف عرقه بيده ، دون أن ينطرق اليأس إلى قلبه .

وارتفع صياح دجاجة ، فإذا بعاطف يقوم مسرورا ، وينذهب إلى العشة ينظر من خلال السلك ، فيرى الدجاجة تبيض ، وراح يغدو ويزوّح أمام العشة في قلق الوالد الذي ينتظر ولدته الأولى !

وراح صوت الدجاجة يختفت ، فتيقن من أن البيضة تم وضعها ، اكتسب خبرة من ممارسته الانتظار الطويل بالقرب من العشة ..

وفتح باب العشة ، ودخل فإذا بالدجاج يفر منه مذعورا ، وإذا بصيحات الفزع ترتفع متتابعة ، فلم يلتفت إلى ما يجري حوله ، بل سار إلى هدفه والقطط البيضة وخرج .

وهو يطير في الدرج مسرعا ، حتى إذا وصل إلى باب الشقة ، أخذ يركّل به قدمه ، فأسرعت أمه تفتح له الباب وفي يدها مغفرة بها أثر اللبن .

ونظرت إليه فألقت الدم يكاد يفر من وجهه . فمالت تصممه إلى صدرها يدها المخالية وتقول في حنان:

— يا حبيبي ! كنت في السطح في النغره دي ؟

فقال في فرح وهو يرفع يده بالبيضة :

— جيت بيضه .

— طب روح لأحلام تسلقها لك .

وأسرع إلى المطبخ ، وعادت إلى حيث كانت ، راحت تغرس من حلة نحاس لبنا تضعه في أوعية بلورية ، وعاد عاطف إليها ورفع رأسه
وسأل :

— بتعمل إيه يا ماما ؟

— مهليبة .

ولم ينتظر طويلاً ، بل سحب كرسيًا ، ووضعه بالقرب من « البو فيه » الذي صفت فوقه أوعية البلور ، وراح يتسلقه ، فقالت له أمه في زجر :

— أبعد .. الحله تقع عليك .

— أشوف .

ووقف فوق الكرسي ينظر ، ولم يطق صبراً ، فمد يده يحاول أن يأخذ المغرفة من أمه ، فقالت :

— عايز إيه بس ؟

— هاتي اغرف أنا .

فصاحت الأم :

— أحلام . تعالى خدبي أخوكي أدى له البيضه بتاعته .

وأقبلت أحلام ، ترتدي ثوباً بسيطاً ، فوقه « فوطة » من البلاستيك ، ويقطر الماء من يديها ، وأرادت أن تجفف يديها في « الفوطة » ، ولكنها أخفقت فما كان البلاستيك ليحتضن الماء ، فجففتها

في طرف ثوبها ، ثم لفت ذراعها حول وسطه ، وحملته بين ذراعيها
وعجزها ، وسارت به وهو يهز رجليه سرورا .

انطلقت به إلى المطبخ ، ووضعته على كرسى أمام المضدة ،
وأحضرت له البيضة ، وهمت بتقشيرها ، وإذا به يمد يده ويأخذها منها
ويقول :

— أنا اللي أقشرها .

وراح يقشرها ويرمى بالقشر على الأرض ، وأحلام غافلة عنه ، فقد
تحركت تجسر له كسرة خبز ، وعادت بالكسرة ، ورأت القشر على
الأرض ، فقالت في زجر :

— وبعدين معاك .. هو احنا مش ح ننضف أبدا !

ووضعت كسرة الخبز أمامه ، وانحنى تلتقط القشرة من الأرض .
ولاحظت تساقط فتات صفار البيضة ، فرفعت رأسها تنظر إليه ،
فالتفت عاطفا قد وضع البيضة كلها في فمه ، وأخفق حلقومه في
ابتلاعها !

وأسرعت تملأً كوب ماء ، ثم عادت إليه مهرولة وهي تقول :

— اشرب .. ح تموت نفسك .

وشرب ، وانخلط الماء بصفار البيضة في الكوب ، فقالت أحلام في
تفزز :

— أنا عارفة إيه القرف ده !

قالت أمها وهي عائدة إلى المطبخ تحمل الحلة الفارغة والمفرقة :

— آهو كلكم اتربيتوا بالمرار ده ..

وغادر عاطف المطبخ ، وذهب إلى الكرسي الذي وضعه بالقرب من « البو فيه » وتسلقه ، وراح ينظر فوجد أن أمه قد وضعت زبها وفستقها على سطح المهلبية ، فأخذ يلقط الزبيب والفستق ويلقى بهما في فمه ، ولم يكتف بذلك بل راح يبعث بأصبعه في المهلبية .

وجاءت أمه ، ورأت فعلته فحملته بين ذراعيها في غضب ، ووضعته على الأرض في شدة ، وهي تصريح فيه :

— غور من وشى قبل ما اقطم رقبتك .

وراحت تصلاح ما أفسد ، وسرعان ما تجاوب رنين الجرس ، فهرعت إلى الباب وفتحته ، فإذا بسوسن قد عادت من مدرستها ، فقالت لها أمها زاجرة :

— مش ح تبطلي تحطى صباعنك ع الجرس على طول ، والله لو صحيت هالة ما حد ح يشيلها غيرك .

فحركت كتفها في عدم اكتراث ، واتجهت إلى غرفتها للتبدل ثيابها . وفيما هي في سيرها تحت عاطفا يبعث في « التواليت » فعادت إلى أمها مهرولة وهي تصريح :

— ماما .. ماما .. الحقى عاطف دلق البوذرة ، وحط الفيزلين في راسه .

— أبعديه .

— مش عايز .

وأسرعت الأم إلى عاطف ، تبعده عن التواليت ، وتحمّل البوذرة المندلقة ، فإذا بهالة تستيقظ ، وتبدأ في البكاء ، فقالت الأم :

— سوسن .. سكتى أختك .

فذهبت سوسن إلى هالة وحملتها ، ورفعت الأم عاطف بين يديها ،
وذهبت به إلى الحمام ، وتحت سوسن فيلا من الجلد على ظهر الصوان ،
فخطر لها أن تخضره لتلعب أختها به ، فوضعت هالة على حافة السرير ،
وجاءت بكرسي ووضعته بجوار الصوان ، ووقفت فوقه ولكنها لم تصل
إلى الفيل ، فجاءت بصفحة بها « قراقيش » وبسكوت ووضعتها فوق
الكرسي وتسلقت حافة الكرسي في حذر ، وهلت بالوقوف فوق
الصفحة ، فإذا بها تسقط على الأرض ، وقد أحدثت دويًا ، وتناثر
البسكوت والقراقيش ، ففرزعت سوسن ، وهرولت فراراً من أمها إلى
السطح . وتركت الأم عاطفا ، وأسرعت ترى ماذا جرى ، وهي
تصيح :

— يا شياطين .. يا ملاعين .. يا قرود .

وصاح عاطف من الحمام في بكاء :

— الصابون يحرقني في عينيه .

فناذت الأم وهي في عودتها إليه :

— أحلام .. تعالى لمى القراقيش والبسكوت .

وقالت أحلام في صوت عال :

— ولما الحلة اللي ع النار تشيط !

وذهبت إلى الحمام ، وراحت تغسل لعاطف وجهه ويديه وإذا بهالة
تضج بالبكاء فارتفع صوت الأم :

— بس .. بس .. أنا جايـه أـهـو .. أنا عـارـفـةـ يا ربـ ليـهـ دـوـختـيـ ..

وذهبت إلى هالة وحملتها ، ثم راحت تجتمع ما انتشر من البسكويت والقراقيش ، وجاء عاطف خلفها ، فقالت له :
— لم معايا .

فانحنى عاطف ، والتقط بسكويتة ووضعها في فمه ، فقالت له في حنان :

— باقول لك حط البسكويت في الصفيحة مش في بطنك .
وتهلللت أسارير عاطف ، وعكف على التقاط ما انتشر ووضعه في الصفيحة .

وأطمأننت سوسن إلى أن ثورة أمها قد خمدت ، فعادت إلى المطبخ ، وراحت تعثث بالقرب من النار ، فقالت لها أحلام :

— أبعدى قبل النار ما تمسك في شعرك .

فتأخرت خطوات ، وما لبست أن تقدمت إلى النار ، وفي يدها عود من قش المقشة تدنيه منها ، فصاحت أحلام بها :
— اخرجني من هنا .

وخرجت سوسن مطأطة الرأس ، وجلست على الأريكة ، ولم تطرق الصمت طويلا ، فتلفت فوق بصرها على المقص ، فتناولته وأحضرت صحيفة ، وراحت تقضيها « عرائس » وما انقضى طويل وقت حتى كان المكان قد غطى كله بقصاصات الورق .

وخرجت الأم من غرفتها تحمل هالة ، ويسير خلفها عاطف وقد أمسك بملابسها ، فرأيت قصاصات الورق تغطي الأرض ، فصاحت :
— يا مقصوفة الرقبه ، والله لانا عدماكي .

فشركت سوسن المقاص ، وأطلقت ساقها للربيع ، وراحت تعدد نحو السطح ، وأخذت الأم تجمع القصاصات ، ولم يع عاطف المقاص فتناوله ، وحاول قص غطاء الأريكة ، ولتحته أمه ، فأسرعت تتزعع منه المقاص وهي تصيح :

— هو انتو عفاريت ، اخلصي يا أحلام ، وخدى هاله شويه .

— ح انزل الحلة وجاييه .

وجاءت أحلام وحملت هالة ، وذهبت الأم تلقى قصاصات الورق ثم عادت وقالت لأحلام :

— خدى أخواتك في أو دتكم لما أربع شويه .

وأخذت أحلام هالة وعاطف ، وذهبت إلى حجرتها بينما تمددت الأم على الأريكة ، ولفت ذراعها فوق وجهها ، وما كادت تنعم بالاسترخاء حتى أقبلت سوسن صائحة :

— ماما .. ماما .. الحقى مراد بيتخانق مع تلات اولاد .. ح بموت في إيديهيم .

وهبت الأم من رقتها ، وخفت إلى الشرفة فإذا بها ترى ابنها بين ثلاثة أولاد ، قد ضربوا حوله نطاقا ، إذا دفع أحدهم ليشق طريقه بينهم ، دفعوه الثلاثة مرة واحدة ، فيختل توازنه ويترنح ، فلم تطق صبرا بل صاحت في الأولاد :

— ما تسييه يا واد انت وهو .

فقال أحدهم وهو يرفع رأسه إليها :

— خليه يدinya البرايه بتاعتـنا .

— ما تديهم البرايه يا مراد .

فقال مراد متشجعا لما سمع صوت أمه :

— مش ح اديها لهم إلا لما يدوني المسيطره والقلم الرصاص .

ولاحت سامي مقبلا ، فهتفت :

— سامي . هات اخوك واطلع .

ودنا سامي منهم ، فقال له مراد :

— وانخدع مني المسيطره والقلم .

فقال الثلاثة معا :

— وهو وانخدع مننا البرايه .

فقال سامي :

— هات البرايه .. هاتوا القلم والمسيطره .

وناول لهم المرأة ، وأخذ منهم المسيطرة والقلم ، ودفع أخاه أمامه وهو يقول له :

— ياللا يا خايب .

فصاح فيه مراد :

— إيه .. ما لكش دعوه بيه .

وقالت الأم لهما من الشرفة :

— اطلع انت وهو ، واللا عايزين تفرجوا الناس علينا !

وعادت إلى الأريكة ، وتمددت فيها ، وداعب السوسن عينيها ،

واستشعرت طعم الراحة ، وإذا بأصوات مراد وسامي وسوسن تترتج

وتصلك أذنيها صكا فتصيح دون أن تفتح عينيها :

— ما بس بقى .. هو ما فيش في البيت ده راحه ؟
واستأنفت نومها ، ولكن سرعان ما أقبلت سوسن ، تقول :
— ماما .. ماما .. آكل .

ودفعتها يدها لتبعدها عنها ، وإذا بعاطف يقبل هاتفها :
— ماما .. جتنا .

فناشدت الأم :

— أحلام ، تعال أكلى أخواتك .
وأقبلت أحلام ، ودفعت بهالة إلى مراد ، وانسلت الأم إلى غرفة
نومها ، وارتمت في سريرها .

ووضعت أحلام لعاطف قليلاً من الأرز في صحفة صغيرة ، ورشت
فوقه ملوخية ، وأرادت أن تطعمه ، ولكنه أصر على أن يأكل وحده ،
فتناول الملعقة وجعل يبعث في الأرز ، وطلبت سوسن أن يغرس لها
الأرز وحده ، والملوخية وحدها ، ثم قالت :

— وحطى لي حته لحمه سمينه .

فقالت أحلام في زجر :

— وطى صوتك بلاش قلة أدب .

ونظرت سوسن إليها في دهش ، فما كانت تدرك ما الخطأ الذي
ارتكتبه . وتناثر الأرز على صدر عاطف ، وعلى المنضدة ، وعلى
الأرض ، ولما امتلأ راح يقرع الصحفة بالملعقة .

ونادت أحلام :

— مراد .. سامي .. أغرف لكم ؟

(أم العروسة)

فقالا معاً :

— لا .. لما ييجي بابا .

والتفت سامي إلى مراد وقال له :

— ح تاكل معانا بآيديك الزفت دى ؟ . روح اغسلهم .

— طب خد هاله .

— وانا مالي .

فوضع مراد هالة على الأريكة ، وذهب يغسل يديه ويحاول أن يزيل
الحبر منهـ دون جدوـى او ارتفع بكاءـ هـالـةـ ، فـتـمـلـلـتـ الـأـمـ فيـ رـقـدـتـهاـ ،
وـخـرـجـتـ أـحـلـامـ مـنـ المـطـبـخـ تـحـمـلـ عـاطـفـاـ وـقدـ تـلـوـثـ وجـهـهـ وـثـيـابـهـ
بـالـلـوـخـيـةـ ، وـقـالـتـ لـسـامـيـ ، الـذـىـ خـلـعـ ثـيـابـهـ وـوـقـفـ بـفـانـلـةـ سـبـورـ
وبـنـطـلـونـ الـبـيـجامـاـ :

— سـكـتـ هـالـهـ .

— وـاـنـاـ مـالـىـ .

— طـبـ خـدـ عـاطـفـ شـطـفـهـ .

— أـمـالـ أـنـتـمـ بـعـمـلـواـيـهـ فـيـ الـبـيـتـ ؟

— طـبـ اـسـكـتـ بـلاـشـ غـلـبـهـ .

وارتفع صوت مراد وهو يغسل يديه مشتركاً في الحديث :

— كـفـاـيـهـ عـلـيـهـ يـعـمـلـ رـيسـ فـيـ الـبـيـتـ .

وصاحت الأم من غرفتها :

— والله يا سامي إن ما شلت أختك لقايمه ومخليه نهارك زى وشك .

وخرجت سوسن من المطبخ ، وحملت هالة ، فصاحت أحلام فيها :

— بتشيليهما يأيديكى الوسخه !
فوضعتها سوسن على الأريكة ثانية وهى تقول :
— أنا مالى . الحق على .

كان مراد قد يش من تنظيف يديه ، فمسحهما تحت إبطيه وأسرع
يحمل هالة .

وسررت أحلام إلى الحوض ، وهى تبعد وجهها عن يدى عاطف ،
فقد كان يحاول أن يبعث بشعرها بيديه الملوثين بالملوخية .
ورن جرس الباب الخارجى ، فذهب سامي إليه في تؤدة وفتحه
فاندفعت نبيلة داخلة ، وهى تطوح حافظة كتبها في يدها ، وراحـت
تححدث :

— يا سلام لو شفتم اللي عملناه النهارده في أبو الأسود الدؤلى ، دخل
الفصل وقال لنا : « العواوف » قلنا له : « الله يعافيك يا افندي » قال :
« درس النهارده في المفعول لأجله » قلنا له : « ما تحكى لنا الروايه اللي
شفتها في السينما امبارح أحسن يا افندي » قال : « لميش عرفكم انى كنت
في السينما ؟ » قلنا له : « أمانى شافتكم يا افندي ، وبالأماره كنت قاعد
قدمام خالص يا افندي » قام قال : « أنا باقعد قدام علشان نظرى
ضعيف » قلنا له : « بقى مش علشان آخر الشهر يا افندي » ؟
وكانت نبيلة قد وصلت إلى باب غرفتها ، فقال لها سامي :

— ما كفايه بقى ، اقفل الراديو ده .

فالتفتت إليه نبيلة وقالت في حركة تمثيلية :
— وانت مالك يا بايج ! هو انا باحكي لك ؟

— أمال بتحكى لمن ؟

— باحكي لأحلام .

ورن جرس الباب الخارجى ، فصاحت سوسن وهى تهول نحو

الباب :

— بابا جه .

وتخلاص عاطف من يدى أحلام وراح يجرى خلف سوسن ، وهو

يصبح :

— أنا اللي افتح له .

واستبقا إلى الباب ، وفتحته سوسن قبله ، فراح عاطف يسألاها :

— يا قليلة الأدب .. يا سافله .

وقبيل أن يستمر في سبابه ، لمع أباه يحمل كيسا ، فأسرع إليه وقال

له :

— إيه إلى معاك ده ؟

— حاجه حلوه .

— طب ورينى .

— لما ادخل .

— طب هات أشيلها .

فقالت سوسن :

— لا أنا اللي أشيلها .

وأسرع سامي ومراد وهو يحمل هالة ليريا ما الذى أحضره أبوهما .

ودخل الأب إلى غرفته ، وأبناؤه خلفه حتى أحلام ونبيلة لحقتا به ،

واعتذلت الأم في السرير ، وقالت :

— إيه ده ؟

فقال الأب في نشوة :

— تفاح .

فقالت الأم وهي تغادر الفراش ، وتمد يدها إلى الكيس ل تستولي عليه :

— ما لو ش لازمه النهارده . عندنا مهليه .

فصاح عاطف وسوسن ومراد وسامي :

— احنا مالنا عايزيين تفاح .. تفاح .

وقالت الأم في استسلام :

— أحلام هاتي السكينة .

وذهبت أحلام وعادت بالسكينة ، وأخذت الأم تشق كل تفاحة نصفين ، وتدفع إلى كل من أبنائهما نصف تفاحة ، فغضب عاطف وقال :

— ما اخدش نص ، أنا عايزة تفاحة بحالها .

فصاحت الأم في غضب :

— ما فيش الا كده .

وغضب عاطف وخرج من الغرفة يبكي وأبوه يتبعه بعينيه في أسى ، كان يريد أن يدخل البهجة على قلوب أبنائه ، فإذا به لا يجلب معه إلا النكد .

وأخذ كل منهم نصف تفاحته وهو صامت ، وإن كانت وجوههم

تنطق بعدم الرضا ، وقالت الأم :

— حلوه لبعد ما تأكلوا حلوا يبه .

ولكن مراد وضع نصف التفاحة في فمه ، وراح يلوّكها ، وقالت الأم :

— أحلام .. نبيلة وضبوا السفرة .

وخرجت أحلام ونبيلة يتبعهما سامي ومراد ، وجاء عاطف يتمسح ثم قال وهو يمسح يده :

— طب هاتي .

ودفعت إليه نصف تفاحتة ، وهي تربت على كتفه ، فقال لها :

— مش أنا حلو بقى ؟

فقالت في حنان :

— قمر .

وراح الأب يخلع ثيابه ، ودنت منه وقالت له :

— يا راجل اعقل . بلاش تبلدي .

فقال في هدوء :

— دى الحكايه كلها وقه .

— اوعي لنفسك . طالع لك بنات ، ح يعوزوا تقلهم .

— ربنا هو اللي ييرزق .

— والله ما أنا عارفه لو واحده فيهم اخخطبت ح تعمل فيها إيه ؟

— بيقى وقتها يعين الله .

— أنا عارفه ما بيعجبكش كلامي . كل واحد ما بيعجبوش الا

عقله ، قال على رأى المثل .

وصمت الأم وتحركت لغادر الغرفة ، فقال الأب وهو يرتدى جاكيتة بيجامته التى تختلف فى لونها عن البنطلون :

— ما تكمل المثل : لو جابوا للمجنون ألف عقل على عقله ما يعجبوش الا عقله .

قالت وهى تخرج :
— أنا ما قلتتش انت اللي قلت .

وارتفع صوت أحلام :
— أتفضلاوا الأكل جهز .

ونادى مراد :

— سوسن تعالى خدى هاله خليني آكل .
وأقبلت سوسن وحملت هالة ، وإذا بعاطف يقبل ويجدب سوسن من ثوبها :

— هاتيها أنا اللي ح اشيلها .

وصاحت سوسن :

— ماما .. ماما .. الحقى .. عاطف ح يوقع هاله .

وقالت الأم :

— ادخلوا أو دتكم ولعبوها سوا .

وجلس الأب والأم وأحلام ونبيلة وسامي ومراد حول المائدة ، وامتدت الأيدي في تؤدة ، ثم أخذت سرعتها في الازدياد ، فبدأ أنها كانت في سباق ، وإن هي إلا لحظات حتى كانت الصحف نظيفة كأنما قد

غسلت .

ونهضوا يتسابقون إلى الحوض ، غسلت نبيلة يديها ومراد وسامي خلفها
يتربان ، ودلت إلى غرفتها ، فصاح سامي :

— أيوه زوجى .

— وانت مالك ؟

وبلغ ذلك الحوار مسامع الأم ، فنادت :

— نبيلة ، تعالى أغسل الأطباق دول ، أختلك أتهد حيلها م الصبح .

فقالت نبيلة وهي تخفي في حجرتها :

— يا ماما وراياها مذاكره كبير .

وراحت أحلام تحمل الصحاف الفارغة إلى المطبخ ، والأم تهر :

— إيه الكلام الفارغ ده ، خشى نامي وسيسي الخدامين يخدموكي ،

طب والله العظيم ما ح تفضل أحلام الأطباق دي ، ولو دعوا ، دا ظلم
دا كفر .

ونهض الزوج ، ودخل إلى المطبخ ، وشير عن أكمامه ، وراح يغسل
الصحاف ليحسن الموقف ويريح رأسه !

ودخل كل إلى غرفته ليستريح بعد الغداء ، ودخل الزوجان

حجرتها ، وأغلقا بابها وتمددوا في الفراش ، وأسلمت الأم جنبها للرقاد .

وما أن بدأت الراحة تمسح يدها الخلون تعبرها حتى أقبل عاطف يدق باب

الحجرة بيديه في قوة ، فنهضت وفتحت الباب ، وحملته ثم عادت به

وأنامته إلى جوارها ، فسكن قليلا ، وما لبث أن تقلب في الفراش ،

وأخذ ينظر في وجهها ، فضايقه أنها مغمضة العينين ، فمضى يسده

ونهض الزوج ، ودخل إلى المطبخ



يفتحهما ، فدفعت يده تبعدها عن عينيها ولكنه كان كالذباب المخوح ، كلما أبعدت يده عن وجهها ، عادت تعثي بعينيها أو شعرها أو أنفها . ومد أصبعه وأدخله في أذنها ، فنفدت صبرها ، فحملته وانطلقت به إلى حيث كان مراد وسامي وسوسن ، وقالت هلم :

— فلن كرته ؟ العبيوا معاه .

وقالت سوسن :

— ماما .. خدى هاله .

وقالت الأم وهي تسرع إلى غرفتها :

— اديها لنبيله .

وأغلقت الباب خلفها وارتمت في الفراش ، وانقضت دقائق من المدوء وإذا باب الغرفة يفتح ، وصوت سوسن يرن فيها :

— ماما .. ماما .. الحقى .. مراد شاط الكوره طارت ع الشارع .

وكان النوم أغلى من الكرة فلم تنبس الأم بكلمة ، وتقلب الأب متيرما ، ثم سحب الغطاء وأخفى وجهه وأذنيه ، حتى لا يسمع .

وانسحبت سوسن ، وكأنما عز عليها أن تعود مهزومة ، فقالت مراد :

— ماما جاييه لك .

ومرت لحظات هنئة كلها هدوء وصفاء ، تبعها صوت باب يصفق في قوة ، ثم انبار زجاج ، فقفزت الأم من نومها مفروعة ، وانطلقت مرعوبة ، فإذا بها تجد عاطفا واقفا وهو مذهول وقد تناثر حوله زجاج الباب ، وارتفع صوت الأب مستفسرا :

— جرى إيه ؟

— عاطف كسر قزاز الباب .

فقال الأب في ضيق :

— هو كل يوم لوح قزاز ؟

وقالت الأم في راحة :

— الحمد لله ربنا ستر ، لو وقع عليه كان قتله .

وبكت هالة ، فذهبت سوسن إليها وأخذتها من جوار نبيلة ، ثم انطلقت إلى أمها وقالت :

— ماما .. ماما .. خذى هالة .

فقالت الأم في زجر :

— أبعدى دلوقت .. أنتي عميتى ؟

— بتعيط .

— اديها لا يوكي .

وعكفت الأم على التقاط الزجاج المتناثر ، وهى تبعد عاطفا عنه ، وانسلت سوسن إلى غرفة أبيها ، وقالت :

— بابا .. خذ هالة .

واستيقظ الأب ، وحمل ابنته ، ثم خرج بها إلى المطبخ ، يعد لها زجاجة لين .

وعاد الأب مسرعاً ووضع هالة في سريرها ، وألقمها الخدمة المطاط ، وطفق ينظر إليها وهى تمتضى اللبن في حنان .

ودلفت الأم إلى الحجرة ، وأغلقت الباب خلفها ، ووقفت ترمي

زوجها وابنتها برهة ، ثم تقدمت منها وقالت :

— قول لي : بصحب البت دى قوى كده ليه ؟

فقال وهو يتسنم :

— بت الشيبة .

جلست على طرف السرير وقالت :

— إلا الواحد يحب آخر ولاده ليه ؟

فأعتدل وقال وهو يفكك :

— يمكن عشان يبقى حاسس إنه ح يتحرم من عطفه بدرى .

ومرر يده بحنان على جسم هالة وقال :

— يا ترى مين اللي ح يربيكى ؟

فقالت الأم في سرعة :

— ما ح يربها ويجوزها غيرك .

فقال الأب وقد شرد ببصره :

— مش باين .

فقالت الأم وهي تجذبه من طرف ييجامته :

— طيب نام بقى والشى ما تمغصش بطننا .

وتمددا في السرير ، ولزم الزوج الصمت ، وظهر القلق في وجه الزوجة ، وأرادت أن تنزل الطماينة بصدرها ، فقالت :

— هو انت مش زى ابوايا ، أبوايا عاش لما جوزنا كلنا .. عندك ٥٤

سن و كان ستاشر منه لما تجوز هاله يبقى عندك ٦١ سن ، مش ح تعيش

— الأعمار بيد الله .

لما يقى عند هاله ستاشر سنه ح اجوزها على طول ، مش ح استنى
ولا يوم .

— ما تقولش الخطاب واقفين على الباب !

فمدت يدها ومررتها على شعره ، ثم رفعت صدرها وانحنى فوقه ،
وقبلته قبلة على خده أودعتها كل حبها .
وأغمضا عيونهما ، وراح في سبات .

* * *

ونهضت أحلام ووقفت أمام المرأة تصطف شعرها ، ثم فتحت درجا
وأخرجت حلقتها ، ثم صاحت :
— إيه القرف ده ! مين اللي كسر الخلق ؟

فقالت سوسن :

— عاطف كان بيلعب بيه .

وراحت تعبث في الدرج ثم قالت :
— فين السيكتين ؟

فقالت نبيلة ، وهى ترتدى ثيابها ، وتقرب وجهها من المرأة وتحرك
في خطوات راقصة :

— كان مع سامي .

وأقبل سامي متهديا :

— كنتي شوفتني خدته ؟

— مش كان في إيدك الصبح !

— ما بطل الكدب بأه .

— ما حد كداب غيرك .

ونظر إليها مليا وقال :

— وبتروق وراحه على فين ؟

— مش شغلتك .

واستيقظ الأب والأم على صياحهما ، ولكنهما ظلا في الفراش ينصتان ، وقالت أحلام :

— نبيله جايده معايا ، رايحين نزور فايذه صاحبتي .

فأخذ سامي هيئة رجل وقال :

— ما عندناش بنات يخرجوا لوحدهم .

فقالت نبيلة في ضيق :

— وانت مالك يا بايع ؟

فقال سامي في إصرار :

— إذا كانت أحلام ح تروح لفايذه أنا ح اروح معها .

وهز الأب رأسه معجبا ، ورفت على فمه بسمة رضا ، وتحركت الأم في فراشكما وجلست متحفزة ، وارتفع صوت نبيلة متهدية :

— ح اروح غصب عنك ..

— مش راحه .

وصاحت نبيلة :

— هو انت ابويا ؟

وقال الأب لزوجته :

— ما تخرجى لاولادك دول .
— زقنى وخليلك بعيد ، لما العيال كرھتني .
وصاحت نبیلہ :
— يا ماما ، ما تحوشی الشیخ ابو العيون ده !
وقالت الأم وهي تفتح الباب :
— داتتو بتین ، ترجعوا في الضلمه لوحدکو ازای ؟
فقالت نبیلہ في ثورة :
— وفيها إيه يعني ما دام أنا واثقه من نفسي !؟
وقال سامي ساخرًا :
— واثقه من نفسي !.
ودارت نبیلہ على عقبیها ، والتفت اليه متهدية وقالت :
— آه واثقة من نفسي ، أمال زيك .. ح تسكت والا انكلم
انسلك ؟
فقال سامي في تناذل :
— ح تقولي إيه يعني ؟
ونهض الأب ووقف بالقرب من الباب يصفعی .
— ح اقول ع السجاير اللي بتشربها .
وخرج الأب من غرفته ليشارك في المعركة ، وقال :
— سجاير ؟ والله عال مش فاضل الا السجاير !
وصاحت الأم :
— إياك نكفيك عيش ، قال سجاير قال .

وأحس سامي أنه وقع في المصيدة ، فقال صارخا .

— كدابه .. والله كدابه ..

فقالت نبيلة ، وهي تدفن وجهها منه في حركة تمثيلية :

— والسيجاره اللي كنت بشربها بالليل ؟

— دى سيجاره حلاوه اشتريتها من مراد ؟

فقال مراد في بساطة :

— أبدا .. ماحصلشنى .

ثار سامي وقال :

— يا كداب .. بتشكر عشان تبقى تشتري منه !

فقال مراد وهو يهز كتفيه :

— ما خلاص التجاره فلست .

فقالت له أمه في زجر :

— قول الحق .

فقال مراد وهو يتسنم :

— الحق .. الحق .. أنا اللي اديته السيجاره .

فلطمته أمه على وجهه وقالت :

— أمال بتكذب ليه ؟

فقال مراد وهو يتحسس وجهه بيده .

— الحق على اللي قلت الحق .

وقالت الأم :

— إذا كانت أحلام خارجه ما حدش ح يخرج معها إلا سامي .

قالت نبيلة في غيظ :

— يا سلام ! عشان ما هو ولد ؟
قال لها سامي وهو يخرج لها لسانه :
— راجل .

وأنجها نبيلة إلى أحلام وقالت لها :
— طب هاتي بلوزتي بقى .

قالت الأم :
— وبعدين معاكى يا نبيلة ؟

— مش عايزه حد يلبس هدومنى .

قال سامي وهو يرتدي ملابسه ، ويسرح شعره :
— لو كنتي ح تروحى معاهها كنتي اديتها لها .
— ما لكش دعوه يا باين .

خلعت أحلام «البلوزة» وألقت بها في وجه نبيلة ، وراحت ترتدى
بلوزة أخرى ، وانتهى سامي من ارتداء ملابسه . ودخل غرفة أحلام
فرآها تمر أصابعها على شفتيها فقال لها :
— إن خططي أحر فى شفافيك مش ح امشى معاكى .

قالت له نبيلة :

— جتك القرف في شكلك .

فأخرج لها لسانه ، فتركت له الغرفة وانصرفت .
ونحرك سامي وأحلام ، وسار عاطف خلفهما ، حتى إذا ما فتح
الباب تقدم عاطف ليخرج ، فصاحت سوسن :
(أم العروسة)

— ماما .. ماما الحقى . عاطف نازل الشارع .

— سبببه يتهوى .

واغتاظت سوسن ، فقالت :

— أنا مالي .. أهو دلوقت بوسخ هدوءه .

وذهبت إلى حافظة كتبها القماش وحملتها واتجهت إلى حيث ذهبت
نبيلة . ولمحت مراد يبعث في الصوان ، فقالت له :

— مش ح تذاكر ؟

قال لها بصوته المنبعث من حنجرته ، وقد نفرت عروق رقبته :

— إيه ! ما ادينى بدور على كراسى فاضى أهو .

وعثر مراد على الكراس ، وانطلق خلف سوسن .

وتحرك الأب ليغادر غرفه ، وقبل أن يخرج التفت إلى زوجته وقال

لها :

— وراكى إيه النهارده ؟

— المرار اللي ما يخلصش ، ح اخيط شرابات العيال ، واركب لهم
الزراير .

وبدأت تحمل كومة من القمصان ، وعلبة رصت فيها الجوارب
المزقة ، وقال الزوج :

— أنا ح اقر الجرنال .

— لأ . وراك شغل كثير .

— ورايا ايه ؟

— جزم وصنادل العيال عايزين يصلحوا أهم عندك ورا الباب :

ونظر خلف الباب ، فرأى صندوقاً من الورق المقوى ، تكدرت فيه أحذية الأولاد وصنادلهم ، فحمل الصندوق ، وانطلق إلى الردهة الخارجية ، ووضع الصندوق على الأرض ، ثم اتجه إلى المطبخ ، وأحضر كرسيًا قصيراً صنع من الخشب ، وعلبة صفيح بها خيط وسكينة أحذية واير ومسامير وقدوم ، وحمل سنداناً مما يستعمله من يقومون بإصلاح الأحذية وذهب إلى الردهة .

وجلس على الكرسي ، وقد وضع السندان أمامه ، ومد يده في الصندوق وأخرج حذاء سوسن وراح يقلبه فالفاه مفتوقاً ، فوضعه على فخدنه ، ومد يده في العلبة الصفيح يأخذ الإبرة .

وأقبلت الأم ووضعت كوم القمisan على الأريكة ، ثم جلست ترفو الجوارب وهي تنظر إلى زوجها بين لحظة وأخرى ، وهو منهك في خصف نعال أبنائه ، والتقت عيونهما مرة ، فابتسم الزوج وهو يغمز بعينه :

— صنعته في اليد .

الفصل الثالث

أني المساء . وانتهى حسين من إصلاح أحذية أبنائه ، وأتمت زينب
ثبيت الأزرار وإصلاح الرسوق ورفو الجوارب ، فقامت تحمل
البسطونات والقمصان على رأسها ، وعلبة المخيط والجوارب في يديها ،
وسارت قليلا ثم توقفت والتفت خلفها وقالت :
— والنبي يا حسين تكوى للأولاد قمصانهم .

ووضعت علبة المخيط تحت إبطها ، ومدت يدها تسحب القمصان
من فوق رأسها ، وتدفع بها إلى زوجها .

تناول حسين منها القمصان ، وأنخرج من الصوان مكواة كهربية ،
ومفارش وأغطية راح يفرشها فوق المنضدة ، وجاء بكمب ماء ، وأخذ
يملأ فمه بالماء ويرشه على القمصان ثم يكورها ويضعها على المنضدة .
وببدأ في الكى ، وإذا بصوت سوسن يرن في الردهة :

— بسم الله الرحمن الرحيم . قل أَعُوذُ بِرَبِّ النَّاسِ ، إِلَهِ
النَّاسِ ، مِنْ شَرِّ الْوَسَاسِ الْكَنَاسِ .

فصاح الأب وهو مستمر في عمله :
— الخناس يا سوسن .

فأصلحت سوسن خطأها واستمرت في القراءة :
— من شر الوسas الخناس ، الذي يosoس في صدور الناس .

و كانت الأم قد انتهت من وضع البنطلونات والجوارب في أماكنها
و أقبلت ، فقالت لزوجها :
— الخناس يعني إيه ؟
فسرد حسين وقال :
— الخناس ؟.. الخناس ؟.. هاني مختار الصحاح نشوف معناها
بالضبط إيه ، وهست بالتحرك . وإذا بزوجها يقول :
— ولا مالوش لزمه .
— ليه عرفت معناها ؟
— أبدا ، بس ح نتعجب نفسنا من غير لزمه .. ما فيش كلامه دورت
عليها فيه الا لقيت مكتوب الشيء الفلاني « معروف » .
— يعني إيه معروف ؟
— يعني سهل قوى ، مش تحتاج لشرح ، الناس كلها عارفاه .
— طب والنبي لما روح اشوف شارح « الخناس » بيأيه .
و اتجهت إلى غرفة الاستذكار ، إنها غرفة بسيطة ، بها مكتب واحد
متواضع ، وصوان صفت فيه الكتب ، لا ضل ف له . أسللت عليه
ستارة ، وقد جلست نبيلة خلف المكتب ، بينما انطبع مراد على وجهه على
الأرض ، وقد بسط أمامه كتاب الحساب وكراسة ، وجلست سوسن
على كرسى من القش ، ترقل القرآن وتهز رجليها .
ونظرت الأم ، فألفت عاطف قد نام في كرسيه ، وقد تكور فيه ،
بينما نامت هالة على الأرض ، فقالت نبيلة :
— حرام عليكى .. هو انتي ما فيش في قلبك رحمه ؟

فقالت نبيلة في دهش :

— في إيه ؟

— مش شايفه أخواتك نامين ازاي ؟

— دول لسه نامين دلوقت .

— ناموا يا كبدى من غير عشا .

— ما كلوا العصر .

وذهبت إلى هالة وحملتها في رفق ، ثم التفت إلى نبيلة ، وقالت :

— هاتي أخوكي .

فرمت نبيلة الكتاب من يدها في تيرم وهي تتقول :

— أف .. الواحد ما يعرفش يذاكر في البيت ده .

— يعني المذاكره حلبت دلوقت ، لما كتني ح تخرجى مع أحلام ما
ذكرتنيش في المذاكرة ؟

وحملت نبيلة عاطفا ، وسارت الأم وبين يديها هالة ، وخلفها نبيلة ،
وعلى كتفها عاطف ، واتجهت الأم إلى غرقتها وذهبت نبيلة إلى غرفة
البنين .

وضعت الأم هالة في فراشها في حنان ، وراحـت تخلع لها حذاءـها في
رفق ، ثم مالت ووضـعت على خـدـها قبلـة .

ودخل الأب الغرفة وهو يحمل القمصان ، فالـتـفتـتـ إلىـهـ زـوجـتهـ ،
وقـالـتـ :

— إـيدـ ماـ نـعـدـمـهاـ .

ثم دـنـتـ منهـ وـقـبـلـتهـ فـخـدـهـ ، فـأـشـرقـ وجهـهـ ، وـرـفـتـ عـلـىـ فـمـهـ بـسـمةـ

رضا .

ووضعت نبيلة عاطف على فراشه وخطعت له فردة حذاء ثم غطته في
عجلة ، وفي رجله الأخرى « فردة » .

عاد الأب والزوجة إلى غرفة الاستذكار ، وإذا بسوسن تردد القسم ،
وهي واقفة :

— أقسم بالله ، أن أكون مخلصة لمصر ..

ورفع مراد رأسه والتفت ، فلما رأى أبياه نهض وفي يده كتاب
الحساب ، ذهب إليه وهو يقول :
— مش فاهم المسألة دي .

قال الأب وهو يتسنم :

— ح تفهمها ازاي وسوسن عماله تذيع قرآن وأناشيد ؟

فقالت سوسن ورأسها مرفوع :

— يعني ماذا كرش ؟ أطلع خايه زيم ؟

قالت أمها وهي تربت على ظهرها :

— كفايه التهارده . أكللك في التلميـه كلـيه وخشـى نـامـى .

— حاضـر يا ماما .

وأقبلت نبيلة ونظرت ، فلما رأت أبياهـا في الغـرـفةـ مدـتـ يـدـهاـ وـتـناـولـتـ
الكتـابـ وـخـرـجـتـ لـتـسـتـذـكـرـ درـوسـهاـ فيـ غـرـفةـ أـخـرىـ .

وتـناـولـ الأـبـ الـكتـابـ منـ مرـادـ ، وـقـرـأـ المـسـأـلةـ ، ثـمـ قـالـ :

— شوف يا مراد ، عندك حوض على شكل متوازى مستطيلات
أبعاده من الداخل ١٢٠ سنتى و ١٠٠ سنتى و ٨٠ سنتى متر ، ركب
عليه حنفيه تنزل ٦٠ لتر في الدقيقه وفيه بلاعه تفرغ ٤٠ لتر في الدقيقه ،
فإذا فتحنا الحنفيه والبلاعه مع بعض ، بعد أداءيه يتملى الحوض ؟ .

قالت الأم في حماسة :

— كلام إيه الفارغ ده ، اللي عايز يملأ الحوض يسد البلاعه ، إنما يفتح
الحنفيه ويسيب البلاعه مفتوحة بيقى جنان .

— المسأله بتقول كده .

— يعلموا العيال حاجه معقوله .

ومد مراد يده ، وأخذ الكتاب من أبيه وأغلقه ، فقال له أبوه :
— بتعمل إيه يامراد ؟

قال مراد وهو يضع الكتاب على المكتب :

— ما دام حاجه مش معقوله أفهمها ليه !

وتحرك ليغادر الغرفة ، فقال له أبوه :

— تعال ، رايح فين ؟

— رايح آكل وانام .

ودق جرس الباب الخارجى ، فذهب مراد وفتحه ، فاندفعت أحلام
في مرح يتبعها سامي في تؤدة ، وسارت حتى بلغت غرفة الاستذكار ،
فأطلت برأسها وقالت متهلة الأسارير :

— السلام عليكم .

ثم صارت تصير ، وكل خالجة فيها تنطق بسرورها ، وراحت الأم
تبعها بنظرها برهة ، ثم قالت :
— إيه اللي جرى الليله دي ! أحلام مش زى عوایدها .
— مزقططة ومش على بعضها .
وارتفع صوت أحلام في غناء :
— مال الهوا يا امه .
فالتفت الأم إلى زوجها ، وقد اتسعت عيناهما دهشة :
— سامع .. بتغنى . وما سمعتهاش بتغنى قبل الليله أبدا .
وأنصت الزوج مليا ، ثم التفت إلى زوجته وقال :
— غريب . صوتها طالع من قلبها .
ثم قالت بصوت خافت :
— تكونشى بتحب !؟
فهبت الأم كمن لدغتها أفعى :
— بتايه ؟ هو انا عندي بنات يعرفوا الكلام ده !
وانطلقت خافية القلب إلى غرفة ابنتها ، فألقتها قد خلعت ثيابها ،
ووقفت أمام المرأة تتفرس في مفاتنها التي عجز القميص الشفاف عن
سترها ، وأخذت الأم تنظر إلى ابنتها مليا ، فرأتها لأول مرة فتاة نامية ،
اكتملت أنوثتها ، فاشتد وجيب قلبها وتقدمت إليها في قلق ، وقالت :
— شفتى مين عند فايزة ؟ كان مين اللي قاعد معاكوا ؟
فقالت أحلام في بساطة :
— ما كانش فيه حد غريب .. كانت فايزة وأمها وأبوها وجلال .

فقالت الأم في اضطراب :

— وجلال كان قاعد معاكرو !

— أيوه يا ماما .

فقالت الأم في صوت فيه رنة غضب :

— وازاي يقعد معاكرو ؟

— وفيها آيه يا ماما ؟ لقى سامي قاعد قعد .

— لكن سامي لسه صغير ، إنما جلال بقى راجل .

سمع سامي الحوار الدائر بين أمها وأحلام ، فخرج من غرفته ، وانسل
إلى الغرفة الثانية حتى يشترك في الحديث ، وقال :

— أنا كنت قاعد في أدبي مش زي جلال .

فقالت أحلام في ثورة وقد توردت وجيتها ، فازدادت جملاً :

— ما كان قاعد في أدبه راحر ، قول لي عمل آيه كده ؟

فالتفت سامي إلى أمها وقال :

— لو شفتيه وهو بيص لها ح يأكلها .

فتقدمت أحلام نحوه صائحة :

— خطلني عندك أدب .

ولم يأبه لها ، بل استمر يقص على أمها ما حدث :

— طول ما هو قاعد بيص لرجلها .

وانتسبت عينا الأم ، ونظرت برغبتها إلى ساق ابنتها العاريتين ،

فامتلأت حنقاً ، واحتقن وجه أحلام بالدم ، وصاحت :

— ما بس بلاش كلام فارغ .

و هز سامي رأسه في عدم اكتراث بها ، وقال :

— ولو شفتى اللي عمله أبو فايزه .

فقالت الأم في فرع :

— و عمل إيه رانحر ؟

فتقديم وهو يقلد الرجل في حركاته وفي نبرات صوته :

— طبطة على خد أحلام وقال لها : « أهلا مرات ابني » .

فقالت الأم وهي تشتهق :

— مرات ابني .. مرات ابني ازاي ؟!

وخرجت كالعاصفة ، وانطلقت إلى غرفة الاستذكار ، فإذا بزوجها

قد اضطجع وراح يقرأ الجريدة في هدوء ، فصاحت فيه :

— يا بختك بروقان بالك .

فتحي الجريدة ، واعتدل وقال :

— حصل إيه ؟

— قال الرجل يطبّط على خدها ويقول لها : أهلا مرات ابني .

— بيهزر معاهما .

— هزار إيه البایخ ده اللي يفتح عنين الأولاد ؟

وجاء سامي خلف أمه يسعي ، ودخل الغرفة وقال :

— نسيت أقول لك .

— نسيت إيه كمان ؟

فأمسك الباب بيده ، ووضع ساقا على ساق ، ومال قليلا تاجية

ذراعه التي أمسك بها الباب وقال :

— أبو فايزه وأمها وجلال بيكولوا الكم إنهم ح بيجوا يزوروكم يوم الخميس الجاي .

قالت الأم في دهشة :

— إيش عجب لا يعرفونا ولا نعرفهم .
وشردت بيصرها ، وراحت الأفكار تترافق في رأسها ، وصمت الأب يفكر ، ونظر سامي إلى أمه وإلى أبيه ، فألقاها شاردين ، فهز كتفيه وقال قاطعا حيل تفكيرها :

— مش ح تتعشو ؟

قالت الأم في سرعة للتخلص منه :

— إحنا شبعانين ، روحوا اتعشو انتم .
وانسحب سامي ، وجلست الأم على أقرب مقعد ، وقد حملت رأسها بكفها ، وأرادت أن تطمئن إلى الأفكار التي ثبتت في رأسها
قالت :

— تفتكر يا حسين بيجوا يزورونا ليه ؟

ولم يشأ أن يعبر عن المخواطر التي طفت على سطح ذهنه ، حتى لا يسبب لها أثما إذا ما خاب حجمه ، فقال :

— إيش عرفني .

وساد الصمت بينهما ثانية ، وانفرد كل منهما بأفكاره ، حتى أفاق حسين على صوت كرسى يسحب من الخارج ، فالتفت إلى زوجته وقال :

— يلا يا زينب نام .

فهضت وهي تقول :

— بلالا .

— ودخل غرفتها ، وتمددا في السرير ، وراح زينب تقلب

قلقة ، فقال لها زوجها :

— ما تناهى .

— مش جاي لي نوم .

ونحيم المندوء على الغرفة ، ثم تنهدت زينب بصوت مسموع ، فقال

لها زوجها :

— يتفكرى في إيه ؟

— يا ترى الناس دول شكلهم إيه ؟

— ناس زينا ، لهم عنين وودان وبق ومنخير .

— مش قصدى .

— أمال قصدىك إيه ؟

— يا ترى دول ناس طيبين واللا جنسهم إيه ؟

قال لها وهو يربت على ذراعها العارية :

— نامي نامي .. بكرة نعرف كل حاجة .

الفصل الرابع

جلست زينب أمام « التواليت » وراحت تصفف شعرها ، وتحت زوجها مقبلاً في المرأة ، وهو يرتدى ييجامته ، فقالت له :

— ح ننزل نشتري للأولاد جزم .

قال لها الزوج وهو يعبث بذقنه :

— ماصلحةنهم أول امبارح .

— جزمهم بقت عره ، والناس ح يسجوا بكره ، يقولوا علينا إيه ؟

— دول ما بقاهمش شهر .

— أنا عارفة بيعملوا فيهن إيه ؟

وصمت قليلاً ثم قالت :

— خد مقاسهم ويللا .

— طب البسى انتي وما تاخريناش .

قالت وهي ترفع حاجبيها عجباً :

— بقى أنا باغيب في اللبس ، والله ما طلع على الحكايه دى غيرك .

قال وهو يغادر الغرفة :

— لمانشوف .

ونادى وهو في طريقه إلى الردهة :

— سامي ، هات ورقة بيضه وقلم رصاص .

وأقبل سامي ومراد وعاطف وسوسن ، ووقفت نبيلة على باب غرفتها تنظر . قدم سامي إلى أبيه الورقة والقلم ، فوضع الأب الورقة على الأرض ، وقال لعاطف :

— حط رجلك .

فوضع عاطف قدمه عارية فوق الورقة ، وأنخذ الأب يمرر القلم الرصاص حول القدم ، ليحدده على الورقة ، وقال سامي :

— مقاس رجل ٣٩ .

وقال مراد بصوته المنبعث من حنجرته :

— وأنا مقاسي ٣٦ .

ورفع عاطف قدمه ، ووضعت سوسن قدمها ، وراح الأب يرسمها على الورق ، وقالت نبيلة :

— أنا عايزة جزمه « سبور » ٣٧ .

والتفتت نبيلة خلفها ثم قالت :

— وأحلام عايزة جزمه بكعب عالي ٣٦ .

وإذا سوسن تربت على خد أبيها وتقول :

— وأنا يا بابا عايزة جزمه بكعب عالي .

ودنا عاطف وقال :

— وأنا كنان .

وقال الأب وهو يتوجه إلى غرفته :

— حاضر .

ودخل يرتدي ثيابه ، فالتفت إلى زوجته فألفاها لا تزال تصفف

شعرها ، فقال :

— لسه ا

قالت له :

— والنبي البس انت وما تلخمنيش .

وارتدى قميصه وبنطلونه ، وجلس يدس قدمه في الجورب ، وإذا

سوسن مقبلة تصيح :

— ماما .. ماما .. إلتحق سامي بيمحلق دفنه .

وقام الأب وقد ليس « فردة » جورب وقدمه الأخرى حافية ،
وذهب إلى الحمام ، فوجد الصابون الغزير يغطى ذقن سامي : فقال له
الأب في زجر :

— إيه اللعب ده ؟ تهيج دفنك .

قال سامي في مكابرة :

— هو انا عملت حاجه ! أنا باغسل وشى .

وأقبلت نبيلة وقالت :

— مستعجل قوى ، عاوز تبقى راجل .

قال لها سامي :

— وانتي ليش حشرك ؟

وقالت سوسن :

— شفت يا بابا هو اللي بيأخذ اموالك ويقول إن أنا اللي بأخذهم
أبرى بيهم الأقلام .

ومد سامي يده وقبض على ذراع سوسن ، وهزها في غيط :

— يا بنت انتي بطل الكذب والتأويم .

وصرخت سوسن وقالت وهي تبكي :

— آه يا دراعى .

فقال الأب في غيظ :

— إنت بتضررها ليه ؟

فقالت نبيلة :

— ماحدش مالى عينه .

وصاحت الأم :

— ما بس بقى ، والله لو صحيت هاله ما حد يشيلها غيركم .

وانسلت نبيلة إلى حجرتها ، وخرجت سوسن وهي تمسح دموعا متوجهة ، وعاد الأب إلى الغرفة يستأنف لبسه ، فوجد الجورب قد ابتلى بالماء ، فخلعه وقام يحضر جوربا آخر . وأتم ارتداء ثيابه ، وزوجته جالسة لا تزال بقميص النوم أمام التواليت ، وفي يدها أصبع الأحمر تمرره على شفتيها ، فقال لها :

— أنا بدئ أعرف بيترقى لمين بس ؟

فقالت في دلال وهي تنظر في المرأة :

— لك يا راجل .

— ماتنتي قاعده كل يوم في البيت من غير زواق ، واثمعنا الأبيض والأحمر
ما يخلاش إلا ساعة الخروج .

— عايزني أمشي جنبلك عره !

— إذا كان على أنا عاجبني من غير زواق ، بس شهلي ، والله ما حد
(أم العروسة)

ح يخطبك ، انجورى و خلاص .

— آهو انت اللي بتعطلنى وترجع تقول باجيب في البس .

فقال وهو يهم بمعادرة الغرفة :

— ما فيش فايده ، كل الستات يحبوا ان الرجاله يصفروا لهم .

— مش كلهم .

— كلهم ، وانتي أولهم ، فاكره يوم ما جيتنى فرحانه وقلت لي إنك كنتى ماشي بين اتنين صاحبك وواحد قال لك : أحلاهم اللي في الوسط !

— طب اخرج بقى خليني البس ، الحق على اللي يقول لك كل حاجه .

وخرج من الغرفة ، وراح يغدو ويروح في الشقة وقد لاح في وجهه الضيق ، ووقع بصره على الراديو ، فذهب إليه ليديره لعل النغمات المبعثة تنزل الراحة بصدره ، وتعينه على الصبر .

ونظر إلى الراديو فاتسعت عيناه دهشة ، كان زجاجه محطما ، وعقاريه متزوعة ، والأزرار التي تدير العقارب مفكوكه ، فقال :

— راديو إيه ده ؟ بتدوروه ازاي !

فأسرعت سوسن إليه وقالت :

— عايز آني محظه ؟ مصر واللا صوت العرب ؟

فقال الأب :

— أى محظه .

فمدت يدها تدبر ذلك المسamar العاري الذى كان مركبا عليه زرار

العقارب ثم توقف وقالت :

— آهى دى محطة القاهرة .

فالتفت أبوها إليها وقال :

— يعني ما نطقش .

فقالت سوسن في بساطة :

— ده ما يميشش إلا بالضرب ، إدی له على نافوخيه .

فنظر إليها وهو لا يفهم مما تقول شيئاً ، فأسرعت إلى الراديو وضربت

سقفه بقبضة يدها الصغيرة ، فانبعث صوت الراديو مجلجللاً في الشقة .

وجلس الأب يصغي برهة ثم نهض واتجه إلى غرفة النوم ونظر ، فألفى

زوجته لا تزال تقوم بارتداء ملابسها ، فعاد إلى الراديو ضيق الصدر ،

وضرب سقفه في غيظ بقبضة يده ، فإذا بالراديو يسكت عن الكلام .

وعاد ثانية إلى حيث كانت زوجته ، وقال :

— ما تيللا بقى .

فراحت تمرر زجاجة العطر خلف أذنيها في هدوء ، ثم مدت إليه يدها

بالتزجاجة وهي تقول :

— سعد ، إنتر بيج .

فانقضع غضبه سريعاً وقال :

— بعددين الستات تجري ورايا .

— مش أحسن ما تجري منك ؟

ومد يده وجذبها من يدها وهو يقول :

— أنا خلنا خالص ح نخرج في الضلمه .

وَجَذِبَتْ يَدُهَا مِنْهُ وَقَالَتْ :

— طَبٌ لِمَا أَفْلَى الدُّولَابُ .

وَأَغْلَقَتْ الدُّولَابَ ، وَوَقَتَتْ أَمَامَ مَرْأَةً « التَّوَالِيَّتِ » تَنْظَرُ إِلَى
ظَهَرِهَا ، فَمَدَ يَدَهَا وَجَذَبَهَا فَانْقَادَتْ لَهُ .

وَخَرَجَ مِنَ الْغُرْفَةِ وَسَارَ فِي الرَّدَهَةِ ، وَإِذَا بِهَا تَقْفَ فَجَأًةً وَتَقُولُ :

— وَاللَّهِ مَا حَدَّبِيلَ خَمْنَى غَيْرِكَ ، نَسِيتَ آخِدَ مَقَاسَ رَجُلِ هَالِهِ .

وَعَادَتْ إِلَى الْغُرْفَةِ . وَوَقَفَ فِي الرَّدَهَةِ يَصْرُفُ أَنْيَابَهُ ، وَغَابَتْ قَلِيلًا

ثُمَّ عَادَتْ ، وَانْطَلَقَا حَتَّى إِذَا بَلَغَا بَابَ الشَّقَّةِ الْخَارِجِيِّ قَالَتْ :

— أُوهُ ، نَسْتَنِي الْجَوَانِتِيِّ .

وَتَرَكَتْهُ وَعَادَتْ لِتَحْضُرْ قَفَازَهَا ، وَوَقَفَ يَدْقُ بِقَبْضَةِ يَدِهِ دَقَاتٍ
مَكْتُومَةٍ تَمَّ عَنْ ضَيْقَهُ وَنَفَادِ صَبَرَهُ .

وَعَادَتْ إِلَيْهِ تَبَعَّثُ بِقَفَازَهَا ، وَعَلَى فَمِهَا ابْتِسَامَةٌ هَادِئَةٌ ، فَفَتَحَ الْبَابَ

وَقَالَ :

— اتَّفَضْلِي ، عَلَى اللَّهِ مَا تَكُونِي شِنْسِيَّتِي حَاجَهُ تَانِيهِ .

وَانْطَلَقاً ، حَتَّى إِذَا بَلَغَا شَارِعَ ٢٣ يُولِيوُ ، رَاحَا يَتَفَرَّسَانِ وَاجِهَاتِ
الْمَحَالِ ، وَقَالَ لَهَا :

— مَشْ حَنْخَشْ نَشْتَرِي بَقِيٌّ ؟

— مَشْ لَمَّا نَتَفَرَّجْ قَبْلَهُ .

وَسَارَا ، وَإِذَا بِشَابٍ يَصْفِرُ ، فَالْتَّفَتَ إِلَى زَوْجِهِ وَقَالَ :

— مَا تَفَرَّحِيشُ ، مَشْ يَصْفِرْ لَكَ ، يَصْفِرْ لَلِّي وَرَانَا .

وَالْتَّفَتَ خَلْفَهَا ، وَإِذَا بِفَتَاهُ قَدْ ارْتَدَتْ ثُوبًا ضَيْقَا مُشِيرَا ، بَرَزَ مِنْهُ

نهداما ، وتعلو وجهها طبقة من المساحيق ، وقد ركبت رمادا طولية

وصبغت شعرها بلون الذهب ، فقالت :

— إنت بتبيص للفتارين ولا للماشين ؟

فقال في بساطة :

— يتفرج .

ووقفا أمام محل بيع أقمشة ، وقالت :

— ما بقاش عندى فساتين أخرج يهم ، تعال لما اقطع لي فستانين .

فقال في صوت مضطرب :

— لكن احنا نازلين نشتري جزم للأولاد .

— دلوقت نشتريهم .

ودخلت إلى المحل ودخل خلفها ، وانسابت مسرعة إلى قسم الحرائر
وهو في أثراها ، وقالت للعامل .

— عايزه قماشه بيع وردمتها صغيره .

وراح الرجل يعرض عليها القماش ، وهي ترفض :

— لأدى وردمتها صغيره قوى .. لأدى وردمتها كبيرة قوى .. عايزه
ورده أكبر من دي شويه ، وريني ورده أصغر من دي سنه .

وتكدست أثواب القماش أمام العامل ، حتى كادت تخفيه ، ونفذ
صبر الزوج ، فتقدم من العامل وقال له :

— لو كانت الفابريكه تنصف ، كانت تبعت لكم القماش ساده ،
وتبعت معاه الألوان والفرش ، وكل زبونه ترسم السورده اللي على
مزاجها .

وأحست الزوجة أن ضيق زوجها بلغ متهاه ، فاختارت القطعتين
وتناولت من العامل القسيمة ، ودفعت بها إلى زوجها ليدفعها .
وذهبا إلى محل أحذية ، واشترى ما يحتاجان إليه بعد أخذ ورد طويلين
بين الزوجة وصاحب المحل في الأمان ، وخرجا من المحل ، الزوج يضع
لفة القماش تحت إبطه وتندلى في كل يد ربطة أحذية ، بينما سارت الزوجة
إلى جواره تعث بقفازها !

وقفت الزوجة عند وجهة محل ، وراحت تتفرس في حقائب اليد
المعروضة ، ووقف الزوج بعيدا ، فإذا بها تلتفت إليه وتناديه ، فلما يدنو
منها : تقول له وهي تشير بأصبعها من الزجاج :

— إيه رأيك في الشنطة دي ؟ شنطتي بقت عره .

— أعقل بلاش تبذر ، طالع لنا بنات .

— هو احنا جينا حاجه زياده ؟ حتى حقت الشنطة مستخسرها فيه ؟
ما استلهاش ؟

— إذا كانت عاجبا كي خديها .

وهت بالدخول ، فقال لها :

— اسمعى قبل ما تخشى ، مكتوب عليها ثلاثة جنيه ، تخش ندفع
الفلوس ونخرج ، مش عايزة فصال ووجع دماغ ، إن فاصلتني ح اسيك
وانخرج على طول . .

— طيب .

دخل خلفها وهو لا يسرى كيف يوفق بين لومها له واتهامها إياه
بالتبذير يوم اشتري أفة تفاح ، وبين ما تفعله اليوم !

وجعلت تقلب الحقيقة بين يديها ، وتجرب قفلها ، وتتفسر في
محتوياتها ، ولما اطمأنَّت إليها ، سأَتْ :

— تمنها كام ؟

فقال الرجل :

— ثلاثة جنيه .

— كثير ، ميه وخمسين قرش بس .

واريد وجه الزوج ، ونظر إلى زوجه في غيظ ، ثم غادر محله وتركها
وحدها ، ووقف أمام محل يدق الأرض بقدمه في ضيق ، وتقضي بعض
الوقت ، ثم أقبلت الزوجة وفي يدها الحقيقة .

— خدمتها بكام ؟

فقالت في هدوء :

— بيه وخمسين قرش .

فالتفت إلى المحل وهو يجز على أسنانه ، فمدت الزوجة يدها إليه
وقالت وهي تجذبه :

— يلا .. أصل فلوسك كثير .

الفصل الخامس

جاء يوم الخميس ، وكان ميعاد الزيارة المرتقبة ، فدبّت حياة عاصفة صاخبة في الشقة ، كان الأبناء جميعهم يرتدون أثواب ما عندهم حتى الأب راح يرتدى بذلته الرمادية التي كان يدخرها للمناسبات ، وارتفعت الأصوات وانتعطلت فكانت أشبه بالضجة المتبعة من مشاهد مباراة حامية في كرة القدم .

وصاح سامي في عصبية :

— المشط فين ؟ مين خده من قدامى ؟

فقالت نبيلة وقد خلعت جاكيتة البيجاما ، ووقفت أمام المرأة تلف شعرها دوائر :

— أنا اللي خدته ، ما بقى للي ساعه بتتسبيب .

وصاح الأب :

— مين اللي خد الكرافته من هنا ؟

فصاحت نبيلة :

— مع سامي .

وخرج الأب من غرفته ، وهو عاري الساقين ، يرتدى قميصاً أبيض ، واتجه إلى حيث كان سامي ، ووقع بصره على الكرافته ، فانقض

عليها وأخذتها وهو يقول :

— حتى الكرافعه دى ح تاخذها ؟ دانا بقى لي خمس سنين مش عارف أشتري غيرها .

ونادت أحلام :

— نبيله نبيله ، والنبي تناوليني البنس .
فاتجهت نبيله إلى الحمام ، ودفعت إلى أحلام بالبنس .

وصاح عاطف في بكاء :

— لأ ما البיש البنطلون ده ، عايز البنطلون الأحمر .

وقال مراد وهو يدس قميصه في البنطلون في إهمال بحيث أصبح القميص من أمام داخل البنطلون ، بينما كان طرفه الخلفي خارجه :

— ما تدى له البنطلون اللي هو عايزه .

وجاءت سوسن تهول ، وهي ترتدي فستانًا قصيرًا كشف عن ركبتيها ، وهي تقول :

— ماما .. ماما .. لبسيني الفستان .

وأولت ظهرها الأمها ، ففهمت الأم بعدها التصالح هندام ابنتها ، وإذا .

يعاطف يصبح :

— أنا مالي عايز البنطلون الأحمر .

وارتفع بكاء هالة ، فصاحت الأم :

— يا نبيله ، أنا مش عارفة بتعمل إيه عندك ، تعالى شوفي أختك .

وقال سامي وقد ارتدى ثيابه :

— لما تخلص زواق .

— أنا قلت لك ميت مره مالكتشى دعوه بيه .

وقالت الأم لسامي :

— فوت انت بقى روق لنا الشقه شويه .

فقال سامي :

— هاتوا ثمن تذكرة السينا .

فقالت الأم بصوت عال :

— إدي له يا حسين .

فقال الزوج في ضيق :

— ما كانوا قعدوا في الشقه !

فقالت الأم في حدة :

— أنا واحده عيانه وما تجيوليش الأولى ، حرام عليكو كفايه قرف
بقى !

فقال الأب وهو يدفع لسامي ثمن التذكرة في صوت أقرب لصوت
المعددة :

— ليه العواذل حاسدينى ، دول حقهم ييكو على .

ورأى مراد أن سامي حصل على ثمن تذكرة السينا ، فتشجع واقترن
من أبيه وقال :

— وأنا ؟

فقالت الأم وهو تصفف شعر عاطف :

— نحد أخوك . معاك ياسامي .

فقال مراد بصوته المبعث من حنجرته :

— لأ ما امشيش مع سامي ، بيزغدنى في السكه .

فقال سامي وهو ينصرف :

— ومن يعشى معاك ؟

وأخذ مراد نقوده ، وانطلق مهرولا وأمه تصيح خلفه :

— تعرف تركب بهم عجل ح اقطم رقتك .

وخرجت أحلام من الحمام ، وهى في قميص وردى ، تضع على كتفيها منشفة ، غطت بها ظهرها وصدرها ، وإن ظل الأخدود الغائر بين ثدييها عاريا ، والتجهت في تؤدة إلى غرفتها ، كانت في قراره نفسها تحس أن اليوم يومها .

ونظر الزوج إلى زوجته وقال :

— لسه ما لبستيش ؟ الناس زمنهم جاين .

— ح بيس أهو .

ووضعت يد عاطف في يد سوسن وقالت :

— اقفى باخوكمي ع الباب .

فقالت سوسن :

— طب هاتوا نضيع .

وأعطها أبوها قرشا ، فرفضت أن تأخذنه وقالت :

— أنا شفتكم أديت لسامي ومراد إيه ، عايز تضحك على ، واللا

يعنى عشان ما هم ولاد ؟
وأعطاهما أبوها حتى رضيت ، وأقبلت نبيلة تحمل هالة وتقول في
ملل :

— كان على ذنب أتحبس معها النهارده .. ما كنت خرجت أنا
رخره ..

فقال لها أبوها :

— كنت ترژحى على فین ؟
فقالت نبيلة وهي تلتف بهالة في حركة راقصة ؟
— أى حته ..

فقالت الأم وهي تخلع ثوبها :
— ما هي الدنيا سايمه .

ودخلت نبيلة غرفتها وانبعثت من الراديو أنغام راقصة ، فراحت
ترقص وهي ترفع هاله بيدها ، وأخذت تدور ، فقالت لها أحلام :
— كفايه بقى زغللتني عنديه .

ولم تكف نبيلة عن الدوران ، بل قالت :
— قولى لي الناس دول جاين النهارده ليه ؟
فقالت أحلام وهي تررق فستانها :
— أنا عارفة .

— كل حاجة فيكى بتقول إنك عارفة ، تسرىحتك ، فستانك ، لمعان
عنيكى ، الفرحة اللي ..

قالت أحلام مقاطعة :

— بس بلاش غلبه ، هو انتى ما بتتعيش م الكلام !

وظلمت نبيلة في دورانها وحديثها :

— الكلام ده نعمه .. يمكن انتى ما تحسّش فيها ، لأن حواليكى ناس
كثير بيكلموكى ، زى الشيعان اللي ما يعرفش قسوة الجوع ، ياما ناس
يتمنوا يلاقوا اللي يكلموهم .

وارتفع صوت الأم ينادى :

— نبيله .. نبيله .

فقالت نبيلة وهي تتحرك في خطوات راقصة :

— مؤكدة ماما لبست الشراب .

وانطلقت إلى حيث كانت أمها ، فالفتها قد ارتدت ثوبها وجوربها
وقد لفت بجذعها تنظر إلى بطن ساقها ، ولما رأت نبيلة ، قالت لها :

— شوف خط الشراب معدول ؟

فنظرت نبيلة ثم قالت :

— معدول خالص ، وان ما كانش معدول ح يحصل إيه في الدنيا ؟

فقالت الأم في إيمان :

— إزاي ؟ دى قيمة الست في شرابها .

وقالت نبيلة في حيث :

— طب واللي من غير شراب ؟

فقالت الأم في بساطة :

— ما هاش قيمة .

وضحكت نبيلة ضحكة طلقة ، فهذا الحديث يدور بينها وبين أمها
كلما لبست الأم جوربها .

وأقبل الأب وهو في كامل هيئته ، وتحته نبيلة فقالت في مرح :

— إيش . إيه الشياكه دى كلها ؟

فقالت الأم وهي تبتسم :

— يا بنت خليلي عندك أدب .

وقال الأب وهو يهز رأسه :

— الشياكه راحت من يوم انتم ما جيتوا .

ودق جرس الباب الخارجي ، فالتفت الأب إلى الأم في اضطراب ،

وقال :

— أهم جم . افتحي لهم الباب .

وقالت الأم في قلق :

— أنا ما اعرفهمش . روح قابلهم انت .

وقالت نبيلة :

— انتو رح تسيروا الناس واقفين ع الباب ! أروح أفتح لهم أنا ؟

وقال الأب في سرعة :

— لا .. لا .. أحلام اللي تفتح لهم .

وخرجت أحلام من غرفتها ، وسارت صوب الباب الخارجي في
حيوية ، وإذا بالأب يقول :

— دخلت الستات في الأوده المفروشه والرجاله في المكتب .
ووصلت إلى الباب ، فوقفت ببرهه تصلاح هندامها ، ثم مررت يدها
على شعرها لتسأكـد من أن الهواء لم يعبث به ، وفتحت الباب فافتـلت
جلالـا وأباه وأمه ، فرفـت على فمها بـسمـة ، وتأخرـت خطـوة ، لتفـسـح
الطـريق ، وقالـت :
— تـفضلـوا .

والـتـقـتـ عـيـنـاـها بـعـيـنـيـ جـلـالـ ، فـأـحـسـتـ كـأـنـ تـيـارـاـ كـهـربـياـ سـرـىـ فيـ
بـدـنـهاـ ، وـاسـتـشـعـرـتـ نـشـوـةـ وـسـارـتـ فـيـ خـفـةـ ، وـأـشـارـتـ إـلـىـ أـمـ جـلـالـ أـنـ
تـفـضـلـ إـلـىـ غـرـفـةـ الـاستـقبـالـ وـانـطـلـقـتـ أـمـ جـلـالـ وـأـبـيهـ تـقـودـهـاـ إـلـىـ غـرـفـةـ
المـكـتبـ .

وـجـلـسـ جـلـالـ وـأـبـوهـ يـقـلـبـانـ عـيـونـهـماـ فـيـ المـكـانـ فـاحـصـينـ ، كـانـ جـلـالـ
شاـباـ فـيـ الثـالـثـةـ وـالـعـشـرـينـ ، أـسـمـرـ الـوـجـهـ ، أـسـوـدـ الـعـيـنـينـ ، يـمـيلـ أـنـفـهـ إـلـىـ
الـكـبـيرـ ، غـزـيرـ الشـعـرـ ، مـتوـسـطـ الـقـامـةـ . وـكـانـ أـبـوهـ رـبـعـةـ ، بـارـزـ الـكـرـشـ ،
مـسـتـدـيرـ الـوـجـهـ ، أـصـلـعـ الرـأـسـ عـلـىـ الرـغـمـ مـنـ غـزـارـةـ شـعـرـ حاجـبيـهـ ،
سـقطـتـ بـعـضـ أـسـنـانـهـ وـلـمـ يـفـكـرـ فـيـ أـنـ يـضـعـ مـكـانـهـ أـسـنـانـاـ صـنـاعـيـةـ .

وـأـقـبـلـ حـسـينـ وـزـوـجـتـهـ فـيـ الرـدـهـ ، حـتـىـ إـذـاـ بـلـغاـ غـرـفـةـ المـكـتبـ وـقـفـ
حسـينـ مـتـمـهـلاـ كـأـنـاـ يـسـتـجـمـعـ شـجـاعـتـهـ ، ثـمـ دـلـفـ إـلـىـ الغـرـفـةـ ، بـيـنـاـ
انـطـلـقـتـ زـوـجـتـهـ إـلـىـ غـرـفـةـ الـاستـقبـالـ ، وـلـمـ جـلـالـ وـهـ مـقـبـلـ ، فـقـدـ كـانـ
مـقـعـدـهـ مـوـاجـهـاـ لـلـبـابـ ، فـنـهـضـ لـاـسـتـقبـالـهـ وـنـهـضـ أـبـوهـ .

وـمـدـ حـسـينـ يـدـهـ مـصـافـحاـ ضـيـوفـهـ ، فـقـالـ أـبـوـ جـلـالـ مـعـرـقاـ بـنـفـسـهـ :

— أنا مصطفى علوان .. ابني جلال .

قال حسين :

— تشرفنا .. أنا حسين عبد المتعال .. أهلا وسهلا .. أهلا وسهلا .

اقضوا .

ومن بعض الوقت في ترحيب ، وجاءت نبيلة وهي تحمل هالة واقتربت من الغرفة تصفعي ، وخطر لها أن تخليص من هالة ، فعادت إلى غرفتها ، ووضعتها في السرير لتنيمها وتمددت إلى جوارها ، وإذا بنبيلة تنام ، بينما راحت هالة تعث في شعرها .

وغادرت أحلام غرفة الاستقبال ، ومرت بالمكتب وتمهلت قليلا ، فرأت جلالا ينظر إليها مبتسما ، ثم يغمز لها عينيه في غفلة من الأبوين الغارقين في حديث تافه ، فأشرق وجهها واتعمت عيناهَا سهورا ، وانسلت في خفة الغزال .

وغابت أحلام قليلا ثم عادت تحمل صينية عليها ثلات صحاف في إحداها موز وفي الثانية « جاتوه » وفي الثالثة بر تعال من الحجم الكبير ، ودقت باب الغرفة بطرف الصينية وجلال يرقبها ، وقد هم أن يخف إليها يحمل عنها الصينية ، ولكنها ثاب إلى رشده ، وبقي في مكانه ، وأحس أن والده بدأ ينظر إليه لما نهض حسين ليتناول من ابنته الصينية ، فتظاهر أنه يغض من بصره في حياء متكلف ، فابتسم أبوه ابتسامة عريضة فضحت فمه الخرب ، ورماه بنظرة لو ترجمت إلى ألفاظ ، لكانت « لا داعي للنفاق ، إنني أعرفك جيدا » .

ووضع حسين الصينية على منضدة صغيرة ، ثم حمل المنضدة وما عليها ووضعها أمام مصطفى علوان ، حتى كادت تلمس كرشه ، وانحنت أحلام من عيني جلال ، ولكن سرعان ما عادت تحمل صينيه أخرى وانطلقت صوب غرفة الاستقبال .

واعتدل مصطفى في مقعده ، وتأهب للخوض في الحديث الذي جاءوا من أجله ، فنظر إلى جلال وهو يخفى موزة في فمه ، وقال :
— أتكلم أنا واللا تكلم أنت .. ما هو شأن اليوم عنهم مفتوحة ؟
وضحك ضحكة طلقة ، ثم قال حسين :
— أنا فاكر يوم مارحت مع أبويا يوم كتب كتابي بقت سنافى تشكك
وركبي تخبط في بعضها .

وابتسم حسين ابتسامة باهتة ، حذر ما جاءوا من أجله ، فراح يجمع شتات نفسه التي ذهبت شعاعا ، كان يخمن الدافع لهذه الزيارة المفاجئة ، وكان يعد نفسه لها ، ولكن ما إن سمع كلمة « كتب الكتاب » حتى اضطرب وانقضى علوان نحو حسين وقال :

— جلال ده أبني ، أنا اللي ربيته ، قدامي طيب مستقيم ، لكن من ورايا ما اعرفش ، مش عايزة أغشك ، إذا وافتت على طلبه أسأل عليه .. طالب إيد أحلام .. أحلام دي بتتنا ، بتحبها كلنا ، بس لياك جلال يعجبكم ويكون له قسمة ..

فقال حسين في صوت خافت مضطرب :

— ده شرف كبير لنا .

— أستغفر الله .. الجواز قسمه ونصيب .

وسمع وقع أقدام في الخارج ، فالتفت حسين فألفى زوجته منطلقة في تأثر ، فالتفت إلى مصطفى وقال :

— عن إذنك .

— أفضل .

وذهبت الزوجة إلى غرفتها ، وانطلق حسين خلفها مهرولا ، ودلفا إلى الغرفة وإذا بحسين يرى في المرأة زوجته مطرقة وفي عينيها الدموع ، وما إن أحست به حتى قالت في صوت تخنقه العبرات :

— عارف جاين ليه ؟

— عارف ، جاين يخطبوا أحلام .

وانفجرت الزوجة بالبكاء ، فدنا منها يربت على كتفها ويقول :

— مسير البنت تكير وتسبيب بيت أبوها .. أنا عارف إنها ح توحشك .

فقالت وهي تشرق بدموعها :

— أنا مش بعيبط على كده .

— أمال بتعيطي على إيه ؟

فقالت وقد استدارت وأخفت وجهها في صدره :

— بعيبط على إن بقى لي بنت تتجوز .

وضمها إليه في حنان وقال :

— اطمئنى ، مش ح تعجزى أبدا .
ومدىده ورفع ذقها ، والتقت عيناه بعينيها ، وقال :
— ح تفضل طول عمرك حلوه .
ثم قبلها قبلة هادئة وقال :
— امسحى دموعك وروحى للناس .
فقالت وهى تجفف دموعها بيديها :
— وح تقول لهم إيه ؟
— ح اقول لهم : إدوى مهله أفكر .
وسارت زينب وهى تقول فى أسى :
— هيه .. كلها سنه والا اتنين وابقى جده .
وذهب حسين إلى غرفة المكتب ، وانسلت زينب إلى غرفة الاستقبال ، وما إن استقرت في مقعدها حتى دوى صوت « هب »
أطفال ، وصوت زمارة .
واستيقظت نبيلة على الدوى ، وبكت حالة ، فنهضت نبيلة وحملتها ،
وذهبت ثانية إلى غرفة الاستقبال وهى تقول :
— كده خضيتوا البنـت .
وتطاھرت بأنها فوجئت بوجود أم جلال ، فتأخرت خطوة ، وإذا
بأم جلال تقول :
— خشى يا بنتى .. ما فيش حد غريب .
وتناولت الأم حالة ، وضمتها إلى صدرها ، وجلست نبيلة وتأهبت

لتطلق لسانها من عقاله وإذا بصوت ارتظام حذاء صغير بالباب يتتابع ،
وإذا يرنين الجرس يدوى متصلة ، فقالت الأم :

— نبيله .. شوف مين .

وقالت أحلام في سذاجة :

— ما فيش إلا سوسن وعاطف .. هي اللي تحط صباعها ع الجرس ما
تشيلوش إلا لما يفتح الباب ، وهو يفضل يضرب الباب بجزمه .

ونفتحت نبيلة الباب ، فدخلت سوسن ترتدى قناعا على وجهها
يتبعها عاطف ينفح في زماره وقد تعددت مثانتها حتى بلغت نهاية تمددها ،

فقالت له نبيلة :

— بس بقى .. ح تطق .

فقال لها عاطف وهو ينفح :

— مالكيش دعوه .

وضربت سوسن « بيبة » .

وأرادت نبيلة أن تبعد هما ، وإذا بسوسن تفلت منها ، وتذهب إلى
غرفة الاستقبال .

رأتها أم جلال ، فقالت :

— أهلا .. أهلا .. ما تشيل الوش ده وورينا حلاوتك .

وهزت سوسن كتفها ، وقد ثبتت عينيها على الموز والبرتقال
والجاتوه ، وأرادت أنها أن تخرجها من الغرفة ، فقالت لها :

— سوسن .. بره .



— سنه ١٣٩٣ .. كلنا عندنا عيال .

و قبل أن تتحرك سوسن ، دخل عاطف و صوت زمارته يسبقها نبيلة
في أثره ، فقالت الأم في غيظ مكتوم :
— نبيلة .. خدي أخواتك من هنا .

قالت أم جلال :
— سبيهم .. كلنا عندنا عيال .
ورأى عاطف الصينية وما عليها ، فقال :
— موزة .. موزة ..

ودفعته أمه ، وإذا بمنطقة الزمارة تنفجر ، فقال عاطف لأمه وهو
ي بكى :

— أنا مالي . إنتي اللي طققتيها .. ما حدش حيدفع تمثنا غيرك ..
وارتفع صوته بالوعيل ، فأقبل أبوه وقال وهو بعيد عن الغرفة :
— عاطف .. تعال .. تعال أجيبي لك واحده تانيه .

و حملته نبيلة ، و ذهبت به إلى أبيه وهو يتلوى بين يديها ، وأخذه أبوه
في رفق و راح يربت على ظهره ويقول له :

— بس .. ح أجيبي لك عروسه كبيرة .
قال عاطف وهو يمسح دموعه .
— لا .. أنا عايز أو توميل .

وراحت الأم تنظر إلى نبيلة نظرات زجر لتسجّب ، ولكن نبيلة
أعرضت عن نظراتها .

وقالت أم جلال :



رأى عاطف الصبيانية وما عليه فقال : موڑة .. موڑة .. ۰۰

— أمال سامي فين ؟

فقالت أحلام :

— راح السينا .

وقالت أم جلال :

— عقبال ما يروح مع عروسته .

فقالت زينب :

— تسلمى .

ونهضت أم جلال ، فقالت زينب :

— ما بدرى .

— بدرى من عمرك . ابقوا شرفونا .

وسلمت على الأم وعلى نبيلة ، وعلى سوسن ، ثم طبعت قبلة على أحد أحلام .

وأسرعت أحلام تفتح الباب ، وسارت زينب وأم جلال وخلفهما نبيلة وسوسن .

ونهض جلال وأبوه وحسين ، وانطلقا صوب الباب ، وإذا بالجميع يتقابلون عند الباب لأول مرة ، وانتهزت أحلام هذه الفرصة ، فراحت ترنو إلى جلال في حب وهو ينظر إليها مشرق الوجه مبتسمًا .

وجاء مراد ، وفي وجهه أثر شحم ، وقد اتسخت يداه ، وفي ساقه أثر تراب امتزج بعرقه ، وما إن رأته أمه حتى أربد وجهها ، وقالت في ثورة :



— خواهی عملت فریز قالا : بله سمعده ملجه و عین اولادها

— مش قلت لك ما ترکبتش عجل .

فقال في بساطة :

— مارکبتش عجل .

— أمال إيه الوساخة دي !

— رکبت موتوسيكلن .

وشق طريقة بينهم وانطلق .

وانصرف الضيوف ، بعد أن تصافح الجميع ، وضغط جلال على يد أحلام ضغطة خفيفة أحسست أثرها في قلبها الذي اشتد وجبيه ، وفي وجنتيها اللتين اشتعلتا نارا .

وأنجهرت نبيلة إلى غرفة الاستقبال وحملت الصينية ، وانطلقت أحلام إلى غرفة المكتب وعادت بالصينية الثانية ، ووضعت الصينيتان على نضيد بالمطيخ ، وإذا بالأيدي تمخاطف ما بهما ، وقالت نبيلة ، وهي تمدد يدها تأخذ قطعة جاتوه :

— غوله عملت فرح قالوا ليلة سعيدة عليها وعلى أولادها .

الفصل السادس

أني المساء ، فنام عاطف كعادته على الأريكة في الردهة ، وفي قدمه فردة حذاء ، وقدمه الأخرى عارية ، وأقبلت سوسن تتمطى ودنت من أمها وقالت :

— ماما .. ماما .. عايزه أنام .

— روحى نامى .

— حد يفرش لي السرير .

فقالت أحلام :

— تعالى .. أنا داخله أنام .

والتفت أحلام إلى أمها وأبيها وقالت :

— انفسوا بالخير .

وسارت حتى إذا بلغت الردهة ، حملت عاطفا لتضعه في سريره .. وانطلقت إلى غرفة نوم الأولاد ، فإذا ببراد قد نام ورجلاه مستندتان إلى الحائط ، ورأسه مدلى عند منتصف السرير فلم تلتفت إليه ، وتقدمت إلى سرير عاطف ، ووضعت حملها فيه في رفق ، ثم ذهبت إلى غرفتها

وسوسن في أثرها تردد في صوت همود كله تكاسل :

— عايزه أنام .

وتقىدت أحلام من سرير سوسن وأصلحت وضع وسادته ،
ورفعت الأغطية ، فأسرعت إليه سوسن وقبل أن تتمدد فيه قالت :
— غطيني .

وأحكمت أحلام وضع الأغطية حول سوسن ، ثم خلعت ثيابها
واندست في سريرها وقد أغمضت عينيها لترى بعين خيالها أحلامها البهيجه
وأيمانها العذاب .

كان الزوجان يترقبان انصراف الأولاد ليتحدثا في غبوي ، ويتشاروا
في أمر خطبة جلال لأحلام ، ولكن بقاء سامي ونبيلة في الغرفة جعل صبر
الأب ينفذ ويقول لها :

— انتوا مش داخلين تناموا ؟

فقال سامي :

— لا . أنا ح اذا كر .

وقالت نبيلة وهي تنهض :

— إذا كنت ح تذاكر هنا ح اسيب لك الأوده واروح اقرا في أو دتنا .

فقال لها سامي :

— تعمل طيب .

وغادرت نبيلة الغرفة ، وافتتحت الزوج إلى زوجته وقال :

— الواحد وخماني النهارده ، ياللا نخشش نام .

ونهض ونهضت زوجته وسارا إلى غرفة نومهما .

ووصلت نبيلة إلى غرفتها ، فاضاءت النور ، وقطعت على أحلام حبل

أحلامها اللذيدة ، فقالت في عصبية ، دون أن تفتح عينيها حتى لا تفر
الرؤى العذاب :

— اطفي النور . خلينا ننام .

وراحت نبيلة تخلي ثيابها وترتدى بيجامتها ، وقالت في هدوء :
— ما تنامي .

قالت أحلام وهى تقلب في غضب :
— ما اعرفش أنام في النور .

— وانا ما اعرفش اقرا في الضلمه

— هو الواحد ما يعرفش يستريح في البيت ده !

قالت نبيلة وهى تتمدد في السرير وفي يدها كتاب :
— هانت .. بكره تسبيبه وتستريحى منه على طول .

وتقلبت أحلام مرة ثانية في حنق ، ثم جذبت غطاءها وأنفخت به
وجهها ، لتعيش في الظلام هيم في دنيا جميلة من نسج خيالها .

ودخل الزوجان غرفتهما ، وأغلقا بابها عليهما ، واتجهت الزوجة إلى
حالة ، وأحكمت الغطاء حوطها وهي تقول لزوجها :

— عرفت ماهية جلال كام ؟

— قالوا خمسة وعشرين جنيه .

— وتفتكر خمسه وعشرين جنيه تفتح بيتاليومين دول ؟ حيسكن
بكام ويكسى بكام ويأكل بكام ؟

وهز الزوج كفيفه ، ولم ينبس بكلمة ، وقالت الزوجة :

— قل لي : أبو جلال قال لك إيه ؟

— قال لي : إذا حصلت قسمة يجبيوا الشبكة ، ويقروا الفاتحة
وياخرروا الكتاب للدخلة .

— اسمع أنا بنتي لازم بتعمل لها فرح ، أنا مش بقى لي تمتاثر سنة متجوزه
لكن مش قادرة انسى إني دخلت ع السكت ، الحكاية دي عملت لي
قرحة في قلبي ، كل ما افتكرها انقبض وعينيه ترغرغ بالدموع . إيه اللي
خلانا عملنا كده ؟ إزاي قبلت انك تيجي لوحديك تاخذلي زى اللي
نكون عملنا عمله .. دخلنا شقتنا نسحب زى المحراميه ، لا طقت
زغروته ولا انقادت شمعة .

واقرب منها وقال وهو يلف ذراعه حولها :

— ياما ناس اتعمل لهم أفراح ولا عمروش .

— لكن برضه الفرح حلو .

وقال لها وهو يضمها إليه :

— الستر والتوفيق أحسن .

وابعدت عنه في دلال وهي تقول :

— افتكرنا نفينا وح ننسى البنت ، قول لي ما عرفتش إذا كان ح
يسكن لوحده واللاح يسكن مع ابوه ؟ أنا بنتي ما تسكنش مع حد
أبدا .

— دي تفاصيل ما تكلمناش فيها ، مش لما نافق ع الجواز قبله ؟
أئما خلع ثيابهما ، واتجهها إلى السرير وتمددا فيه ، وقال الزوج وهو

يضع رأسه على ذراعه وينام على جنبه ، ووجهه في وجه زوجته :

— قبل ما نقول آه أولا لازم ناخدرأى أحلام .

— ناخدرأيتها في إيه ؟

— في جلال . يمكن ما بستظرفوش .

— أحلام لسه صغيرة إيش عرفها بالكلام ده .

— أنا لما جيت أتجوزك مش خدوا رأيك ؟

— قالوا لي إنك جاي تخطبني ، قمت وديت وشى الناحية الثانية ،
قال إيه مكسوفة ، والحقيقة إني كنت فرحانة .. كل بنت بفرح لما
تشخطب ، بتحس إن بقى لها قيمة ، وإن فيه راجل بيطلبها . فرحت
خالص مع إنك كنت غريب عنى ، ما كتتش أعرفك خالص ، كنت
بالنسبة لي زى سر جميل .

— وعرفتى السر ده إمتى ؟

— بعد ما أتجوزنا . الحب ما يحيش إلام العشرة .

— أمال اللي بيحبوا بعض قبل ما يجوزوا ؟

— ده حب شيطانى . ما يعمرش .

وقربت وجهها منه وقالت :

— قولى لي بتحب فينا إيه ؟

— باحب فيكم كل حاجة فيكم . كدبكم ، وزبدهكم وووجع
الدماغ اللي بتسيبوه لي ، تعرف آخر مره سافرت فيها ، لما جه الليل
ودخلت أودنى أنام حسيت إني وحيد ، ما ليش حد في الدنيا ، بقىت

أتلفت وانا مقبوض ورغرغت عيني بالدموع ، اشتقت ساعتها لعياط
هاله ، وسآلة سامي ، ولت نبيلة .

وشرد قليلا ثم قال :

— الله احنا مالنا الليله دى بنفكير نفسنا ونسى البت .

الصبح لازم تسأل أحلام عن رأيها في جلال .

— ح أسألها وإن كنت واثقة إنها ح تودي وشها الناحية الثانية
وتطاطي راسها .. يا ترى عيلة جلال شكلها إيه ؟

— هي ح تشجور جلال واللاح تشجور عيلته ، الرك عليه هو .

— الرك ع الأصل برضه ، الأصيل ما يعيش .

ثم تهدت وقالت :

— بقى انا اللي كنت بالعب أول امبارح في الحاره بقى لي بنت
تشجور !

— ما شفتكيش وانتي بتلعني في الحاره ، شفتوك شابه حلوه .

— هو انت لحقت تشوفنى ، كنت مستعجل قوى ، ما لحقت
خطيبتني ما لحقت دخلت عليه .

— فاكره ليلة الدخله لما لقينا نفسنا في الشقه لوحدنا ؟

ومدت يدها تطفئ النور ، وهى تضحك ضحكة خافتة وتقول :

— والنبي ما تفكريش ، دا احنا كنا عبطة قوى .

وامتزجت ضحكتهما الخافتة ، ونسيا ابنتهما وراحوا يفكران في
نفسيهما بكل حواسهما .

وأنقضى الليل بأسراره ، ودبّت الحياة في الشقة ، فإذا بملابس اليوم تلقي هنا وهناك ، وإذا بشجار وصباح وغول وبكاء ، وإذا بأياد تندى إلى الصحاف ولا ترتفع إلا بعد أن تصبح خاوية .

وخرج الأب والأولاد ولم يبق في الشقة إلا أحلام وهالة وأمهما . راحت أحلام تلتقط ثياب المبعثرة ، وتملاً القلل ، وتعيد تنسيق المكان ، بينما كانت الأم تغسل ثياب هالة وجوارب الأولاد ومناديلهم .

ونادت الأم :

— أحلام . تعالى خدى الغسيل ده انشريه عندك .

وذهبت أحلام إلى الحمام ، ودنت من أنها ، فإذا بالأم تقول لها وهي تتظاهر بالانبهاك في عصر ثوب من ثياب هالة :

— عارفه إن جلال جه يخطبك أمبارح ؟

ونظرت إلى ابنتها من طرف عينيها التراها وهي تشيع بوجهها خجلا ، ولكن أحلام قالت في هدوء :

— عارفه .

ولم تجد الأم مبررا لظهورها بالانشغال عن ابنتها لتخفف من حدة خجلها ، فما عادت البنات يخجلن من ذكر الزواج والخوض في أحاديثه فوضعت الثوب على الصنبور ، وأسندت كفها على الموضع وقالت :

— وعارفه إنه بيأخذ خمسه وعشرين جنيه ؟

— عارفه .

— وتفتكرى الخمسه وعشرين جنيه يكفو كو ؟

(أم العروسة)

فقالت أحلام في حماسة :

— يا ماما لازم نبتدى من أول السلم ، نكافح سوا ، ويكون لنا
هدف واحد ، نبتدى صغيرين ونكتير مع بعض ، عشان لما نعجز تكون
لنا ذكريات مشتركة نعيش عليها ، اتنى نسيتى يا ماما بابا كانت ماهيته
كم لما التجوزتو ؟

— كانت ماهيته اتنابر جنبه ، لكن كانت أيام غير دى ، كانت أجره
الشقه اتنين جنيه ، ورطل اللحمه الضاني كان بقلاته ونص .

— يا ماما احنا اتنين ، ح ناكل إيه ولا ح نشرب إيه ؟
— النهارده اتنين بكره ح تزيدوا .

— وكأن ماهيتشا ح تزيد ، ومش ح نعمل زي كوكو ، ح مختلف واحد أو
اثنين بالكتير .

— كان غيركم أشطر .

واقربت أحلام من أمها وقالت :

— قولى لي : إيه هي أسعد أيامكم ؟ مش أيام جوازكم الأولى والأيام
اللى اتولدت فيها واللى اتولدت فيها نبيله وسامى ومراد وسوسن
وعاطف ؟ دانا فاكره يوم ما اتولدت هاله ، كان بابا فرحان ، إحنا لما
اتولدنا كنا عباء جديده عليكم ، وبرضه فرحتوا بيتنا ، مش كل الأعباء
تزعل ، في أعباء للدينة الواحد يتحملها وهو ميسوط ، أنا أفتكر إن
متاعب الكفاح من الأعباء اللذيدة . لما تزرعى شجره وتتعشى في زراعتها
مش بتنسى كل تعبك لما تشوف فيها كبيرة ، كان الزوجه بتزرعى جوزها

وبتتعب عشانه وبحرم نفسها من كثير ، عشان توفر له الراحه ، وتهياً له الفرصة اللي يكير فيها ، لغاية ما تشوفه كبير ، و ساعتها تنسى كل تعبيها .

ونظرت أمها إليها في دهش ، وهى صامتة ، لم يدر بخلدها أن أحلام ابتها الطفلة ، التي كانت تخسب حتى الساعة أنها لا تفهم عن الحياة شيئاً ، تتحمس لخطبتها كل ذلك الحماس ، كانت تظن أنها ستدير وجهها حياء ، حتى إذا ما ألحت عليها في استطلاع رأيها قالت في صوت متهدج : (البركة فيكم . اعملوا اللي تشوفوه) .

ورأت الأم من الحكمة أن تصير ابتها في عواطفها ، وألا تحاول تبصيرها بمستقبلها ، فقد أحسست ضئالة نفسها بعد أن سمعت آراء ابنته الأمس ، فقالت :

— يا بنتي احنا كل اللي عايزينه سعادتك ، وإن ربنا يهدى سركم .

والتفت الأم صوب السماء وقالت :

— يارب اجعل أيامهم أحسن من أيامنا .

فقالت أحلام وهي تبتسم :

— واللارزها .

— واللارزها يا بنتي . والله أيامنا ما كانت وحشه .
وأخذت أحلام الغسيل وغادرت الحمام لتنشره ، والأم تنظر إليها في إعجاب وعجب .

وراح الوقت يمر ، وعاد الأولاد من مدارسهم ، وبدأت متاعب

القداء ، وارتقت الأصوات ، وأقبل الزوج ، واتجه إلى غرفته ،
وأسرعت زوجته إليه ، فقال لها وهو يخلع جاشه :
— هيه . كلمتني أحلام ؟

— كلمتها .

— موافقة على جوازه ؟

— موافقه بس ا دا لو جاب محامي ماكنشى انكلم له زي
ما تكلمت له .

— قالت لك إيه ؟

فقالت وقد اتعنت عينها ببريق الإعجاب :

— قالت كلام ما عرفتش أقوله أنا يا اللي متجوزة بقى لي منتشر سنة .
ثم مصمصت بشفتيها وقالت :
— بنات آخر زمن .

الفصل السابع

وقفت أحلام أمام المرأة تديم النظر إلى وجهها ، ثم ترفع يدها وتصلخ
الشعرات المبعثرة على جبينها ، واقتربت نبيلة منها ومررت يدها على
ظهرها لتذهب التقلصات التي كانت بثوبها ، ونظرت إلى ساقها مليا ،

فالتفت إليها أحلام وقالت وهي تبتسم :
— إيه ، خط الشراب مش عدل ؟

فقالت نبيلة وهي تصاحك :

— فين الشراب ده ، هو انتي لسه لبستيه ؟
ورفعت أحلام ثوبها ، والتفت بنصفها الأعلى ، لترى بطن ساقها
وقالت :

— ما اهه .. بصسي عدل .

فازداد ضاحك نبيلة ، وقالت :

— ح تستعبينى ، وانا نظرى سته على سته ؟
وصكت ضحكات نبيلة أذن سامي ، فخرج من غرفه ، وهو عاري
الصدر ، يرتدى بنطلونا قصيرا وجوربا وفردة حذاء ، وفي يده الفردة
الثانية وقال :

— إيه الضاحك ده ، زمان جلال طالع ، يقول علينا إيه ؟

فقالت نبيلة وهي تشيع بوجهها عنه :

— إيه . ما نضحكش !؟

— لاً ما نضحكيش .

— هو حكم قراقوش ده ، واللائيه ؟

— أيوه حكم قراقوش .

— اسمع . انت مالكش دعوه يه . انت مش ولـي أمرـي .

— لازم تعرف إني أنا مسئول عنك .

كانت الأم ترقب زوجها وهو يرتدي ثيابه ، فقالت له همسا :

— يا راجل اخرج لهم خليلك حمش .

وخرج الأب لهم وقال في صوت خافت :

— ما بس . زمان جلال طالع .

فقالت نبيلة في عصبية :

— خليه يسكت عنـى ، مالوش دعـوه يـه ، دـا مش عـايـزـنـى

أضـحـك .. مش عـايـزـنـى اـتـكـلم .. مش عـايـزـنـى اـتـنـفـس .. يـعنـى أـمـوـتـ

يـعنـى ؟

قال سامي :

— يا بابا مش سامعـها بتـضـحـكـ اـزـاي ؟

— يا بابا دـا عـاـمـلـ نـقـرـهـ منـ نـقـرـىـ .

وقف الأب حائراً بينهما ، فأسرعت الأم لتضع حداً لهذا النزاع

فصاحت :

— خللى عندك دمات و هي ، ياللا كل واحد منكم على أودته ، مش عايزه أسمع حس حد فيكم .

وانسحب سامي إلى غرفته ، ودخلت نبيلة إلى غرفتها ، فإذا بأحلام في شغل عنهم جمِيعاً بتنسيق وضع الشيكولاتة على الصينية ، كان هنها إرضاء جلال .

ولحت الأم مراداً وهو مقبل من أقصى الشقة ، وقد اتسخت ملابسه ، وتلوثت يداه باللثير ، فصاحت فيه :

— مراد . نخش اشطف والبس هدوم نظيفه ، زمان جلال طالع .
فقال في بساطة :

— وانا مالي ومال جلال !؟

— لما يشوفك وسخ كده يقول إيه ؟

— يقول اللي يقوله ، هو جاي عشانى ؟
ونظر من خلال الباب فرأى أحلام ، فقال :

— اللي جاي عشانهم يتزوقوا له .

فصاحت الأم فيه :

— نخش اشطف بلاش قلة أدب .

وأسرع مراد إلى الحمام ، واتجهت الأم إلى زوجها ، وقالت :
— كلمه بصراحة .. أسأله إذا كان ح يسكن لوحده واللاح يس مع أمه ، إذا كان ح يسكن مع أمه ماتوافقش ، إحنا لسه على البر ، واللا ح تتكسف زي عوایدك ؟

فقال وهو يدس رجله في الحذاء :

— أكسف ازاي ا

— آه . دى بتنا ولازم نريحها .

وصمت قليلا ثم قالت :

— تعرف يا حسين أنا يوم ما اخخطبت قلبي ما دقش زى النهارده . أنا
مش عارفه مالى موهومنه كده .. بخايفه .. إلا يا حسين سألت عليه
كويس ؟

— كل اللي سأله عنده قالوا إنه ابن جلال .

وسمع ارتظام حذاء بالباب الخارجى ، فصاحت الأم :

— نبيله ، افتحي لاخوكمى .

وأسرعت نبيلة إلى الباب وفتحته ، وإذا بعاطف يدخل منفوش
الشعر ، في وجهه آثار عرق ممزوج بالتراب ، وقد حمل في يده فردة حذاء
وتدلّى بقطلونه فبدت الفانلة من تحت قميصه القصير ، فصاحت نبيلة فيه
وهي تحذبه من يده :

— إيه الوساخه دى . تعالى .

وانطلقت به صوب الحمام وقالت لمراد :

— أغسله وشه وايديه معاك .

وتركته ، فانسل مسرعا إلى حيث أمه ، فقالت له :

— روح أغسل وشك وتعال عشان ألبسك البده الجديده .

فقال عاطف وهو يهز كتفه :

— قبله هاتي قرش .

— بعد ما تغسل وشك وتنضف ح اديك قرش .

ودق جرس الباب الخارجى ، فقالت الأم :

— سامي افتح . جلال جه .

لكن رنين الجرس ظل متواصلا ، فقال سامي :

— دى سوسن .

— طب روح افتح لها .

وقال الأب وهو يرتدى جاكته وينظر إلى هندامه في المرأة :

— الشيكولاتة والملبس اللي اشتريتهم فين ؟

فقالت الأم :

— مع أحلام .

وأقبلت سوسن ، وفي يدها قطعة من كعكة عيد ميلاد واتجهت إلى أبيها وقالت وهي تمسح به :

— بابا اشمعنى جيراانا كلهم بيعملوا الأولادهم عيد ميلاد ، واحدنا ما بنعملش ؟

ومر أبوها يده على شعرها في حنان وقال :

— عايزة تعمل حفلة عيد ميلاد ليه ؟ عشان تأكل جاسوه وشيكولاتة ؟ أجيبي لك جاتوه وشيكولاتة .

— لأ يا بابا . أنا مش عايزة أعمل عيد ميلاد عشان آكل جاتوه وشيكولاتة ، عشان أعلم أصحابي اللي بيعزمني ، عشان يفرحوا

ويهصوا معايا ، زى ما بفرح واهيص معاهم . النهارده بقىت قاعده
معاهم مكسوفه ، لأنى عارفه إنى مش حاجبهم فى عيد ميلادى ، لأنى
ما ليش عيد ميلاد .

واكتسى وجه الأم بسحابة من الحزن ، وظل صامتا يغالب
مشاعره ، تحرك المحنان في صدره فكاد يضعف وبعد ابنته بمحفلة عيد
ميلادها ، وإن كلفه ذلك ما لا يطيق ، وإذا بزوجه تجذب سوسن من
يدها في رفق ، وتقول لها في صوت فيه رنة أسى وحزن ، وإن جاهدت
أن ينبعث طبيعيا ، لا يشوبه ذلك الكدر الذي حركه حرمان ابتها من
أمنية عزيزة من أمنياتها :

— اسمع يا سوسن ، اللي بيعملوا حفلات عيد ميلاد أولادهم بيكون
عندهم ولد اتنين مش زينا ، احنا لو عملنا « عيد ميلاد » ح نعمل حفله
كل شهر .

وتسرب ذلك الحديث إلى آذان الأولاد ، فأقبل سامي ونبيلة وأحلام
ومراد وعاطف ووقفوا عند باب الغرفة يصغون ، وكأنما شاعت حالة أن
تعلن عن وجودها فراحوا تعبث في أصابع رجلها وهي مستلقية في
سريرها ، تصبح صيحات متتابعة .

وانبرت نبيلة تشد أزر أختها قالت :

— بلاش نعمل لكـل واحد فينا عيد ميلاد ، نعمل عيد ميلاد واحد لنا
كلنا .

فقالت الأم :

— ونختار تاريخ الحفله دى ازاي ؟

فقال سامي وهو يسمع بأنفه :

— تتعمل في عيد ميلادي أنا ، لأنني أنا أكبر ..

ولم تتركه نبيلة يتم جملته ، وقالت مقاطعة :

— ليه الأنانيه دى ؟

وقالت الأم متبرزة هذه الفرصة للتخلص من هذه الورطة .

— ح تشخنعوا ! ياللا كل واحد فيكم على أودته .

وقالت أحلام في هدوء :

— ولا خناق ولا حاجه . نعمل الحفله دى في عيد ميلاد بابا .

وصاح الأولاد كلهم موافقين :

— أيوه عيد ميلاد بابا .

واندفعوا إليه يتلفون حوله ، وأمسكت سوسن ببنطلونه وصاح

مراد :

— يحييا بابا .

ودق جرس الباب ، فقال الأب :

— جلال جه . ياللا يا سامي افتح له ودخله أودة الاستقبال .

وخرج سامي ، وانسلت أحلام ونبيلة من الغرفة ، وقالت الأم

مراد :

— ياللا روح اقلع هدومك اللي زى الزفت دى ، يا نبيله خدى

عاطف لبسيه .

وعادت نبيلة وتناولت يد عاطف وخرجت به ، وأسرعت سوسن
لتنظر إلى جلال من بعد ، وبقى الزوجان وحدهما في الغرفة ، فقالت الأم
في مرارة :

— طبعاً يحبوك ويكرهوني أنا . ما أنت دائماً تصدرني لهم . أنا اللي
أقول ما فيش فساتين .. ما فيش بدل .. ما فيش جزم .. ما فيش
خروج .. ما فيش فلوس .. إزاي يحبوني .. أنا من بعد النهارده ما ليش
دعوه بأولادك . أنت اللي تربتهم :

فاقترب منها وقال :

— إنتي زعلتي ؟! أهم ولادي وولادك .. دول ما يقصدوش .
— دى مش أول مره . دول بيعاملوني زي ما أكون مرات أبوهم .

فقال وهو يتسنم :

— ولا يهمك . كفايه إنك تكوني أمي أنا .
وأسرع عاطف ، بعد أن ارتدى ثياباً جديدة ، إلى غرفة الاستقبال ،
وقف يبابها بالقرب من سوسن ينتظر .

كان جلال جالساً في المقهى المواجه للباب ، وكان سامي إلى جواره ،
وقد ساد الصمت بينهما . ولمح جلال عاطف ، فقال له وهو يهم
لاستقباله :

— تعال .

فقال عاطف وهو يهز كتفه :

— لأ ..

— تعال عشان أديك حاجه حلوه .

فقال عاطف وهو يتقدم :

— هات قرش قبله .

واريد وجه سامي وصاح في عاطف :

— ح اقطم رقبتك .

وقال جلال :

— سبيه .

وانطلقت سوسن كالعاصفة إلى حيث كان والدها وقالت :

— ماما .. ماما .. إلتحقى . عاطف ييشحت من جلال قرش .

قالت الأم في عصبية :

— امشي هاتيه ، هي العيال دي ما تسترش أبداً .

ومد الزوج يده إلى عقدة الكرافة وأصلحها ، ثم سار إلى غرفة الاستقبال ، وزوجته توصيه :

— ما تشكسن .. إذا كان ح يسكن مع أمه الله الغنى عن دي جوازه .

ودخل الأب الغرفة ، فنهض جلال لاستقباله ، وتصافحا ، وانسل سامي من الغرفة وراح يعد إخوته عنها ، فيسمع الأب وجلال همهمتهم ، فيرفع الأب صوته بالترحيب ليغطي الضوضاء المبعثة من الخارج :

— أهلا وسهلا . إزاي والدك ؟

— بخير والحمد لله .

واعتدل الأب في جلسته ، وراح يجمع شتات نفسه ، فقد كان مقبلًا
على حديث خطير ، قال :

— أنا كل اللي سأله عنك قالوا إنك طيب وابن حلال ، وأنا يا بهي
يشرفني إني أدى لك بنتي ، بس أحب أقول لك إن العيشه اليومين دول
صعبه ، كل حاجة غاليه ، فكرت ح تسكن بكمام وح تعيش ازاي ؟ أيام
أنا ما اتجوزت سكت باتنين جنيه ونص ، وكل اللي كنت باصرفه على
البيت تلاتة جنيه ، كنت عايش بالملبغ ده عيشة أمرا .. كنت باكل تفاح
وموز وفراخ وحمام ، وبالبس حرير وصوف إنجليزي ، أفضل كل ست
أشهر بدله جديدة .. كان القسط اللي بدفعه للترزى خمسين قرش .

وسمع طرق خفيف على الباب ، فالتفت الأب فرأى أحلام وبين يديها
الصينية ، عليها صحاف من بلور ، نسقت فيها الشيكولاتة واللبس
والجاتوه ، فنهض ليأخذ منها الصينية ، فإذا به يرى أبناءه جميعا قد اصطفوا
خلف أحلام ، كانوا أشبه بالقطط التي جاءت على رائحة السمك .

وضع الأب الصينية أمام جلال وقال :

— أتفضل ..

ومد جلال يده وتناول قطعة شيكولاتة ، بينما راحت أحلام تبعد
أخواتها عن الغرفة في رفق وتحول بينهم وبين الهجوم على الصينية المشتبأه .

ووجد جلال الفرصة سانحة ليتحدث ، فقال :

— حكاية الشقه فرجت .

كانت فرصة ذهبية أن ينفردوا بالشيكولاتة والملبس والجلانوه



— إزاي؟

— بابا اتنقل المنصوره ، ح يأخذ ماما معاه ، وح يسيب لي الشقه .
وأحس الأب راحه ، فقال وهو يزغر في اطمئنان :
— عال .

— أما الأكل واللبس ..
فقطاطعه الأب قائلاً :

— الحاجات دى كلها مقدور عليها .
ونهض الأب مستأذنا ، وأسرع إلى زوجته يزف إليها النبا ، ويطمئنها
أن ابنته لن تعيش مع حماتها تحت سقف واحد .

واستطاع عاطف أن ينسد في غفلة من الجميع إلى غرفة الاستقبال ،
وأن يذهب مباشرة إلى الصينية ، وأن يغتنم الفرصة لينفرد بما فيها وحده ،
وجلال يعاونه على فض أغلفة الشيكولاتة ، وفقطت سوسن إلى غياب
عاطف ، وإلى تسربه إلى غرفة الاستقبال ، فخفقت تشاركه الغنية .
وأراد الأب أن يعلن بطريقة عملية أن جلالا قد صار فردا من الأسرة فأذن
لأولاده جميعا أن يشاركونه جلسته .

وأقبل الجميع يسلمون عليه ، ودخلت الأم وصاحت في شوق ، وما
أن جلس الأولاد حتى رأوا فتك عاطف وسوسن بالشيكولاتة ، فخف
كل منهم إلى الصينية ليأخذ نصيه .

وجاءت أحلام ، ومدت يدها إلى جلال ، فإذا به يضغط على يدها
في حب ، والتقت عيونهما لحظة ، كان لها في نفسها ما وقع السحر ،

وأتجهت إلى كرسى قبالته وجلسـت ، فشـاع في المـكان جـو عـجـيب من الحـب والـهـيـام ، ما كان يـعـكـرـه إـلا الأـيدـى المـمـتدـة إـلـى الصـينـيـة فـي تـابـعـ، وـنـظـرـاتـ الزـجـرـ التـىـ كـانـتـ تـسـدـدـهـاـ الأمـ إـلـىـ أـبـنـائـهـاـ ،ـ وـالـتـىـ كـانـواـ يـشـيـحـونـ بـوـجـوهـهـمـ عـنـهـاـ ،ـ كـانـتـ فـرـصـةـ ذـهـبـيـةـ أـنـ يـنـفـرـدـواـ بـالـشـيـكـوـلـاتـةـ وـالـلـبـسـ وـالـجـاتـوـهـ ،ـ وـأـنـ يـلـتـهـمـواـ مـاـ يـشـاعـونـ كـاـمـاـ يـشـتـهـيـونـ نـقـتـ بـصـرـ أـمـهـمـ وـسـعـهـاـ ،ـ دـوـنـ أـنـ تـقـدرـ عـلـىـ زـجـرـهـمـ ،ـ فـرـصـةـ قـلـمـاـ يـجـودـ الزـمـانـ بـثـلـهـاـ .ـ

الفصل الثامن

أراد جلال أن يعلن أصحابه أن في أسرته من يمتلك سيارة ، فدعا شقيق ابن حاله ليذهب معه في اليوم المحدد لقراءة الفاتحة ، ودفع المهر والاتفاق على يوم الزفاف .

ووقفت السيارة أمام بيت حسين ، وهبط منها جلال وأمه وأبوه وشقيق ، كان شقيق شاباً في الرابعة والعشرين ، طويلاً القامة ، عريض المنكبين ، خفيف الظل ، من ذلك الطراز الذي عهفو إليه القلوب من أول نظرة .

وكان عاطف وسوسن واقفين عند باب البيت ، فلما رأى عاطف جلالاً ، أسرع بجيئه ، فمد له يده مصافحاً وقال :

— أهلاً صاحبي ، أنت جيت ؟

ورفعه جلال بين ذراعيه وقال له وهو يقبله :

— أهلاً عاطف ، ازيك .

ووضعه على الأرض ، فرفع رأسه وقال :

— هات قرش بقى .

فوضع جلال يده في جيئه وأنحرج قرشاً ، ووضعه في كفه ، فقالت سوسن كأنما تعلن عن وجودها :

— انحصار يا عاطف ، ح اقول ماما .

فقال لها عاطف :

— وانتي مالك ؟

— يا شحفات .

ومد جلال يده في جيبه وأخرج قرشا آخر وأعطاه لسوسن ،
فتمتنعت تمنع الراغب ، ثم أخذت القرش في خفة ، وقالت لعاطف :
— تعال لما اشتري لك حاجه .

وابتعدا وجلال ينظر إليهما وهو في طريقه إلى البيت ، وقد وسع
خطاه ليلحق بأهله الذين سبقوه إلى السلم .

ودق الجرس ، فإذا بحسين يفتح الباب في سرعة ، فقد كان يرصد
مقدمهم ، ورحب بهم وقدم مصطفى علوان شفيقا إلى حسين ،
وجلسوا يتبادلون عبارات الترحيب ورائحة البصل المحرق في السمن تملأ
أنوفهم .

كان المطبخ على قدم وساق ، أحلام تعرف الطبيخ في الصحف ،
والأم تحمر الدجاج ، ونبيلة وسامي ومراد يغدون ويروحون بين المطبخ
والسفرة يحملون الصحف والخبز والماء المثلج .

وقالت الأم :

— روحى انتى يا أحلام غيرى هدوشك .

فقالت نبيلة ، وهي تخفف يديها في « الفوطة » التي كانت ترتديها
فوق ثوبها :

— واشمعنى أحلام ، ما اروح أنا رخره غير هدومني .

فقال سامي متهدّياً ومتأنّها للشجار :

— هو ما فيش حد بيعمل حاجه ، إلا لازم تعمل زيه ، ماتقولي لازم أتجوز أنا رخره .

— وانت حاشر نفسك في كل حاجه ليه يا باين ؟.

فقالت الأم :

— هس .. انكموا وخللو عندكم دم ، الناس جوه . ياللا غورروا كلّكم من وشي . مش عايزه حد منكم هنا .

وانسلوا من المطبخ ، وراحوا يرتدون ملابسهم . كأنّما كانوا في سباق ، وخرج سامي من غرفته يرتدي الحذاء والقميص والجاكيتة ، وهو يهروّل صوب غرفة الاستقبال ، وإذا بعاطف يضحك ضحكات عالية ، وأطلّت أحلام ونبيلة برأسهما ، ومراد يقول :

— سامي ح يقابل الناس من غير بنطلون .

ونظر سامي إلى ساقيه العاريتين ، ثم عاد مهرولاً إلى غرفته ، فقالت له نبيلة وهي ترمي في زراعة :

— بلاش خفافة والنسي .

وأتمت أحلام ارتداء ملابسها وتقدّمت في تؤدة إلى غرفة الاستقبال ، وما إن لمحها مصطفى علوان حتى قال مرحاً :

— أهلا .. أهلا بعروستنا .

ونهضوا جميعاً لاستقبالها ، وصافحتهم واحداً واحداً ثم استدارت

لتجلس في كرسى بعيد ، فقال شقيق وهو يفسح لها مكانا إلى جوار
جلال :

— ح تروحى فىن ، محلك بقى هنا .. جنبه .
وأطربت رأسها حباء ، ثم اتجهت إلى الكرسى المجاور لكرسى جلال
وجلست .

وجاءت نبيلة في خطوات راقبة ، وتقدمت ثابتة الخطو وسامي
ومراد خلفها ، وقالت وهي ترفع يدها إلى رأسها بالتحية :
— السلام عليكم .

ورد الجميع :

— وعليكم السلام ..

وأتجهت إلى مقعد مواجه لمقعد شقيق وجلست ، وقعد بالقرب منها
سامي ومراد .

ولاحظت أم جلال أن نبيلة تطيل النظر إلى شقيق في استغراب ،
فقالت :

— شقيق ابن خوال جلال ، كانوا سوا في المدرسة ، انتقلوا مع بعض
من فصل لفصل ، لغاية ما خلصوا الجامعة سوا .

وأقبلت زينب وصافحت الجميع ، وما إن استقرت في مقعدها ،
حتى أخرج جلال من جيبه علبة صغيرة من الخمل الأحمر ، وفتحها
وتناول منها دبلة راح يضعها في أصبع أحلام ، وقد أطربت خجلا ، وإن
كانت كل خاجلة فيها تنطق بالفرح .

وقال له شفيق :

— حيلك . مالك مستعجل كده ؟

فقال والد جلال :

— خير البر عاجله .

والتفت أم جلال إلى زينب وقالت :

— ما فيش حد يعرف يزغرط ؟

ولم تهبس زينب بكلمة ، كانت الدموع تترقرق في مآقيها ، وأحسست
أن الأنظار ستتجه إليها ، فنهضت وقالت :

— اتفضلاوا .

وقام الجميع ، وقال شفيق وهو يفسح الطريق لأحلام وجلال :

— العريس والعروسه الأول .

فقال جلال لوالده ووالد أحلام ، وهو يشير بيده :

— اتفضلاوا .

قال مصطفى علوان وهو يبتسم :

— انتم الأول النهارده — دا احنا ما جيناش إلا عشانكم .

وتقدم جلال وأحلام ، ثم سار الجميع خلفهم ، ومراد يشق طريقه
بينهم ، والتفت شفيق ، فإذا بنبيلة تسير إلى جواره جنبا إلى جنب ،
فرفت على شفتيه باسمه رقيقة .

وجلسوا حاول المائدة ، جلال وإلى جواره أحلام وإلى جوارها والدة
جلال ، ثم نبيلة فسامي ، وجلس مصطفى علوان في صدر المائدة ،

وجلس حسين أمام جلال وإلى جواره زوجته ثم شفيق ومراد .
ومدت أم جلال يدها ، ورفعت الأطباق من أمام أحلام وقالت :
— النهار ده تأكلى انتى وجلال في طبق واحد ، عشان ما تفترقوش عن
بعض أبدا .

وأطربت أحلام حياء ، وقالت أم جلال لابنها :
— اقطع لقمه وغمسها في الملح وكلوها سوا ، عشان يبقى يبنكو
عيش وملح .
وابتسم جلال ، وبقى متربدا برهة ، فقال شفيق مشجعا :
— يلا يا جلال ياللا .

وتناول جلال لقمة خبز غمسها في الملح ، ثم قسمها جزأين ، وغيب
جزءا في فمه ومد يده بالجزء الآخر إلى فم أحلام فاللقمته وقد تضرج
 وجهها بلون الدم ، والتقت عينا شفيق بعيني نبيلة ، فإذا بها تنفجر
ضاحكة ، فسدلت إليها أمها نظرة زجر قاسية .

وقال حسين وهو يشير بيده إلى الطعام المكدس على المائدة :
— اتفضلو .

قال شفيق وهو يغرف الحساء بالمغرفة :
— ياما حضرت خطوبات كثير ، وكتب كتاب وأفراح ، ما شفتش
حكاية العيش والملح دى ولا الأكل في طبق واحد .

فقال حسين وهو يبتسم :
— اللي يعيش ياما يشوف .

فقال مصطفى وهو يضحك :

— مهما عاش مش ح يشوف اللي شفته .

والتفت إلى زوجته وقال مداعبا :

— الحست دى ياما ورتني ، ورتني كثير .

ورمقته زوجته من طرف عينيها وقالت :

— يا راجل عيب .

— هو أنا قلت حاجه ! أنا قلت إنك ورتيني كثير ، لكن ما قلتتش
ورتني إيه ، يمكن ورتيني حاجات حلوه كثير .

وشاع السرور ، وتوجهت الابتسامات الشفاه ، وراح جلال وأحلام
يتناولان طعامهما في طبق واحد ، وتعمد جلال أن تمس يده بـ أحـلام ،
والتقت عيونهما أكثر من مرة في لمحات كانت أفعـصـحـ منـ حـدـيـثـ طـوـيلـ .
وانتهز مراد فرصة انشغال الجميع في الحديث ، فترك الشوكـةـ
والسكـينـ وراح يعالج قطعة الدجاج بيده .

وعلى حين فجأة ارتفع بكاء هالة ، فوقف فم أمها عن الحركة ،
وقطعت جبيـنـها ، ثم التفتـ إلىـ نـبـيـلـةـ وـقـالـتـ :
— هـاـئـيـ أـخـتـكـ .

ونهضـتـ نـبـيـلـةـ وـغـادـرـتـ المـائـدةـ ، وـصـوتـ هـالـةـ يـدـوـيـ فـيـ المـكـانـ ،
وـأـرـادـ مـصـطـفـىـ أـنـ يـزـيلـ ذـلـكـ الـحـرـجـ الـبـادـيـ عـلـىـ وـجـهـ أـمـهـاـ وـأـيـهـاـ فـقـالـ :
— عـقـبـالـ مـاـ نـفـرـحـ بـيكـ يـاـ شـفـيقـ .

فـقـالـ شـفـيقـ وـهـوـ يـدـسـ وـرـكـ دـجـاجـةـ فـيـ فـمـهـ :

— قریب إن شاء الله .

قالت له أم جلال :

— ما كنت بتقول مش ح تتجوز أبداً .

قال حسين :

— الجواز نص الدين .

قال شفيق مبتسمًا :

— دا النص الخلو فيه .

وعادت نبيلة تحمل هالة ودفعت بها إلى أمها ، فأجلستها على فخذها ، وراحت هالة تعث ب بكل ما تصل إليه يدها ، عبشت بالشوكه مرة ، وبالسکین مرة أخرى ، ثم وضعت كفها في طبق به ملوخية ، ورفعته ومررتها على وجه أمها ، وتحملت الأم مضائقات ابتها في صبر ، وإن كان الحق يكاد يمزق صدرها .

وانتهوا من تناول طعامهم ، فغادروا المائدة وعادوا إلى غرفة الاستقبال إلا مصطفى وحسينا اتجها إلى المكتب .

وأخرج مصطفى من جيده رزمة أوراق مالية ، ودفع بها إلى حسين ، وهو يقول :

— الشقة بعد أسبوعين ح تكون فاضيه ، اللي شتروه تقدروا تبعتوه على هناك على طول .

قال حسين وهو مأخذ :

— إن شاء الله .

— ربنا يتسم بخير .

ولاحظ مصطفى أن حسينا يعاني ذلك القلق الذي يحسه المقدم على
مغامرة ، فقال له ليرفه عنه :

— دا كل شئ وقسيه ونصيب ، أنا ربنا رزقني بالست بتاعتي كانت
سبب سعدى ، فهمتها وعرفت بركتها فين ، ماكتتش أعمل حاجه إلا لما
آخذ رأيها فيها ، وإن قالت يمين أنا أعمل شمال ، أعمل عكس رأيها على
طول ألاق الحاجه مشيت وبقت عال .. ده توفيق كبير .. رضا .

وابتسم حسين وقال :

— إن اتز نقنا في حاجه بقى ناخذ رأيها .

— خلاص بقى يقينا أهل ، وادى انت عرفت السر .

ونهض مصطفى وقال :

— بلا نقدر مع الأولاد .

وانتجها إلى غرفة الاستقبال ، ودخل مراد إلى الشرفة ينظر ، فرأى
عاطفا وسوسن يعبثان في سيارة شقيق ، ويفرغان الهواء من إحدى
العجلات ، فأسرع إلى أبيه وقال له هاما .

— عاطف وسوسن فسوا عجلة الأوتومبيل .

فأشار الأب برأسه إلى سامي أن يتبعه ، وخرج من الغرفة ومراد
معه ، فإذا بسامي ينهض ويتوجه إليهما ، وقال الأب :

— العفاريت فسوا عجلة الأوتومبيل ، لازم تتفخها بأى طريقه .

فقال سامي :

— آخذ مفاتيح العربية من شقيق وآشوف عنده منفاخ ، وأنفخها .

فقال الأب لسامي :

— أنا عايزك تنفخها من غير ما يعرفوا .

فقال سامي :

— ح انفخها يبقى !

وقال مراد :

— أنا أروح للعجلات . وح أخلية بجيب منفاخه وييجي ينفخها .

والتفت الأب إلى سامي وقال له :

— هو انت ما تعرفش تتصرف أبدا ؟

وهرول مراد منصرا ، وعاد الأب وسامي خلفه شانحا بأنته ، وما
إن لخته الأم حتى نادت :

— سامي ، تعال .

ودنا منها ، فقالت له هامسة :

— خد نبيلة ورورووا شيلوا الأطباق وال الحاجه من على الترايزه .

والتفت ناحية نبيلة ، فالفاماها تحدث مع شقيق وجلال وتضحك ،

فرآها فرصة سانحة ليعكر صفوها فقال بصوت عال :

— نبيله . تعالى .

والتفت إليه نبيلة في ضيق وقالت :

— إيه ، عايز إيه ؟

وأحسست الأم بداية العاصفة ، فقالت في حزم :

— نبيله روحى معاه .

وسار سامي ونبيلة خلفه ، حتى إذا ابتعدا عن الغرفة قليلاً ، قالت :

— نعم ؟

فأشار إليها بأصبعه ناحية المائدة ، فقالت له في غيظ :

— ما تنطق عايزة إيه ؟

— عايزةينك تشيل الأطباق اللي ع التراييزه .

— وكانت قد وصلت إلى المائدة ، فراح سامي يستعرض ما عليها بنظره
ازدراء ثم قال :

— أنا عارف هو اتم إيه اللي يأكلوا ويسيروا التراييزه بالشكل ده !

— إذا كنت ح تستغل ، اشتغل من غير ما تتنفس بكلمه أحسن لك .

وراحا يتقلان بين المائدة والمطبخ ، يحملان الملاعق والسكاكين
والشوك والصحاف ، دون أن يتبدلوا كلمة . كان سامي يحمل الأشياء
وذراعاه مبسوطتان حتى لا تتسخ ثيابه ، بينما تسير نبيلة على أطراف
أصابع قدميها ، كأنها ترقص على مسرح .

وبدأت في جمع الفوط ، ووجدت كوباً موضوعاً فوق فوطة ،
فجذبت الفوطة بقوة ، فصارت في يدها بينما ظل الكوب على المنضدة .
ورأى سامي ما فعلته ، فأراد أن يقلدتها ، جذب فوطة ليخلصها من طبق
موضوع فوقها ، فصارت الفوطة في يده ، ولكن الطبق سقط على
الأرض ودوى صوت تكسره ، وصك الصوت أذن الأم فضست حالة
إليها في غيظ ، وإن ظلت البسمة تتوج شفتيها .

ولاحظ مصطفى كثرة تلفت حسين صوب الباب ، فقام وقال :
— نستأذن بقى .. يلا يا جلال .

قال شفيق :
— إذا كان على جلال مش عايز يمشي أبدا .

وقال حسين وزوجته :
— والله ما انتو نازلين دلوقت . بدري .

واتجه حسين إلى مصطفى وقال له وهو ينظر في الشرفة ، ويرى مراد
و« العجلانى منهملين في نفح عجلة السيارة ».
— والله لانت قاعد .

قال شفيق وهو ينهض :
— ما تيجو معانا في العربية تشموا هوا .

قالت زينب وهي تنظر إلى هالة :
— والأولاد !
— ييجوا معانا .

قالت الأم وهي تبتسم :
— هو دا معقول . فيه عريه تاخدنا كلنا إلا إذا كانت أمنبيوس .
واشرأب حسين بعنقه ، ونظر من خلال الشرفة ، فوجد مرادا
والرجل منهملين في نفح العجلة ، فقال وهو يجلس :
— والله ما انتوا نازلين دلوقت . اقعدوا شويه .. اقعدوا .. قهوه
يا نبيله .

قال مصطفى :

— والله ما احنا قادرين نشرب حاجه ، نقعد ولا نشربش .

قال حسين وهو يتنفس في راحة :

— طب اقعدوا .

جلسوا ، وأقبلت نبيلة وسامي ، وقال شفيق وهو يحاول أن يقهر نفسه ويرغمها على عدم التطلع إلى نبيلة :

— طب نيجي بكره ناخذكم ونتفسح شويه .

قالت زينب :

— كتر خيرك ، وما تتعيشي نفسك ، مش حقدر تخرج .

وقال جلال ، دون أن يجد نظره عن أحلام :

— ناخذ الأولاد .

وضحك مصطفى وقال :

— ما بلاش لف ودوران وتقولوا إنكم عايزين تفسحوا أحلام .

وأطربت أحلام في خفر ، وقالت نبيلة في بساطة :

— ليه ما تفسحش بكره ، ما فيش ورانا حاجة ؟

وحدهتها أمها بنظرة تأنيب ، وقال لها أبوها :

— انتي حاشرة نفسك ليه ، هو حد عزمك ؟

وقال سامي :

— زي البصل محشوره في كل حاجه .

وقال شفيق :

— بكره نيجي ناخد أحلام وسامي ونبيله .
وقالت الأم :

— والنبي ما تفتحش على نفسك الفاتحه دي .
وقال سامي :

— بكره الساعه خمسه تلاقونا جاهزين .

وجاء مراد وفي يديه ووجهه آثار شحم ممزوج بالتراب ، والعرق
يتقصد من وجهه ، ووقف بعيداً وجعل يشير لأبيه بيديه أن النفح قد
انتهى ، وأنه يريد نقوداً للرجل .

وهم أبوه بالذهب إلية ليعطيه ما يطلب ، ولكن الأم لحته ،
فصاحت :

— درمغت نفسك في إيه كده ، ركبتك عجل تانى ؟

فقال مراد وهو ينظر إلى أبيه :

— هو عارف .. هو اللي قال لي .

— قال لك تدر مع نفسك كده !

وكان أبوه قد وصل إليه ، وأعطاه نقوداً فانصرف مهولاً ، ورأت
الأم ذلك فقالت لزوجها في تأنيب :

— بقى يوسع نفسه وتديه فلوس ! أنا مش فاهمه .

وأحسست أن الأنظار اتجهت إليها ، فكظمت غبظها وقالت :

— أهلاً وسهلاً . شرفونا .

وقال مصطفى وهو ينهض :

— نستأذن بقى .

وقال حسين :

— خليكو على راحتكم .

وكان ذلك إيذانا بالانصراف ، فنهض الجميع وراحوا يتصرفون ، وقد اختلطت أصواتهم ، وظل جلال بهم سجينه لأحلام ، وكان آخر من انصرف :

ونجف حسين وزوجه وسامي وأحلام ونبيلة ومراد الذي عاد بعد أن أعطى الرجل نقوده إلى الشرفة يرقبون ضيوفهم وهو ينصرفون .

أسرع شقيق يفتح أبواب السيارة ، وتقدم مصطفى وزوجته في ثؤدة ، بينما حمل جلال عاطفا بين يديه وقال له :

— عملت إيه بالقرش ؟

— اشتريت طباشير .

— فبن هو ؟

— خلص . كتب بيده على الأتوبيس .

ونظر جلال إلى السيارة فإذا بها قد غطيت بخطوط ودوائر بيضاء ، وأن بابها كان أشبه بسورة كتب عليها : زرع . درس . وزن . فقد شاركت سوسن أخاها في استهلاك الطباشير .

ووضع جلال عاطفا على الأرض ، وضربه مداعبا على مؤخرته ، وقال له :

— اطلع على فوق .

ورفع بصره ، فانجذب إلى أحلام ، كأنما لم يكن في الشرفة غيرها ،
فابتسم لها ولوح بيده مودعا ، ثم سار إلى السيارة وركب إلى جوار
شفيق .

وغابت السيارة عن العيون ، فقالت الأم :
— باللا . كلکو ع المطبخ .

وقالت نبيلة :

— يا ماما ورايا مذاكرة .

— اشمعنى المذاكرة حلية دلوقت ؟ قدامي ع المطبخ اللي سايبته
لايص وواقف على رجل .

وانسلت أحلام ونبيلة وسامي ومراد ، وبقى الزوجان وحدهما في
الغرفة ، فافتقت الزوجة إلى زوجها وقالت :

— هيه . عملت إيه مع مصطفى ؟

— دفع لي المهر .

— قلت له إن النجف والمشمع وحاجة المطبخ عليه هو انه يجيها ؟
— ما قلتلوش .

— ما قلتلوش ليه ؟

— ما جاتش فرصه .

— ما جاتش فرصه والا انت انكست ؟

— والله أنا مش فاهم الكلام ده . اشمعنى العريس يجيبي النجف
والمشمع وحاجة المطبخ ؟

(أم العروسة)

— الدنيا كلها ماشي على كده .

— ما شفتش حد ماشي على كده إلا انتو .

— قصلك تقول إننا خليناك تجيب حاجات ما حدش يجيها ١٩
كل العرسان بتجيب الحاجات دي ، وان ماكتتش مصدقني أسأل .

— ولا بسأّل ولا حاجة .

— بلاش ، أصل فلوسك كثير ، قال على رأى المثل .

— ما تقولي المثل إيه .

— أنا عارفه ١٩

وذهبت إلى المطبخ ، وانطلق خلفها ليعاون أولاده ، وهو يغمغم :

— قال على رأى المثل : « عقلك في راسك ، اعرف خلاصتك » .

الفصل التاسع

كانت الردهة خالية ، ولكن لم يكن للصمت فيها مكان ، فالأصوات
منبعثة من غرفة الوالدين ، وغرفة الأولاد وغرفة البنات ، كان الجميع
يتكلمون وما كان أحد يصغى إلى ما يقال ..
وقالت الأم :

— بس يا مراد ، انزل يا عاطف من ع الكرسي ، وانتي يا سوسن
ابعدى من هنا بلاش وجع دماغ .. أوه يا سامي بلاش مناهده بقى .. ما
كفايه يا نبيله كلام .
فكانت أشهى بمذيع في مباراة كرة حامية .

وخرجت أحلام من غرفتها ، ترتدي ثوباً وردية ، ضاق عند خصرها
غاية الضيق حتى ليحار المرء إذا ما فكر كيف مر ذلك الثوب من صدرها
الممتع عند ارتدائه ، واتسع غاية السعة عند طرفه ، وزينت جيدها
وأذنيها وصدرها بعقد وأقراط و « بروش » من طراز واحد ، وكان
شعرها ينطوي ببراعة الحلاق .

ومرت في الردهة ، والأصوات تتناثر هنا وهناك ، فلم تحفل بها ،
كانت مشغولة بنفسها تعيش لللحظة التي سيقدم فيها جلال ليأخذها
لأول نزهة بكل حواسها ، والتفت إلى الساعة المعلقة في الردهة ، فإذا

بها الخامسة إلا خمس دقائق ، فقالت :

— ياللا يا نبيلة زمانهم جاين .

فقالت نبيلة وهي تديم النظر في وجهها في المرأة :

— أنا خلاص لبست .

وقال سامي وهو يحاول أن ينضم شعره الذي كان أشيه بعرف الديك :

— وانا جاي اهه .

ودنا مراد من أبيه وقال في غضب :

— واشمعنى سامي اللي يروح معاهم ؟

فقالت له الأم :

— المرأة الجايه تروح معاهم .

وقال سامي في غطرسة :

— حتى انت ليك نفس ، يا شيخ روح طلع الحبر من صوابعك قبله .

وقال مراد في عناد :

— لازم اتفسح النهارده . ماليش دعوه .

ودنت سوسن من أمها وقالت :

— عايزين تنفسح — اشمعنى هم يخرجوا ؟

وأسرع عاطف إلى أبيه وقال له :

— آه يا بابا تنفسح ، والثبي تنفسح .

ورق قلب الأب لأولاده ، فقال لهم :

— طب البسووا وانا أفسحكم .

فقال سامي وهو في طريقه إلى غرفة أبيه :

— يا بابا تاخذ مراد معاك أزاي وشعره طويلاً كده .. لما يحلقه قبله .

فقال مراد في تحده :

— وانت مالك ؟

— ما هو يا ماما ..

فقططته أمه :

— بس مالكش دعوه بييه . روح انت مطرح ما انت راجح .

وقالت سوسن وهي تتمسح بأبيها :

— هم ح يركبوا أوتومبيل ..

فقال لها لأب :

— ح اركبكم أوتومبيل .

وقال عاطف في فرح :

— وانا اللي اسوقه .

فقال لأب وهو يعيث في شعره في حنان :

— وانت اللي تسوقه .. ياللا روحوا البسو .

وخرجوا من غرفة أبيهم فرحين ، مراد يخلع جاكيتة بيجامته ،
وسوسن تحاول أن تخلع ثوبها وهي في طريقها إلى غرفتها ، وعاطف

يصبح :

— لبسوني .. لبسوني ..

وقالت أمه وهي تضع حالة بجوار أبيها :

— طيب . أنا جايه البسك .

والتفت الأب إلى هالة وقال مداعبها :

— وانتي .. مش عايزة تتفسحى ؟

فقالت الأم وهي تهم بمعادرة الغرفة وعاطف في يدها :

— يا ريت تاخدتها معاك وتربيجنى .

ونظر الأب إلى هالة ، فإذا بعاطفة الحنان تتحرك في جوفه ، وإذا بأساريره تنبسط ، وإذا به يمد يديه ويحملها ، ويضمها إلى صدره ويقبلها .

ولبلغ صوت نداء سيارة آذان الجميع ، فحدث في الشقة هرج شديد ، راحت أحلام تهrol صوب باب الشقة في فرح وفي أثرها نبيلة وسامي ، وقد أخذ سامي يصيح :

— أيوه . نازلين .

وقالت سوسن في غضب :

— أشمعنى هم ينزلوا قبله .

وجري عاطف إلى والده حافي القدمين ، وجذبه من بنطلونه الذي كان يرتديه ، وقال له :

— ياللا احنا كمان ننزل بقى .

فقال له أبوه وهو يدفعه في رفق :

— روح كمل لبسك ، وتعال ننزل .

وخف مراد إلى الشرفة يرقب إخواته .

تقدمت أحلام إلى السيارة في دلال ، وإن كانت المشاعر الرقيقة
المبيعة في جوفها انعكست على مرآة وجهها ، وضيقـت من خطوها ،
ولو طاوعـت نفسها وأطلقتها على سجيـتها هـرولـت وهـى تـسـادـى :
« جـلال .. جـلال » .

وتقـدمـتـ نـبـيلـةـ فيـ رـشـاقـةـ كـأـنـماـ تـسـيرـ عـلـىـ أـطـرافـ أـصـابـعـهاـ ،ـ وـقـدـ
شـمـختـ بـرـأسـهـافـ كـبـرـيـاءـ وـلـمـ تـغـيـرـ صـفـحةـ وـجـهـهـاـ مـسـحةـ منـ كـبـرـ ،ـ وـسـارـ
سـامـيـ وـهـوـ يـنـقـلـ عـيـنـيـهـ بـيـنـ أـحـلـامـ وـنـبـيلـةـ وـالـسـيـارـةـ .ـ كـانـ المـراـقبـ الـذـيـ
يـخـشـىـ أـنـ تـشـرـدـ مـنـهـ شـارـدـةـ ،ـ أـوـ يـأـتـىـ أـحـدـ المـراـقبـيـنـ بـحـرـكـةـ فـيـ غـفـلـةـ مـنـهـ أـ
وـقـزـ شـفـيقـ مـنـ السـيـارـةـ فـيـ رـشـاقـةـ وـفـتـحـ بـاـبـاـ ،ـ فـحـيـتـهـ أـحـلـامـ بـإـيمـاءـ مـنـ
رـأسـهـ ،ـ وـمـدـتـ بـصـرـهـ فـأـلـفـتـ جـلالـاـ جـالـساـ خـلـفـ عـجـلةـ الـقـيـادـةـ ،ـ
فـصـعـدـتـ لـتـشارـكـهـ فـيـ الـمـقـعـدـ الـأـمـامـيـ وـهـىـ تـقـولـ فـيـ نـبـراتـ مـشـحـونـةـ
بـالـعـاطـفـةـ الـمـشـبـوـبةـ :

— مـسـاءـ الـخـيـرـ .

فـقـالـ جـلالـ مـغـازـلاـ :

— مـسـاءـ النـورـ ،ـ مـسـاءـ الـجـمـالـ .

وـقـالـتـ نـبـيلـةـ وـهـىـ تـرـفـعـ يـدـهاـ إـلـىـ رـأـسـهـ ،ـ فـقـدـ نـسـيـتـ كـبـرـيـاءـهـاـ
الـمـصـطـنـعـةـ ،ـ وـعـادـتـ إـلـىـ طـبـعـهاـ :

— السـلـامـ عـلـيـكـمـ .

فـقـالـ شـفـيقـ وـجـلالـ :

— عـلـيـكـمـ السـلـامـ .. أـهـلاـ .

ومدت يدها وصاحت شفينا ، ثم صعدت إلى المبعد الخلفي ، وهي تمد يدها إلى جلال لتصافحه .

وهر سامي رأسه محيا ، وغمغم بعض كلمات لم يفهم منها شيء ، ولكنها أولت على أنها تحية . ووقف برهة متربدة يفكر . وإذا به لأول مرة في حياته يتمنى لو أن أحد إخوته قد جاء معهم ، حتى يجلس بين أحلام وجلال ، بينما يجلس هو بين نبيلة وشقيق ، حتى يطمئن إلى عدم تماس أجسام البنات بأجسام الشباب .

وفي مثل لمع البصر تذكر أن هناك خطبة بين أحلام وجلال ، وأنه لا غضاضة من تركهما جالسين في مقعد واحد دون عازل ، ما داما تحت بصره وسمعه ، فصعد وجلس إلى جوار نبيلة ، وقد شقيق إلى جواره وأغلق باب السيارة خلفه .

وانطلقت السيارة ، وقال جلال وهو ينظر إلى أحلام :

— تحبوا تروحوا فين ؟

قالت نبيلة في نشوة :

— نروح الهرم ، أنا مارحتوش من أيام ما كنت في ابتدائي ، لكن لسه فاكرة المنظر الجميل اللي شفته هناك ساعة الغروب ، منظر بديع ، كانت الشمس وهي نازلة زي ..

وقال سامي مقاطعا :

— إيش وداننا هناك ؟

فقال شقيق وهو يديم النظر إلى نبيلة ، دون أن يأبه لعيني سامي

الحملتين :

— فكره جميله ، أنا موافق ع المرم .

وقال جلال لأحلام :

— وانتي ، رأيك إيه ؟

فقالت وهي تغوص في مقعدها :

— مطرح ما تحبوا .

فقال شفيق :

— يعني موافقه . خلاص نبقى أغليبية . ع المرم .

وصمت سامي على مضض ، وإن راح يمضغ غيظه ، وقال شفيق

لنبيلة :

— كملي . كتنى بتقولى : كانت الشمس وهى نازله زى .. زى

إيه ؟

فقالت وهي تصاحك :

— والله ما أنا فاكره ، أنا لما حد يقاطعني وانا باتكلم يطير كل اللي في

مخى .

فقال سامي في شباتة :

— الحمد لله إنه طار ، ولا كنا ح نفضل نسمع للصبع .

فقالت له في تهديد :

— سامي ، لم لسانك أحسن لك .

وأحس جلال أن الجو بدأ يتکهرب ، وأن نقاش نبيلة وسامي

سيخرجه من المحو الشاعري الذي بدأ يستشعره ، وهو قابض على عجلة القيادة وأحلام إلى جواره ، والنيل ينساب رقراقا كمراة سحرية تعكس أفالين من الجمال ، تفجر ينابيع الحب والهيم ، فضغط على زر راديو السيارة فإذا بأنغام عذبة تتبعث حنونة ، فتهديع الأعصاب التي بدأت تشور ، وتجعل الجميع يسترخون حاليين في مقاعدهم .

ودنت أحلام من جلال ، ومالت برأسها نحوه ، ثم أستدته على مسند المهد ، وراح شقيق ونبيلة يتبدلان النظارات ، ثم يطيقان الأجهاف حتى لا تفر روى الأماني العذاب ، التي كانت الموسيقى تفتق مواهبه ! ونظر جلال إلى أحلام ، فألفاها ترمه بعينين والهتين ، فيما حب وفيها رغبة وفيهما نداء ، فراح يديم إليها النظر ، وتخاطبت العيون ، وانشققت الأحساس ، وولدت اللحظات المسحورة التي تستشى في ذاكرة الحبين ، وتختزن في سويداء القلوب ، لتعيش الأفادة عليها في السنين العجاف .

وفقد جلال سيطرته على حواسه ، كان في شبه غيوبة ، استرخت قبضته على عجلة القيادة فإذا بالسيارة تنحرف ، وتکاد ترتطم بشجرة ضخمة من الأشجار المغروسة على جانبي الطريق .

وصاح سامي في فرع :

— حاسب بروح في دائبة .

وأفاق جلال من حلمه ، وفي مثل لمع البصر سيطر على السيارة ، وأبعدها عن الخطر ، فأحدث احتكاك العجل بالأرض صوتا غطى على

صوت الموسيقى ، ولكن سرعان ما تلاشى ، وسرت مرة أخرى الألحان
الحالمه .

وتذهب من في السيارة ليستأنفوا شرودهم اللذيد ، وإذا بصوت
سامي يعكر صفاءهم :

— والنبي تدور لنا محطة غير دى .

ومد جلال يده إلى الأزرار ، والتفت سامي إلى نبيلة وقال :
— شورتك كانت بج تودينا في داهية .. كان لازم الهرم ١٩ حبكت !
فقال شفيق :

— حصل خير .. مين عارف كان بحصل إيه لو كنا رحنا في حته
تانيه .

وأرضي نبيلة انبراء شفيق لتأييدها والدفاع عنها ، فمنحه بسمة
اعترافا منها بجميله .

وانطلقت السيارة حتى إذا لاحت الأهرام في الأفق ، قالت نبيلة في
الشرح :

— الأهرام أهيه .. مش عارفة أنا فرحانه كده ليه ، متهياً لي إنني
رجعت عليه صغیره .. عايزة اتنطط واجرى ، تعرفوا لو توافقونى على
عقلى ، تقفوا هنا وانزل أجرى .. أجرى لغاية ما اوصل الهرم .

فقالت أحلام ، وهي تبتسم :

— تجرى من هنا هناك ؟ .. كان انقطع قلبك .

وملأ شفيق رئيه بالهواء وقال :

— حاجة لطيفة . تيجو توقف العربيه ونجري شويه .

فقال له جلال :
— اعقل .

فقال شفيق :

— والله نفسي أجرى . بقى لي زمان .

— طب استنى لما نوصل فوق .

ونظر شفيق إلى نبيلة ، وقال دون أن يعد عينيه عنها :
— سامي . تسابقنى ؟

فقال سامي في غرور :
— ح اسبقك . ما فيش كلام .

فقال شفيق :
— الميه تكدب الغطاس .

وقالت نبيلة :
— وانا ح اخش معاكم في السباق ده .

فقال لها سامي :
— نفسي تبطل غلبة ، ولا تحشريش نفسك في اللي مالكيش فيه .
وصعدت السيارة المنحدر ، ووقفت عند سفح المرم الأكبر ، وفتح شفيق الباب وهبط يتبعه سامي ثم نبيلة ، بينما ظل جلال وأحلام في مكانهما يصغيان إلى الموسيقى .

ودارت نبيلة دورة على أطراف أصابع قدميها ، وقالت :

— احنا مش عايشين . آدى الحياة .
قال لها سامي وهو يهز رأسه آسفا :
— نفسك تسيبي على طول .
— نفسي أبقى حره .. طليقه .. زى النسم .
قال لها سامي :
— ح نمثل .. شياطين الفن ح تتحرك .
فدننا منه شقيق وقال له :
— انت في سنه إيه ؟
— أولى ثانوى .
قال شقيق في استنكار :
— لسه أولى ثانوى .
قالت نبيله وهى تضحك :
— ما هو أولى ثانوى دلوقت .. يعني تالتة ثانوى زمان .
— دى حاجه تلخبط . ما افهمش حاجة فى النظام الجديد ده أبدا
لدرجة إنى فكرت مره أعمل جدول معادلات .. وانتي في سنه إيه ؟
قالت في فخر :
— في تالتة ثانوى .
— ودى تساوى إيه في جدول المعادلات ؟
— توجيهى .
— وناویه بعد ما تخلصى تقعدى في البيت زى أحلام ؟

فقالت وهي تشب على أصابع قدمها :

— لا .. ح اروح الجامعه ، وح ادخل كلية الطب .

قال لها سامي :

— دا بعدك .

— بكره تشفوف .

— بكره تشفوف انت .

وقال شفيق :

— ياللا مش ح نتسابق ؟

وراح يخلع جاكته ، ففعل سامي مثله ، ومد شفيق إليه يده بالجاكتة
وقال :

— والله لو تسمح تودي الجاكتة دي معاك في العرييه .

وتناول سامي الجاكتة ، وذهب إلى السيارة ، وأحسست أحلام دنوه
فرفت رأسها عن صدر جلال ، والتفت إليه، فإذا به جلال يلتفت ويقول:

— ناوين على إيه ؟

— ح نتسابق .

واقرب شفيق من نبيلة وقال لها :

— وليه ما تقدعيش في البيت زى أختك ؟

— أقعد في البيت أعمل إيه ؟

— تعملى زيه .

— أملا قلل واغسل وابطيخ وامسح . لا .. دانا ح ابقى دكتوره ..

دكتوره مشهوره .. أنا شايفه اليافطه دلوقت على العياده .. « الدكورة
نبيلة حسين » .
— بقىتي دكتوره مشهوره . وبعدين ؟
وقالت مفكرة : .

— وبعدين ؟ وبعدين ؟ مش عارفه .. ما فكرتش .. كان أمل إني
أبقى دكتوره .

وابتسم شفيق ، ووصل إليهما سامي ، وقال :
— ياللا . اقفوا جنبي هنا ، شايفين الحجر الكبير اللي هناك ده ؟ ح
نجرى لعنه ونرجع للعربيه .

واصطفوا صفا واحدا ، والتفت سامي إلى السيارة وقال :
— أحلام . خدي بالك . ح نبتدى .
وقالت أحلام دون أن تلتفت :
— حاضر .

واستأنف جلال حديثه وأحلام ترنو إليه في وله :
— تعرف ، نفسى أكون أنا وانتى لوحذنا في جزيره ، ما شفش غيرك
ولا تشوفيش غيري ، واسمعك لوحدي ، وما تسمعيش غيري .
فقالت وهى تبتسم فى إغراء :

— وإن زهرت ؟

— مش معقول أزهق واتنى جانبي .
وازدادت قربا منه ، ورفعت بصرها إليه ، فإذا به يهوى عليها ويقبلها
وهو يضمها في قوه .

وارتفع الصياح ، فالتفت جلال وأحلام ، فوجدا أن سامي وشفيق
في عودتهما بینا لم تصل نبيلة إلى الحجر .

وقفت نبيلة ، وتلقت شفيق نحوها وخفف من سرعته ، وراح سامي
يعدو بأقصى سرعته مزهو بنصره .
وقف شفيق ، وانتظر حتى وافته نبيلة وسارت إلى جواره تلتقط
أنفاسها ، وقال لها :

— تعبني ؟

— حاسه إن قلبي ح ينط من بقى ، وإن رجلية مش قادره تشيلنى .
ومد لها ذراعه وقال :
— طب استندى على .

وتردلت ، وإن كانت تلهث ، وتحس قواها تختور ، وفطن إلى ترددتها
فمد لها يده ، فإذا بها تضع يدها في يده ، وتسير معه .
وصاح سامي في فرح وهو مستند إلى السيارة :

— لما انتو مش قد الجرى ما تبقوش تغالبوا .

وأدأر وجهه ناحية الغرب ، فإذا بالشمس في الغروب . فهتف :
— ما تمدى يا نبيله شويه عشان تشوف المنظر الجميل اللي عجبك قبل
الشمس ما تغيب .

وقال جلال وأحلام :

— ح تفضلوا الأبددين في العربية كده . مش ح تنزلوا شويه ؟

فقال جلال وهو يفتح باب السيارة :

— آدى احنا نازلين .

ووقف الجميع يرها صامتين ، وهم يرصدون الشمس وهي تغوص في الأفق البعيد .

وركبوا السيارة وقد خيم الظلام على المكان ، وقلوا عائدين وقد سيطر عليهم السكون ، صمت الراديو وركن سامي إلى المدوء ، حتى نبيلة لم تنبس بكلمة ، كانوا جميعا يجتربون الحوادث التي انزلقت من لحظات من دنيا الواقع إلى عالم الذكريات ، وقد راحت يد الخيال تسمقها فترى بها فتنة وجمالا .

ولاح في وجه جلال وجد وهيام ، فمد يده ووضعها فوق يد أحلام ، ليربط ما يدور برأسه بواقعه الذي يعيش فيه .

وبلغت السيارة الدار ، فأفاق الجميع من أحلامهم ، وفتح الباب الخلفي وهبط شقيق وسامي ونبيلة ، ثم فتح الباب الأمامي وهبطت أحلام وهي ترنو إلى جلال وتقول :

— مش ح تطلع شويه ؟

— معلهش المره دي .. بقينا ليل .. المره الجايه .

ومدت يدها وصافحته ، ثم صافحت شقيقا ، وانطلقت مرحة ، وقالت نبيلة :

— السلام عليكم .

ولكنها لم تنصرف ، بل مدت يدها إلى شقيق تصافحه ، وأحسست يده تضغط على يدها ، فخفق قلبها ، ونظرت إليه فإذا في عينيه نور

يأتلىق ، فاستشعرت كأن تياراً كهربياً سري في روحها فولزل كيانها .
وتسمرت لحظة ، وقد استبد بها اضطراب لذيد ، وأحسست في لحظة
أنها تغيرت ، لم تعد طفلة ، فقد راحت تمور في أغوارها مشاعر ناضجة ا
ودارت على عقيبها ، وسارت في تؤدة ، كانت تستشعر كأنما صارت
طيفاً ، ومع ذلك لم تنطلق في خطوات راقصة على أصابع قدميها
كعادتها ، بل انسابت في رزانة ، تطاً الأرض بكل قدمها .
وقف سامي يودع جلالاً وشفيقاً ، ولم يتحرك إلا بعد أن ابتعدت
السيارة وابتلعها الظلام .

وصعدا إلى الشقة وإذا بمراد وسوسن وعاطف يخفون إليهم ويلتقون
بهم ، ويسألونهم في صباح :

— رحمت فين ؟ . رحمت فين ؟

فقال سامي في فخر :

— الهرم .

وقالت سوسن في حزن :

— بابا ضحك علينا ، وركبنا تاكسي شويه صغيره ورجعنا .

وقال مراد وهو يحاول أن يعرض طريقهم ليؤخر وصولهم إلى
غرفهم :

— تعرفوا عدد التاكسي ضرب كام ؟ تمانيه صاغ .

ودخلت سوسن على أبيها وقالت :

— أنا عايزه أروح الهرم .

وقال الأب في أسى ، فقد جرح نفسه سخرية أولاده من النزهة التي حاول أن يدخل بها السرور على قلوبهم ، كان يأمل أن يرضوا فإذا بها تختلف في نفوسهم مرارة :

— حاضر .

وأقبل عاطف وقال :

— وانا يا بابا .

وعبت بشعره وقال :

— وانت يا حبيبي .

ودخل مراد وقال :

— المره الجايه أنا اللي ح اخرج معاهم ، اشمعنى سامي يعني اللي يخرج معاهم كل مره .

فقالت الأم :

— هم خرجوا إلا المره دي ؟

فقال مراد وهو يعبث في كرفاتة أبيه المعلقة :

— ما أنا عارفه لزقه ، ما يحبش إلا نفسه وسامي أنا لي خطيف الفسحة من قدامي .

فصاحت الأم فيهم جميعا :

— إيه لزمه الخوتة دي دلوقت ؟ . ياللا امشي بره انت وهو .

فقال مراد متعريضا :

— إيه . احنا عملنا حاجه .

وهمت الأم وتحركت في مقعدها وقالت :
— والله إن ما خرجنـو من هنا لضرـاكـم بعصـايةـ الغـلـيـهـ .
وفرـ الأـلـادـ منـ الغـرـفـةـ كـأـرـابـ مـذـعـورـةـ ، فـالـتـفـتـ الـأـبـ إـلـىـ الـأـمـ
وقـالـ :

— ليـهـ بـسـ كـدـهـ ؟
فـقـالـ الأمـ :
— دـلـعـهـمـ يـاـ خـوـيـاـ عـشـانـ يـحـبـوكـ .ـ أـنـاـ مـاـ اـعـرـفـشـ اـدـلـعـ .ـ أـنـاـ أـرـىـ ..
الـتـرـيـهـ مـاـ تـنـقـصـ عـمـرـ ..ـ قـالـ عـلـىـ رـأـيـ المـثـلـ .

فـقـالـ الزـوـجـ مـذـاعـبـاـ :
— طـبـ المـثـلـ يـقـولـ إـلـيـهـ ؟
— أـنـاـ عـارـفـهـ ؟
— المـثـلـ يـقـولـ :ـ رـبـ اـبـنـكـ وـاحـسـنـ أـدـبـهـ ،ـ التـرـيـهـ مـاـ تـاخـدـ أـجـلـهـ .ـ
— يـاـ خـوـيـاـ الـأـمـثـالـ كـتـيرـ ،ـ الـوـاحـدـهـ حـتـفـتـكـ إـلـيـهـ وـالـلـاـ إـلـيـهـ .ـ
— أـمـالـ كـلـ مـاـ تـكـلـمـيـ تـقـولـ «ـ عـلـىـ رـأـيـ المـثـلـ »ـ لـيـهـ ؟ـ دـاـ اللـىـ يـسـمعـكـ
يـحـسـبـكـ قـامـوسـ فـيـ الـأـمـثـالـ .ـ
— يـوـهـ بـقـىـ .ـ

وـخـلـعـتـ أـحـلـامـ وـنـبـيـلـةـ ثـيـابـهـماـ ،ـ وـارـتـدـتـاـ ثـيـابـ النـومـ ،ـ وـأـسـرـعـتـ كـلـ
مـنـهـماـ إـلـىـ سـرـيرـهـاـ لـتـعـيـشـ وـحـدـهـاـ مـعـ خـيـالـهـاـ ،ـ وـجـذـبـتـ نـبـيـلـةـ الغـطـاءـ
فـوـقـهـاـ ،ـ وـتـلـمـلـتـ فـيـ رـقـدـتـهاـ وـقـدـ رـفـتـ عـلـىـ شـفـتـيـهـاـ بـسـمـةـ حـالـةـ .ـ
وـأـحـسـتـ أـنـ الضـوءـ الـمـبـعـثـ مـنـ الرـدـهـةـ الـخـارـجـيهـ يـشـغـلـهـاـ عـنـ



ما سمعتني .. يا أحلام ، ما كتتشن فلادمه إلى بضايقك
ما كتبت بالغور الأبا جوره .. التهارد بس فهمت .

الاستغراق في أوهامها ، فقامت تطفئ النور ، ومرت وهي في طريقها إلى الزر الكهربائي بعاطف وهو غارق في نومه على الأريكة ، فلم تفك في حمله إلى سريره ، وضغطت على الزر ، ثم عادت إلى سريرها مسرعة ، وما إن اندست في فراشها حتى التفت إلى أحلام وقالت :

— ساحجيني يا أحلام ، ما كنتش فاهمه إني بضايقك لما كنت بانور الأباجره .. النهارده بس فهمت .

قالت أحلام في تكاسل :

— فهمتى إيه ؟

قالت نبيلة وهي تنام على ظهرها وتضع كفيها تحت رأسها ، وتشرد ببصرها :

— أنا عرفه أفهمت كثير .

وهامت في عالم وردي من التصورات ، ورفت على شفتيهما ابتسamas رضا وأمان وأمل .

الفصل العاشر

وقف حسين أمام باب الشقة وفي وجهه سهوم ، ومد يده إلى زر المحرس وضغطه ، ثم أرخي ذراعه وراح يبعث في أصابعه . كانت حركاته توحى بالقلق . وفتح الباب ودخل ، وما إن خططا خطوطين ، حتى دوت زغرودة طويلة ممدودة ، وبدرت حفنة من « الملبس » على الأرض ، فانقض الأولاد جمِيعاً يلتقطون « الملبس » المنثور .

ونظر حسين إلى زوجته في تساؤل ، فقالت :

— دى الخياطه جابت فساتين أحلام .

ودلف حسين إلى غرفته ، وزوجته خلفه ، وقبل أن يستقر على مقعده ، قالت له زوجه :

— الخياطه طالبه خمسين جنيه .

فقال وقد اتسعت عيناه :

— خمسين جنيه ! دا كتير .. كبير قوى .

— مش كتير . يا دوبك . مش فصلت أربع فساتين سهره كوكيل وخمسه تواليت وثمانيه اسيبور وست جونلات وست بلوزات وتلات بلوزات نايلون وجبيون تواليت وجبيون اسيبور ؟

وأحس حسين رأسه يدور ، وقام إلى الصوان وفتحه وأخرج منه

حسين جنحها ، وقال لزوجته وهو يمد لها يده بالأوراق المالية :
— خلاص . ما بقاش معانا حاجه ، المهر اللي خدناه ، والقرشين اللي
كنا شايلينهم طاروا .

— ياما قلت لك إوعى لنفسك ، ياما قلت لك طالع لنا بنات .
— يعني كنا حانعمل إيه ؟ ماناكلش أكل اللي كان يسجيننا كنا بناكل
يه .

— برضه لو كنا وعيينا لنفسنا ما كناش احتاجنا لخد دلوقت . اللي
حصل .

وخرجت زينب ، وبقى حسين وحده في الغرفة ، فالتفت إلى المرأة
وقال لصورته فيها :

— دايماً انت السبب .. إنت اللي بتبعرق الفلوس .. إنت اللي ما
وعتش لنفسك ، إنت اللي بتشترى كل شهر شنطه وجسمه وفستان
عشان مودة اللي اشتريتهم الشهر اللي فات اتغيرت . معلهش . لك رب
اسمه الكريم .

ودمت الخياطة الأوراق المالية في حافظتها ، وقبلت أحلام ، ثم ربت
على خد نبيلة وقالت :

— عقبالك .. بس قريب إن شاء الله .
ومست أمنيتها أذنِي حسين فنظر إلى نفسه في المرأة في ذعر ، وقد فغر
فاه دهشة .

وأسرعت نبيلة إلى أبيها وقالت :

— بابا أنا عايزة فستان أليض أنزل بيه مع أحلام .

فجري سامي إلها حتى لا تفوته الفرصة وقال :

— غرنا ! ما تشوفش حاجه إلا لما تجيبي زيها .

فالتفت إلها وقالت :

— وانت مالك ؟

قال لها سامي :

— مش تخلى عندك نظر .

وقالت وهي تنصرف :

— ح اجيبي فستان غصب عنك .

وأخرجت له لسانها فلم يأبه بها ، لأنه أراد أن يتهز الفرصة لنفسه ،

قال لأبيه :

— بابا ، أنا عايزة بدله كحلى وقميص أليض وجزمه لمبع .

وجاءت الأم ، وسوسن تتمسح بها ، ولما رأت أبيها قالت :

— عايزة جزمه بيضه بكعب عالي . اشمعنى أحلام ؟

فصاح مراد وهو مقبل :

— إيه الطمع ده ؟ ، ما عندك جزمه سوده جديده . أنا اللي ما عنديش

حاجه أبدا ، أنا عايزة بدله بينطلون طوييل .

قال سامي :

— انت تلبس بنطلون طوييل !

— وانت مالك ؟

وصاحت الأم فيهم :

— أبعدوا دلوقت خللو بابا يقلع ويستريح . ياللا بره .
وانسحبوا من الغرفة ، وبدأ الأب يخلع ثيابه ، ومدت الزوجة يدها
وتناولت ثوبا صغيرا من سرير هالة ، ونشرته بين يديها وقالت في همام :
— شوف الفستان اللي خيطته الخياطة هاله .. مش طعم والنبي !
وخلع قميصه ، فبدت الفانلة ممزقة ، فقالت له الزوجة في إنكار :
— بقى تصرف الصرف ده وتستخسر في نفسك فانلتين ؟
— والنبي تسيبني في حالي . أنا مش عايز حاجه ، نفسي بس أسد
بق البير المفتوح ده .

— كله بيتهي .

وأطرق صامتا ، وجلس يخلع حذاءه ، وبان في وجهه الهم ، وساعد
الصمت برهة ، وزوجه ترمقه في قلق ، وأرادت أن تخربه من صمته ،
فقالت له :

— أحلام عايزه أربع تطقم نايلون .

قال في إنكار :

— أحلام تليس نايلون ؟.

— وما تليسش نايلون ليه ؟

— هو النايلون بيعطي حاجه . دا فضيحة .

وأرادت أن تداعبه لترفع عنه ، فقالت له :

— وانت إيش عرفك ، شفت النايلون على مين ، قول لي ؟

— شفته في الفتارين .

— يا راجل !

— ما تشوف حاجه غير النايلون ده .

— ح نيجي ع الآخر ونكسر بخاطرها ، نجيب لها الأربع تطعم
وخلاص ، واهى ح تلبسهم في أودتها .

فقال و قد شرد بيصره :

— ع الآخر ؟ مين اللي قال ع الآخر . قدامنا كتير ، بتاع الموييليا
عايز فلوس ، والمنجد عايز فلوس ، والنحاس عايز فلوس ، وأنا خلاص
ما بقاش معايا فلوس .

— وح تعمل إيه ؟

— عملت وخلاص . طلبت استبدال جزء من المعاش .

— خسارة !

— لا خسارة ولا حاجة ، لو طلت استبدال المعاش كله كنت
استبدلته ، مش أحسن ما الحكومة تورث فيه ؟

فقالت الزوجة في فرع :

— ما وعيت .

— ح نوعى ، ودى فيها كلام ح اموت يوم ، وح تورث الحكومة
فيه .

— بعد الشر .

وشرد بيصره وقال :

— أنا مش فاهم الحكومه تورث ليه ، هي أمي و أبويا ولا بنتي ولا ابني ولا أنا مسئول عنها .

وتمدد في السرير ، ونظر إلى حيث ترقد هالة ، ثم التفت إلى زوجه التي تناولت حذاءه ؟ وراحت تضنه في مكانه ، وقال لها :

— قول لي يا زينب لو مت تعاملني إيه ؟

فقالت له في ضيق :

— أوه . والنبي تسيب السيره دي .

— وليه نهرب م اللي حيحصل ؟ ما نفك سوا في اللي تعامله لو مت .

— يمكن أموت قبلك .

— ونفك في اللي نعمله لو متى .

— ودى عايزة تفكير ؟ ح تتجوز واحده تانيه تذلل الأولاد وترمطهم .

— تفتكري كده ؟

— ما فيش كلام . يعني انت أحسن من مين ؟

— طب لو مت قبلك تعامل إيه ؟

— أشوف شقه على قدي ، وادربر عيشتى أنا والأولاد على قد القرشين اللي يطلعوا لي .

— يعني من مصلحتك ومصلحة الأولاد إلى أموت قبلك .

— أوه . والنبي تقض السيره دي : أنا عارفه النهارده مالك ، مسكت الحكايه دي واستقلعت ليه ؟

وتركته وغادرت الغرفة ، وإذا بسوسن تقبل وفي يدها ورقة ،
ودفعت بها إلى أبيها وقالت :
— بابا عايزةينك في المدرسه تحضر مجلس الآباء .

قال وهو شارد :
— حاضر .

وأسرعت نبيلة إليه وقالت :
— اشمعنى ح تحضر مجلس الآباء في مدرسة سوسن ، وما حضرتش
المجلس في مدرستي ؟

ونسف سامي إليه وقال :
— مجلس الآباء بتاعنا بكره ، ضروري تحضره .

وصاح مراد :
— كل أصحابي أبهاتهم حضروا مجلس الآباء .
وأقبلت الأم على صياغهم ، وقالت لهم :
— هو ما حدش يعرف يستريح شويه في البيت ده ! بزه .
وانسلوا من الغرفة ، وقال الأب :

— بس الواحد ح بروح هنا واللا هنا واللا هنا . ح بجيبي
الوقت منين ؟ يعني ما يجيئناش بدل الكلام ده عضوية مجلس إدارة
شركه .. تحمل أزمتنا ؟

— أنا عارفه عرسان اليومين دول إيه ؟ الواحد منهم يدفع المهر
ويسلط إيه ، لا نفقه ولا نشان ، فاكر المدايا الحلوه اللي كنت بتبعتها

لى في الموسى ! عروسة المولد اللي قد كده ! والخلاوة الحمصية
والسمسمية ، واللا السمك اللي كان يملا طشوت .. والنستان اللي
يعتولى .. الفستان القصب والجزمه القصب ، والشرابات الخرير
والصابون الممسك ، والشباشب اللي قلبك يحبها . تصدق إن المدايا اللي
بعتها لي فرحتنى أكثر من كل الحاجات اللي جايبوها لي ؟

— دى بقت موضعه قديمه .

— موضعه قديمة ! والله كانت تشرح القلب ، ده فقر اللي بيعملوه
اليومين دول .

— تعرف أنا كل ما اشوف سامي ومراد وعاطف بتهدأ ناري .

— ليه ؟

— مسيرهم ح يتجوزوا يوم ، وادفع لهم المهر وبس واستل إيدى أنا
كان ، واسيب غيري يكع ، وانخد بتاري .

وسمع ارتظام حداء صغير بالباب ، فقالت الأم :

— عاطف جه ، كان فين غطسان من بدرى ؟

وأسرعت تفتح له الباب ، وبدأت هالة تبكي ، فنهض حسين وحملها
في حنان ، وقال لها وهو يرقصها بين يديه :

— تعرف لو عشت لغاية ما أجوزك ، ح اجهزك جهاز ما فيش واحد
تجهزته ، مش ح يبقى ع الحجر غيرك .

وضمها إليه وقبلها قبلة أنسه كل آلامه ومتاعبه ، أحس الكدر الذى
غبش صدره ينقشع ، والهموم التى كادت تنقض ظهره تتلاشى ، وإذا

يُصيّص من الأمل يُبدد ظلام نفسه ، ثم ينداخ حتى يملأ جوانحه .
وفتحت الأم الباب ونظرت ثم ارتدت خطوة وصاحت :
— إيه القرف ده ؟

كان عاطف يرتدي قميصاً أبيض مخططاً بخطوط حمراء ، صار رمادياً من أثر التراب ، وقد التصقت خصلات شعره بجبهته من أثر العرق المتصبب منه ، وكان بنطلوونه ممزقاً عند فخذيه ، أما حذاؤه فلامون له ، وفي يده قطعة حبل وفي نهايتها كلب صغير ، أذناه طويتان تخطان في الأرض وشعره متهدل ، أبيض اللون ، حول عينيه اليسرى هالة سوداء .
وتجذبت الحبل من يده ، ولكنه تثبت به ، فقالت له :

— سيب الكلب ، جبته منين ؟
— واحد صاحبي اداهولى .

وعوى الكلب ، فإذا بأحلام ونبيلة وسوسن وسامي ومراد ، يتسابقون إلى الباب ، أحلام في قميص النوم ، ونبيلة ترتدي بنطلوون البيجاما ، عارية الصدر ، حافية القدمين ، وسامي ليس عليه إلا بنطلوون الأبيض القصير ، ومراد بالفانيلا و « الكلسون » ، أما سوسن فقد راحت تهrol وفي قدميها شبشب كبير .

وخرج الأب من غرفته ينظر وهو يحمل هالة .

وقالت الأم وهي تجذب الحبل :
— ما تتعيش نفسك ، الكلب دا مش حينخش الشقه أبداً .
وقالت أحلام :

— يا جماله !

وأسرعت نبيلة إليه وحملته ، فصاحت فيها أمها :
— نزليه ع الأرض ، مش شايقه وسخ ازاي ؟ .

فقالت نبيلة :

— ح أحميه .

وقالت سوسن :

— والنبي يا ماما تسييه ، دا لطيف خالص .

وصاح مراد :

— ح تنضده ، ح نخليله فل .

فقال له أمها في غيط :

— ياخى روح نصف نفسك .

وسارت نبيلة به إلى الحمام ، وإن خوطها خلفها يتضايقون ، فقالت لها
أمها :

— يعني عفيتني دلوقت ، لا تعانه ولا مهمده ولا وراكى مذاكره ،
ما تشطريش إلا في الحاجات الهايفه .

وأغلقت الأم الباب خلفها ، وسارت مهزومة حتى إذا بلغت زوجها
قالت له :

— هو البيت كان ناقص كلاب ! ما كفايه اللي فيه .

وسار الزوجان إلى الحمام ووقفا بعيداً ينظران ، وجداً أحلام تدللك
جسم الكلب بالصابون بينما راحت نبيلة تصب لها الماء ، بينما راح عاطف

يُصَيِّحُ :

— ده الكلبي ، أنا اللي أحميه .

وطفق يمد يده ليأخذن من نبيلة الكوز ، وسامي يبعده ، ومراد يقول له :

— استنى لما يستخدمه أبقى خدده .

وقالت سوسن وهي تلوح بالمشط في يدها :

— أنا اللي ح اسرحه .

وقالت أحلام :

— ناولني فوطه يا سامي .

قالت الأم في غضب :

— مش ناقصنا إلا الكلب نجيب له فوط رانحر ، وهو انتو مش دارين ، ما بتحسوش . والله اللي ح يحط الفوطه على جسمه ح يعرف شغله .

وشقت نبيلة طريقها إلى غرفتها وعادت بمحاكمة بيجامتها ، ولفت الكلب فيها ، ثم عادت إلى غرفتها وإنحوتها خلفها .

وسارت الأم إلى غرفتها مطرقة وزوجها إلى جوارها ، وقالت له :

— هو احنا قادرين نأكلهم لما ح نأكل الكلب ؟ قال على رأى المثل .

فقالت زوجها وهو يتسنم :

— مش لاقين العيش يأكلوه ، يجيروا كلب يربوه .

الفصل الحادى عشر

اصطف الأولاد فى حلقة واسعة ، وقد ركع سامي ومراد وأحلام
ونبيلة وسوسن على ركبهم بينما ظل عاطف واقفا ، ووضعوا الكلب في
مركز الدائرة ، وقالت نبيلة :

— اللي بروح له الكلب يبقى حينجع السنده دي .

وراح كل منهم يناديه ، ويزيريه بالاتجاه إليه ، فارتقت فرقعة
الأصابع ، وصفر كل منهم بضمته بطريقته الخاصة .

وتردلت النداءات :

— بولى .. بولى ..

ووقف الكلب حائرا ، يدور رأسه بينا وشمالا ، وقالت نبيلة :

— بلاش نقول له « بولى » نسميه اسم تانى .

فقالت أحلام وقد وضعت سبابتها على خدتها :

— نسميه إيه ؟

وشردت بصرها تفكير ، وهى تعوض شفتها السفل بأسنانها ، وقال
سامي :

— نسميه جلجل .

والتفت إلى أحلام ، وضحكت ضحكة مابحرة ، فنهرته نبيلة قائلة :

— بلاش قلة أدب .

وتوردت وجنتا أحلام ، والتفت إلى سامي غاضبة ، وقالت في
غيبظ :

— ح تخفف ؟

وقال عاطف :

— نسميه « عاطف » .

وضحك الأولاد ، وقالت سوسن وهي تضحك ، لتعلن الجميع أنها
فهمت سبب ضحكتهم :

— يعني عاطف كلب .. يعني عاطف كلب .. هي هي .. هي
هي .

وقالت نبيلة وهي تفرقع بأصابعها :

— نسميه سوزى .

فارتفعت الأصوات تنادي :

— سوزى . سوزى .

واختلطت الأصوات بفرقة الأصابع ، وصفير الأفواه ، والكلب
يصبص بذنبه ويتلفت ، ثم يتقدم إلى أحلام .

وحملته أحلام في فرح وضمته إلى صدرها ، وصاح الأولاد جميعا
وهم يضحكون :

— أحلام ح تنفع السنہ دی .

وأسرعت إليها سوسن تضمها في فرح لتعلن سرورها بنجاحها ،

وقالت أحلام وقد توجت شفتيها بسمه عذبة :

— ح الخج في آنى امتحان ؟

ورنت إليها نبيلة رنوة ذات مغزى ، وقالت لها :

— هو ضروري تنجحى في الامتحان ، أهو ح تنجحى والسلام .

وعلا بكاء هالة على ضجيج الأولاد ، فنادت الأم :

— نبيلة ، تعالى خدى أختك لعبوها ، واللا يعني مش ح تحصل

الكلب !

وقالت نبيلة :

— مراد ، هات هاله والنبي .

فأسرعت سوسن تهروء إلى الردهة وتقول :

— أنا اللي ح اجيها .

وانطلقت إلى حيث كانت أمها جالسة على الأريكة ، وحملت هالة ،

ثم عادت بها ، فقال سامي :

— حطوها مع الكلب لما نشوف ح تعمل إيه ؟

فقال مراد معتبرضا :

— لا ، ح اقول لاما .

ولم يأبهوا لاعتراضه ، ووضعوا هالة والكلب في وسط الدائرة ،

واشرأبوا بأعناقهم ينظرون .

وتمسح الكلب بها ، ومدت يدها تجذبه من شعره ، فانطلقت

صيحات الرضا ، وراحوا يزحفون على ركبهم يضيقون الحلقة ، حتى

ينعموا بمراقبة الغزل الدائر بين هالة وسوزى .
وخرج الأب من الحمام ، يلف حول عنقه فوطة مبتلة وقرع أذنيه
صياح الأولاد ، فسأل زوجته :

— إيه الزيطة دى ؟

— زيطة أولادك اللي بتدعهم ، بيلعبوا الكلب ، يا راجل كش فيهم
خليةم يوطوا حسهم .

— وانتي ما كشتيش فيهم ليه ؟

— طول عمرى بخش فيهم لوحدى لما بقى العدوه ، روح انت
ريهم مره .

وانطلق في عزم إلى حيث كانوا يلعبون ، وزوجته تنظر إليه ، وقد
أصاحت السمع ، ووضعت القميص الذي كانت ترتقه جانبا .
ووقف عند باب الغرفة ينظر ، فرأى هالة تجذب الكلب من أذنه
وتحاول أن تضعها في فمها ، فاحتلت وجهه بسمة عريضة ، ودغدغت
أذنيه ضحكات أبنائه ، فاستشعر مشاعر رقيقة تنبثق في أعماقه ، وتقدم
مسرورا يشاركم حبورهم .

وركع على ركبتيه ، وأبعد « الفوطة » عن عنقه ، وراح يفرقع
بأصابع يديه في توافق عجيب كأنما يدق لحنا راقسا .

وبدأت سوسن تتمايل على الأنعام ، وتشجع مراد وراح يصفق لها على
الوحدة ، ولم ينهره أبوه ، فصافحت نبيلة وأحلام وسامي معه ، وأسفر
تمايل سوسن عن وجهه الحقيقي ، فإذا بها ترقص وتميل برأسها إلى

الخلف ، حتى مس شعرها كعبها ، وبطئها في حركة دائبة .
وجلجلت ضحكات ناعمة ، وتعالت الأصوات ، وقرع ذلك أذن
الأم فقطب جبينها وجدبت القميص الذي نحته في عصبية ، ثم استأنفت
رتقها وثبتت أزراره .

وتتابع رنين جرس الباب فانقطع التصفيق وفرقة الأصابع وتوقف
الرقص ، ومد الأب يده وأخذ الفوطة ووضعها على كتفه وهם
بالانصراف ، وأسرع مراد إلى الباب يفتحه .

وقال مراد :

— أهلا جلال .

ومس صوت جلال أذن الأب وهو يقول « أهلا بيك » فوسع في
خطوه ، حتى دنا من زوجه وهمس :
— جلال جه .

فقالت وهي تنهض :

— يا ريته كان جه من بدرى وشافك وانت بترقص العيال .
ووقفت أحلام تصلح هندامها ، وراحت نبيلة تمرر يدها على شعرها
وفي عينيها قلق ، وحمل عاطف كلبه وجرى إلى غرفة الاستقبال حيث
دخل جلال .

وقالت أحلام لسامي :

— احمل هاله .

— وانا مالي .

وغادر الغرفة ليرتدى ثيابه ، والتفت أحلام إلى سوسن وقالت :

— سوسن شاطره . أحمل أختك .

فقالت وهي تهز كتفها :

— وانا مالى .

— أحملها ورح اديكى قرش .

— هانى قبله .

— روحى خديه من شنطنى .

ولم تتعذر حتى تحمل سوسن هالة ، بل انسابت مرحمة إلى غرفة الاستقبال وفي أثرها نبيلة .

كان جلال يداعب الكلب ، وعاطف ينظر إليه مسرورا ، بينما راح مراد يفتح الشبابيك ، واقرب عاطف من جلال وقال له :

— عجبك الكلب ؟

فقال جلال وهو يبعث في رأس الكلب :

— لطيف خالص .

فقال عاطف وقد لمعت عيناه خبشا :

— طب ادى له قرش يشتري بيه بسكويت بقى .

وسمعت أحلام ونبيلة ما قاله عاطف ، فوقفت أحلام وأطرقت خجلا ، ووضعت يدها على فمهما ، ودفعتها نبيلة في ظهرها تختها على التقدم ، وهي تبتسم ، وصاح مراد في أخيه :

— امش اطلع بره ، بلاش قلة أدب .

وقال له جلال :

— ما تسييه ، دا صاحبي .

ووقف جلال ومد يده في جيب بنطلونه ليخرج القرش ، وإذا به يلمع أحلام مقبلة ، فيمد يده مصافحا ؛ ثم يصافح نبيلة ويشغل بمحديهما عن عاطف .

وجلس جلال والكلب في حجره ، وأصابعه تتخلل شعره في حنان ، وقد تعلقت عيناه بوجه أحلام .

ورمق عاطف أحلام ونبيلة في غيظ ، عطل دخولهما حصوله على القرش ، ورمى جلال بنظرة شزراء ، ثم هجم عليه يتزرع الكلب منه ويقول :

— طب هات الكلب بقى .

فقال جلال وهو يقف ويمد يده في جيبه :

— إنت زعلت ؟ لك حق . خد القرش أمه .

فقالت أحلام في عتاب :

— ما تعلموش على كده .

فقال مراد وهو يطوح يده في يأس :

— هو لسه ح يتعلم ، ما خد على كده وخلاص .

ودخلت زينب وصافحت جلال وقالت لمراد :

— افتح الشباك اللي ورا جلال ، النهارده حر .

فقال جلال متهزأ بهذه الفرصة :

— بلاش تعب ، احنا ح نخرج نتمشى ع النيل شويه ، يا للـ

يا أحلام .

وأتسعت عينا الأم ، وثارت دماؤها ، ولكنها كبحت جماح عواطفها
وقالت في صوت مضطرب جاهدت أن يكون طبيعيا
— طب استنى لما تشرب حاجه .

— لا معلش .

— استنى حسين جاي .

وقامت نبيلة وظاهرت بأنها تصلح ضلقة الشباك ، ورمي
بيصرها . كانت ترجو أن ترى السيارة واقفة ، وأن تلمع شفيقا فيها ،
ولكنها رأت الطريق خاليا ، فانقبض صدرها ، وعادت إلى مقعدها
مطرقة .

وانصرفت الأم ، وانطلقت إلى زوجها ثائرة ، وقالت له :

— سمعت ؟ عايز ياخذها ويخرج .

وقال الأب في بساطة وهو يرتدى جاكته :

— وفيها إيه ؟

— وفيها إيه أزاي ؟ يخرجوا الوحدهم ؟

— مش قارى الفتحه ودفع المهر ؟

— والله ما يخرجوا الوحدهم ولو اتكلب الكتاب ، ما يخرجوا إلا بعد
الدخله .

— وح تعمل ليه دلوقت ؟

— ح اتصرف .

وعادت إلى غرفة الاستقبال ، ولكنها لم تدخل ، بل وقفت بعيداً
بحيث يراها مراد ، ولا يراها جلال ، وجعلت تشير بيدها لمراد أن تعال .
وقال مراد بصوت عال دون أن يتحرك :

— إيه . في إيه ؟

ووضعت أصبعها على شفتيها تأمره أن يلزم الصمت ، ثم عادت
الإشارة له بيدها ، فذهب إليها وهو ضيق بها ، وما إن وصل إليها حتى
همست له :

— روح اليس هدوتك عشان تخرج مع أحلام وجلال : قوام .
وهرول إلى غرفته ، وفتح درج « الشوفنير » ويبحث عن قميص
نظيف له ، فلم يجد فأخذ قميصاً من قمصان سامي ، وملحه سامي وهو
يسرح شعره ، فقال له :
— سيب القميص ده .
فقال مراد .

— ما عنديش قمصان . كل قمصانى اتوسخت .
وأسرعت الأم إليها وقالت لسامي الذي انتزع القميص من يد
أخيه :

— خليه يلبسه يا سامي .

— لا يا ستي . عشان يجيئ نصين ؟

— إن قطعه أجياب لك غيره .

— ما ليش دعوه .

— طب اديبهوله واشتري لك بدها .

وقال سامي وهو يلقي بالقميص في وجه مراد :

— إذا كان كده معلش .

وراح مراد يرتدى ثيابه في عجلة ، وأمه تعاونه ، ووافت عيناه على حذائه ، فقالت له :

— جز متوك وسخه قوى .. فین الورنيش ؟

فقال سامي وهو يغادر الغرفة :

— لو كانوا بيأكلوه ما كانش يلحق بخلص بالشكل ده .

وراحت الأم تلمع حذاءه بخرقة ، حتى إذا اطمأنت إلى مظهره ، رنت إليه لحظة وقالت :

— ياما نفسى تفضل نضيف كده على طول .

وسارا إلى غرفة الاستقبال ، ودخلوا . ولمح مراد كأسا على الصينية فيها شراب وردى بين الكتوس الفارغة ، فخطر له أن يتداهلا ولكنه وقف متربدا ، وأنحست أحلام به ، فقالت له :

— اشرب الشربات بتاعליך .

ورفع الكأس إلى شفتيه ، فقال له سامي :

— حاسب تو سخ القميص .

وابتسם الجميع إلا نبيلة فقد ظلت ساهمة ، ولاحظ جلال صفتها فقال لها :

— مالك النهارده ؟ ساكته ليه ؟

وتوردت وجنتها ، وأحست دماء حارة تتدفق في عروقها ، وقالت
وهي تمرر يدها على جبينها :
— مش عارفه مالى . عندى صداع شويه .
وقال لها أبوها :

— خدى للك اميرتين وكباية شاي وخشى نامي .
ونهضت لتفر من الغرفة ، خيل إليها أن العيون كلها صوبت إليها ،
 وأن أمرها كاد ينكشف .
وقام جلال وقال لأحلام :
— يلا .

ونظرت الأم إلى مراد ، فنهض وسار جلال وأحلام إلى جسواره
وانطلق خلفهما مراد . وقبل أن يصلا إلى الباب كان مراد يسير بينهما .
وأحس به جلال ، فلم يشعر بارتياح ، وكبت عواطفه وابتسم وقال
له :

— جاي معانا ؟
فقال مراد في ثقة :

— آه .
ولم تهره أمه ، ولم يزجره أبوه ، فقال له جلال :

— تشرف .
وانطلقا وقد تكدر صفو جلال ، وإن راح يربت على ظهر مراد ،
ويمرر يده على شعره . وبلغوا الجزيرة ، وساروا في الطريق المناسب على

ضفة النيل ، وقد أضيئت المصايف الخاقنة التي عجزت عن فهر جحافل
الظلام ، وكان مراد يسير بينهما ، ويشار كهما الحديث .

وأراد جلال أن يسير مع أحلام جنباً لجنب ، فوسع من خطوه واتنقل
إلى جوارها ، وإذا بمراد يندس بينهما ويفصلهما . وضاق جلال به
ذرعاً ، فجلبه من يده ، ونقله إلى يمينه فصارت أحلام عن يساره لا
يفصل بينهما فاصل .

والتصقت كفه بكتفها ، ومال رأسها حتى كادا أن يلتصقا ،
والتقت العيون وهمس جلال :
— أحبك .

فقال مراد .

— بتقولوا ليه ؟

فقال جلال في اضطراب :

— كنت باقول الجو لطيف النهارده .

فقال مراد :

— أبداً . الدنيا حر مت ، أنا عارف طايقين تتلزقوافي بعض كده
ازاي ؟

وابتعد جلال عن أحلام ، وقد لمعت العيون بالبسمة التي كتبها
الشفاه !

وانطلقا ، وما إن ابتعدوا خطوات حتى التصق الكتفان ، ومال
الرأسان ، وتحدثت العيون ، وتحركت المشاعر في الصدور ، وهمس

جلال مغازلا :

— قمر .

ومست الكلمة أذن مراد ، فقلب وجهه في السماء وقال :
— فين ده القمر ؟ مش شايف حاجه .

فقال جلال ، وهو يهدّي البسمة التي ولدت على شفتيه :
— سألكني أول الشهر العرفي إمتى ؟ قلت لها ، لما يطلع القمر .
فنظر مراد إليه في دهش وقال :

— سألك إمتى . أنا ما سمعتش حاجه .
وأشاحت أحلام بوجهها حتى لا يرى آخرها البسمة العريضة التي
ارتسمت على وجهها ، وقال جلال ليغير مجرى الحديث ، وهو يشير إلى
مركب يسير في النيل .

— شايف المركب ماشي بالليل ازاي ؟

فقال مراد :

— وأيه يعني ، ما المركب يمشي بالليل وبالنهار .

فقال جلال :

— صحيح .

وضربه على ظهره بقوة وهو يقول له :

— شاطر . ما كنتش فاهم إنك كده .

ووصلوا إلى جسر التحرير ، كان يأتلق بالنور والسيارات تناسب
فوقة في صفوف ، والناس على جانبيه يتدافعون بالمناكب ، فاندسوا بين

المجموع ، وقد أتاح الزحام فرصة التصادق جلال بأحلام رغم أنف
مراد .

ونادي صوت نسوى رقيق :

— جلال .. جلال ..

والتفت جلال خلفه ، ثم خفف من خطوه ، ولاحظت أحلام
تمهله ، فسارت في طريقها ، ومدت يدها وأمسكت مرادا من يده .
ونظرت خلفها فألفت جلالا يحادث شابة جذابة وبيسم ، فاريد
وجهها ، وتحركت عقارب غيرتها ، ولم تطق صيرا ، فجذبت مراد من
يده ، ووسعـت خططاها وراحت تشـق طريقـها بين الكتلـ البشرـية
المتدفقـة .

واشرأب جلال بعنقه فلم يجد لأحلام أثرا ، فجعل يتلفـت ثم انطلقـ
يجدـ في أثـرـها ، ولكن أـفـواـجـ المـوجـ البـشـرـىـ المـتـدـفـقـ علىـ الجـسـرـ كانـ يـعـوقـ
تقدـمه .

ووصلـ أـخـيرـاـ إـلـىـ محـطةـ السـيـارـاتـ ، وـلـمـ أـحـلامـاـ وـمـراـداـ فـسـيـارـةـ
بدـأـتـ تـحـركـ فـهـفـفـ :

— مراد .. مراد ..

وأشاحتـ أـحـلامـ بـوـجـهـهاـ عـنـهـ فيـ غـضـبـ ، فـضـربـ كـفـهـ بـقـبـضةـ يـادـهـ فيـ
حـنـقـ ، وـعـقـدـ العـزـمـ عـلـىـ أـنـ يـتـرـكـهاـ اللـيـلـةـ لـغـيرـهـاـ تـؤـرـقـهاـ وـتـهـشـ صـدـرـهاـ .
وـعـادـتـ أـحـلامـ إـلـىـ الدـارـ ، وـاتـجـهـتـ إـلـىـ غـرـفـهاـ حـانـقةـ ، وـفـطـنـتـ أـمـهاـ
إـلـىـ غـضـبـهاـ ، فـخـفـتـ إـلـيـهاـ وـقـالـتـ لهاـ :

— رجعتي لوحدك ليه ؟ أمال فين جلال ؟

— سابقني ووقف يكلم واحده ، فته وجيت .

— وقف يكلم واحده ، إزاي ده ؟

— أهوده اللي حصل .

— ماتزعليش نفسك ، بس لما ييجي .

وبدأت أحلام تخليع ثيابها وتلقيها في غضب ، وغادرت أمها الغرفة
وذهبت إلى حيث كان زوجها وقالت له :

— شفت جلال عمل إيه !

ونهى الرجل الصحيفة التي كان يطالعها وقال :

— عمل إيه ؟

— ساب أحلام ووقف يكلم واحده .

— وعملت إيه أحلام ؟

— فاته وجت .

— غلطانه .

— غلطانه ازاي ؟ أمال كنت عايزها تعمل إيه ؟

— تستنى لما ت Shawf مين ده ، مش يمكن قرينته ، واحده من
معارفهم ؟

— بس لما ييجي .

— حتعمل ليه إيه ؟

— ح افرجه .

— مالكيش دعوه .. سببهم هم يصفوا مشاكلهم من غير ما حد
يتحشر بينهم ، يكره ح بيان لك إنها حكايه هايده .
— هايده ! بكره ح تشفف .

وتحركت لتفادر الغرفة ، ثم وقفت قليلاً ساهنة ، خطرت لها فكرة ،
فأغدت السير إلى حيث علق زوجها ثيابه ، وراحت تعبث في جيوبه ،
وتقلب في أوراقه وهي تغمغم :
— مين عارف . يمكن . ا الرجاله كلهم خاينين وعيونهم فارغه ،
وماهمش أمان .

الفصل الثاني عشر

أطفت الأنوار ، وساد الظلام ، ونام حسين وزوجته وأولاده ، وبقيت أحلام مسهدة ، لا يمشي الوسن إلى جفنيها ، ولا يغادر القلق صدرها ، ولا يهدأ لها بال ، ولا يستقر لها قرار . كانت تتقلب في فراشها تقلبها على جمر ، ما أن يمس جنبها الأيمن الفراش حتى تدور وتستلقي على ظهرها ، ثم تكمل دورتها لتنام على جانبها الأيسر ، وسرعان ما تعود سريرها الأولى .

وكان ت الحكم الغطاء عليها ، وتفطى وجهها ، وما تلبث أن تدفعه بيدها ، ثم ترفسه بقدمها ، ثم تعود وتجذبه بيدها وتسلدله على جسمها القلق المحموم .

وكان نبيلة ترقى في صمت ، وخطر لها أكثر من مرة أن تجادلها لتنتشلها من ذلك القلق المضنى ، ولكنها كانت ترى لعلها تهجر وتروح في سبات ، وظلت أحلام في عذاب ، فلم تطق صبرا ، وقالت وقد رفعت رأسها عن الوسادة ورمي ببصرها إليها :

— معذبه نفسك كده ليه ، الموضوع بسيط خالص .

ودفت أحلام وجهها في الوسادة ، وشهقت ، فمدت نبيلة يدها وأضاءت الأجاجرة ، ثم التجهيت إلى سرير أحلام وجلست على حافته ،

وقالت :

— قولى لي : بتفكيرى فى إيه ؟

فقالت أحلام وهى تبكي :

— يسيينى ازاي وانا ماشيه معاه ويكلم واحده تانيه ؟

— وفيها ليه يعني ؟ ما استنتيش ليه لما يرجع ويشرح لك كل حاجه :

غرقى قوام ! خلiti لbtou زمان إيه !

ومالت نحوها ، وقالت وهى تمرر يدها على ظهرها :

— عايزه الحق . إننى غلطانه .

وأجھشت أحلام بالبكاء ، فقالت لها نبيلة :

— بتعيطي ليه دلوت ؟

— عشان عارفه ان أنا غلطانه .

— خلاص ، مدام معترفه انك غلطانه ، كل حاجة ح تبقى سهل ،
لاح ييجى بكره ح تصلح كل حاجه .

والتفتت أحلام إليها وقالت في لففة :

— تفكيرى انه ح ييجى بكره ؟

فقالت لها نبيلة وهى تهز رأسها :

— بقى عشان كده بتعيطى ! اطمئنى . ح ييجى . أمال ح بروح
فين ؟

وجلست أحلام في فراشها وقالت :

— إن جه ح اعتذر له ، ح أقوله أني غلطانه ، ومش ح اعمل كده

تاني .

قالت لها نبيلة :

— إياكى تعذرى له ، مثلى عليه . اعملى انك زعلانه لغاية ما يعذر
للك عشان ما تبيقيش انت اللي غلطانه .

وابتسمت أحلام على الرغم من الدموع المترقرقة في مآقيها وقالت
وهي تدفع نبيلة في صدرها في حنان :

— أتعلمتى الحاجات دى فين ؟

فقالت نبيلة في غرور :

— الحاجات دى ما تتعلمتش . تتولد بيهَا . خليكى تقيله .
ونامت أحلام وساحت نبيلة عليها الغطاء ، ثم أطفأت نور الأجاجورة
واندست في فراشها ، واستغرقت في النوم .

وأصبح الصباح ، ودبّت الحياة في الشقة ، وراح الأولاد يهرونون
ويصيرون قبل أن يغادروا الدار إلى المدرسة ، وحملت نبيلة حقيتها
وأسندتها على عجزها ، وقبل أن تصرف ألفت أحلام تماماً القلل وهي
سامحة ، فدنت منها وقالت :

— والله ح يسجي . بس مش ح يسجي الصبح . ح يسجي لما يخلص
شغله .

وغادرت المطبخ وهي تصيح :

— ماما .. ح أنا خر العصر ، عندنا بروفه لحفلة التمثيل .

وقالت الأم وهي تقوم بلم ما بعثره الأولاد قبل خروجهم من ملابس

وأوان وفات خيز وقصاصات ورق :

— والله ما أنا عارفه التمثيل ده لزمنه إيه !

ولم تحفل نيلة باعترافها ، وانطلقت كالطيف على أطراف أصابع
قدميها ، ودوى في أذنها صوت بوق السيارة ، فقالت وهي تجري :
— أنا نازله . العربية جت .

وشقق الباب خلفها .

وخلت الشقة من الأب والأولاد ، ولم يبق بها إلا الأم وأحلام
وهالة ، أما عاطف فقد كان في طواوه اليومي على شقق الجيران .

وانتهت أحلام من عملها اليومي الرتيب ، وبدأت في كي ثوب من
ثيابها ، واقتربت أمها منها وهي تحمل هالة وقالت لها :
— لما يجي جلال أنا اللي ح اخش له .

فقالت أحلام ، وقد رفعت المكواة عن الثوب :

— ليه ؟

— مش ح تعرفي تكلمي ، أنا اللي ح اعرف أكلمه .

وخشيت أحلام أن تخرج أمها شوره ، أو تسيء إليه من حيث لا
تلوي ، وتسبب لها المتاعب فقالت لها :

— أرجوكى يا ماما تسيبى الموضوع ده ليه .

فقالت لها أمها في تهديد :

— بقى اسمعى . لو قرش ملختك مره ، ح يقرشها على طول . ح
تبقى هفيه .

— ما تخافيش .

وراح الوقت يمر وئيداً وئيداً ، وعاد الأولاد من مدارسهم ، وجاء الزوج . ومالت الشمس للغيب ، ولم يأت الحبيب ، فطفقت أحلام تغدو وتروح في الشقة في قلق شديد ، كانت كلما سمعت صوت وقوف سيارة تهرع إلى النافذة تنظر وهي تأمل أن يكون جلال جاء في رفقه شقيق ، ولكن سرعان ما يتبدد الأمل ، ويستبد بها يأس مرير .

ودق جرس الباب الخارجى ، فخفق قلبها في شدة ، ولفها اضطراب ، وراحت دمائها تتدفق حارة في عروقها ، وخافت إلى الباب ووقفت لحظة تصلح هنديها وشعرها ، ثم مدت يدها تفتح الباب في تؤدة ، كانت أشبه بمقامر يفحص ورقة في حرص ، خشية أن يفجع فيه . ولمحت جلالاً ، فاشتد وجيب قلبها ، وربما اضطربتها وأحررت وجنتها ، ولكنها فتحت الباب على مصراعيه وقالت في فرح :

— أهلاً وسهلاً .. افضل .

وذهب إلى غرفة الاستقبال ، وقال جلال قبل أن يجلس :

— تقدرني تقولي لي مشيتني أمبارح ليه ؟

فقالت في اضطراب :

— يعني ما انتش عارف ؟

— لا مش عارف .

— لما لقيتك سبتي ومشيت اضطربت أمشي .

— سبتك ومشيت !

— بصيت ما لقيتكش جنبي . ما قلتليش رايح فين ..

— هو انتي استعبينى علشان أكلمك .

— كنت اقف فين والناس عماله ترق في بعضها ؟

— طب ولما ندحت عليكو وانتو في الأنوبيس وديبي وشك الناحية
الثانويه ليه ؟ أنا مش فاهم إيه اللي زعلك .

— عايزني أفرح لما تسيني وتكلم واحده تانيه ؟

— ماتقوليش سبتلك ، واحنا ماشين واحده كانت زميلتى في الجامعه
شافتني ، ندحت على يا دوب رحت لها ، والتفت علشان أقدمها لك ،
بصيت ما لقيتكش .

ودنا منها وقال لها :

— مشيتى ليه ؟ غرقى !

فقالت وهي تشيع بوجهها عنه في دلال :

— اللي يحب لازم يغير .

ثم عادت ونظرت إليه في إغراء ، وتعطلت لغة الكلام وتحاطبت
العيون ، فلف ذراعه حولها وقبلها قبلة طويلة حارة .

وأقبلت سوسن ورأتهم وهما يتعانقان ، فصاحت وهي تهم بالعدو :

— ماما .. ماما .. الحشى .

وانفصلوا في فزع ، وفي مثل لمح البصر جرى جلال خلفها حتى لحق
بها ، فأمسكها ووضع يده في جيئه وأخرج قطعة نقود ، دسها في راحتها

وقال لها :

— خدي اشتري حاجه .

وفتح الباب ودفعها منه ، وضر بها على مؤخرتها ، ثم أغلق الباب وعاد إلى غرفة الاستقبال وهو يزفر في راحة .

وجاءت الأم تسعى ، وخلفها زوجها ، ودخلتا غرفة الاستقبال فالفيأ أحلاهما وجلاً يتناجيان في ود ، فصافحا جلاً وجلسا ، وراح الزوج ينظر إلى زوجه وعلى شفتيه بسمة ، وفي عينيه كلام ، لو ترجم لكان : « مش قلت لك . ماتحشريش بينهم ، سببهم يصفوا مشاكلهم لوحدهم . شفتى ا جالك كلامي ! ». وراح جرس الباب يرن رنينا متصلًا ، فقالت الأم :

— نفسي سوسن ما تجطش إيدها ع الجرس على طول ، هي فاكره البوابين واقفين ورا الباب ؟

وسمع صوت فتح الباب ، واندفاع سوسن وهرجها ، وما أن وصلت إلى الغرفة حتى صاحت :

— ماما .. ماما الحقى .

واتسعت عينا جلال رعبا ، وأطربت أحلام خجلا ، ثم قامت لتغادر الغرفة قبل أن تشي سوسن بها ، واستشعرت عرقا باردا يتقصد من وجهها ، وخيل إليها أن لونها قد غاض ، وقالت الأم :

— فيه إيه ؟

قالت سوسن :

— عاطف شحت بر تعاله من الجيران .

من قلت لك : ما تجعشه بشئون ..



وارتحت أحلام في مقعدها ، وزفر جلال في راحة ، وهو يوسع خناق الكرافاتة ، وأقبل عاطف وهو يحمل البرتقالة ، وقال في صوت ثابت ، لا أثر للخوف عليه :

— أنا ما شحتش .

وقال له أبوه :

— أمال مين ادھلك ؟

— هم ماددو هاليش كده ..

— أمال ادو هالك ليه ؟

— عشان جيت لهم سجاير .

فابتسم جلال وقال :

— ماييقاش شحتها ، خدتها أجرة المشوار .

وجلست سوسن ، وراحت تنقل بصرها بين جلال وأحلام ، ثم تضحك وتخفى وجهها في راحتها ، وخشيت أحلام أن تسألهما أمها عن سبب ضحكتها . فتبين بالسر الذي تشتهر أن يكشف ستره ، فأشارت إليها يدها أن تأتني ، فذهبت إليها ، فأسرت أحلام في أذنها أن في درج ملابسها قطعة شيكولاتة عليها أن تأخذها على ألا تعود حتى ينصرف جلال .

ودوى صوت كلاكس سيارة ، فقال جلال :

— ده شقيق إيه اللي جايء ؟

فقال حسين وهو ينهض :

— خلية يفضل .

ولم يتحرك جلال ، وأسرع حسين إلى النافذة المطلة على الطريق .
وأطل منها وقال :

— افضل .

وقال شفيق وهو في السيارة :

— جلال موجود ؟

— أيوه . افضل .

وصعد شفيق ، وقال لجلال وهو يصافح الموجودين :

— رحت لك البيت مالقتكش ، سألهem رحت على فين ، قالوا ما
يعرفوش ، قلت لروحى ضروري ح بيجى على هنا . ح بروح فين ؟
الرجل تدب مطروح ما تحب .

وجلس شفيق وضحك حسين وقال :

— إنت غاوى أمثال انت راخر ؟

فقال شفيق :

— ده المثل الوحيد اللي اعرفه .

وراح شفيق يقلب عينيه في المكان ، ويشرئب بعنقه ويمد بصره إلى
الردهة ، كان يبحث عن نبيلة ، وهم أكثر من مرة أن يسأل عنها ، ولكنه
كان يكبح جماح نفسه .

ولاحت نبيلة في الطريق مقبلة ، وقد وضعت حقيبة كتبها على
عجزها ، ولمحت سيارة شفيق من بعيد ، فجعلت تتفرس فيها ، حتى إذا

ما تيقنت منها وسعت من خطوها ، ولو طاوعت نفسها الراحت تعود في الطريق .

وبلغت الدار ، فألقت على السيارة نظرة ، ثم دلفت إلى مدخل السلم ، وأخذت تصعد في الدرج قفزا ، ووجدت باب الشقة مفتوحا فانسابت منه إلى غرفة الاستقبال .

وترىشت قليلا تلتقط أنفاسها ، وأخرجت من حقيبتها مشطا وراحت تسرح به شعرها ، ثم تقدمت وقالت :

— السلام عليكم .

فقال جلال وشقيق :

— وعليكم السلام .

وتقدمت تصافحهما ، صافحت جلال في عجل ، وبقيت يدها في يد شقيق برهة ، وقالت الأم :

— جيتى يايه ، يعني ما سمعناش صوت عربية المدرسة ؟

— جيت في الأتوبيس ، مش قلت لك الصبح عندنا بروفه لخفلة التشيل ؟

— لو قلتني انك ح تيجي في الأتوبيس كنا بعثنا لك سامي .

— وفيها إيه يا ماما لما آجي لوحدي في الأتوبيس ؟

— يا بنتي ما بقتش صغيره .

ووجد شقيق الفرصة سانحة ليشترك في الحديث ، فقال :

— أمال لما ح تروح الجامعه ح تروح في إيه ؟

فقالت الأم في استكثار :

— الجامعه ! كلها السنن دى وتقعد في البيت .

فقال شقيق في ارتياح :

— أحسن .

فقالت نيلة :

— أنا لازم أروح الجامعه ، وايقى دكتوره . ما تتكلم يا بابا .

— ناخذ رأى الموجودين . إيه رأيك يا جلال ؟

فقال جلال وهو ينظر إلى أحلام :

— أنا رأى قلته عملى .

وابتسمت أحلام ، وسرت الأم ، كانت تخسب أن الأمر لا يخرج عن معركة بينها وبين ابتها ، ينبغي أن تفوز فيها تحفظ كرامتها .

وقال الأب :

— وانت يا شقيق رأيك إيه ؟

— أفضل في البيت واحده عندها حلوه ، اتعلمت كفايه ، عن دكتوره عندها مضمضه ونضاره تخن كده .

وبالغ في سبك النظارة عندما أشار بأصبعيه ، حتى أن نيلة ابتسمت ، على الرغم من أن الرد لم يكن في صفتها .

وقالت :

— ضروري كل دكتوره تكون لابسه نضاره تخن كده !

وأقبل سامي وهو يحمل الكلب على ذراعه ، ووقف بعيدا يصغي إلى

الحديث الدائر ، وقال شفيق :

— إن ما كانتش نضارتها تخن كده بيكون وشها كرمش ، شوف
بتقعد كام سنه في الكليه .

وقال جلال :

— من رأى يعملا كشف هيه على البنات اللي تروح الجامعه ، وما
يسمحوش إلا بدخول الوحشين بس ! .

قال سامي نبيلة :

— خلاص . ضمتى إنك تخشى الجامعه .

والتفت نبيلة إليه في غضب وقالت :

— ليش حشر العيال في الكلام ده ؟

فقالت الأم في زجر :

— وبعدين معاكم .. لازم تتناقروا . روحي يا نبيلة غيري هدوتك
وتعالي .

وغادرت نبيلة الغرفة وهي تنظر إلى سامي شدرا ، وانطلقت إلى
غرفتها ، وراحـت تخلع ثيابها ، وترتدى ثوباً أخذاً ، وقبل أن تكمل
زيتها تذكرت شيئاً ، فأسرعت إلى غرفة الاستقبال وشعرها منفوش ،
وقالت :

— بابا ، حفلة التمثيل بعد بكرة ، ضروري تحضرها .

قال الأب :

— ياريت ، مش فاضي ورايَا شغل .

فقالت نبيلة في عناب :

— هو كل سنه ما يخلاش الشغل إلا يوم حفلة التثليل ؟
— عندى لجنة .

فالتفت إلى أمها وقالت : وانت يا ماما وراكي إيه ؟
— ولا حاجه .

فقالت نبيلة في فرح : خلاص . ح تيجي أنت وأحلام وجلال .
ثم التفت إلى شفيق وقالت :
— وانت .

قال شفيق :
— حاضر .

— الحفله ح تبتدى الساعه اربعه .
وقال شفيق وهو يلتفت إلى الأم :
— أقوت عليكوا أنا وجلال الساعه ثلاثة ونص .
فقالت الأم :

— لا تيجو تتغدو معانا وتنزل سوا .
قال جلال :

— معلش . اعفونا من حكاية الغدا دي .

قال شفيق :
— لا . ح تيجي تتغدو بس بشرط .
فقالت الأم :

— إيه هو ؟

قال شفيق :

— انكم تيجوا كلکم معايا العزبه يوم الجمعة ، نقضى اليوم كله هناك .

قال الأب في استنكار :

— نيجي كلنا ؟؟ إزاى ؟

— المسافه قرييه ، ح افوت عليكم الساعه سبعه الصبح وآخدكم في العربية .

قال الأب في سخرية :

— با اعقل ، مالك ومال الشبكه دى ؟

قال شفيق وهو يتسم :

— أنا وأنا بكمplete عقل ، باعزمكم يوم الجمعة ومصمم على العزومه دى .

قالت الأم وهي تهز كتفها :

— إيه . ذنبك على جنبك .

وقال الأب :

— على نفسها جنت براقتش .

الفصل الثالث عشر

شرعت الأم في دس قدمها في الجورب التاليون ، وراحت تعالجه في حرص شديد ، كأنما نسج من خيوط العنكبوب ، ولما تم لها لبسه ، انتصبت واقفة ، ودارت بعجرها ونظرت لتطمئن إلى استقامة خط الجورب الخلفي ، وإذا « بسوزي » يقفز من فوق السرير ، ويهرع إليها ويشب على ساقها فتشتب أظافره في الجورب وتمزقه ، فدفعته بقدمها في غيظ وهي تقول :

— كنا ناقصينك أنت راخر .. يا سامي .. يا مراد .. تعالوا خدوا الكلب ده من هنا .

وأقبل سامي ، وقال :

— فيه إيه يا ماما ؟

— خد الكلب ده اللي من يوم ما جه ما شفنا يوم راحه .

فقال سامي وهو يتحنى ليحمله :

— عمل إيه بس ؟ داراجل طيب .

فقالت وهي تخلي الجورب وتنظر فيه :

— قطع الشراب اللي لسه تمنه ما يردش ، وأمبارح طلع قطن الكتبه ، وأول أمبارح نزل الشارع مع عاطف جه وسخ البياضات كلها ، وما زاد (أم العروسة)

وعاد إلا نومته على السرير على طول ، هي بقت شقنا ، دى بقت شقة
أبوه .

وجاء حسين وقال :

— أبوه مين بس ؟ هو فيه أبو حد هنا غيري ، باللا ، انتى لسه ما
لستيش ؟ الناس قلقوا .

فقالت وهي تشير في غيظ إلى الكلب :

— ما هو السبب ، هو اللي عطلني .

— دا انتى بتلبسى من بعد الغدا ، الساعة بقت ثلاثة ونص ، فاضل
نص ساعة ع الحفله .

— أنا خلصت فهو .

والتفت إليه وقالت :

— إنت ح تنزل امتي ؟

— الساعة ستة .

— طب إن صحيت هاله لبنيها عندك في التلية ، ولما تيجي تخرج
سلمها لسامي .

وتلفت وقالت :

— أمال فين مراد ؟

فقال سامي :

— ييداكر .

ونادت الأم :

— مراد .. مراد .

وجاء مراد في يده كتاب إنجليزي وفي خده وشفيه أثر حبر ، فقالت له :

— أنا مش فاهمه ، إنت بتشرب الحبر ؟ إيه الحبر دا اللي في بفك ؟.

قال وهو يسمع فمه بيده :

— كنت باحل الحساب ، وأنا بافكر نسيت وحطيت سن القلم في بقى .

واقرب خطوة وقال :

— تعرف يا ماما أنا صعبان على قوى الأولاد الإنجليز الصغارين .
— ليه ؟

قال وهو يرفع الكتاب الإنجليزي في يده :

— إزاي ينطقوا الكلام الإنجليزي الصعب ده ؟
قالت له أمه :

— ما يصعبش عليك غالى .

وقال له أبوه :

— والله انت اللي صعبان على .

ثم التفت إلى الباب وقال :

— واللى مستعين بره صعبانين على رونرين .

قالت الأم :

— أنا خلاص لبست أمه .. خل جلال وشفيق وأحلام يسبقون ع العربية ، وأنا نازله على طول . وابت يا سامي خد آخرك وع المطبخ

اغسلوا الأطباق ، وشيلوهم محلهم .

فقال سامي :

— أمال ح نذاكر إمتي ؟ ماتجيبيو الكس خدامه تغسل الأطباق وتكتنس
وتمسح .

فقالت الأم :

— إن جينا بنت ح ندفع لها أجورها مال الفلوس اللي بتروحوا ليها السينا ،
واللي بتركبوا ليها عجل .

فقال مراد وهو يضع كتاب الإنجليزى على التواليت :

— لا . دا احنا نغسل الأطباق قوى ، ونلحسها بلسانا كان .

وخرج سامي ومراد من الغرفة ، وسمع صوت مغادرة أحلام وجلال
وشقيق الشقة ، والتقى الوالد ومراد وسامي في المطبخ ، وإذا بالأواني
والصحاف والشوك والسكاكين والأكواب مكدسة في انتظار من
يتفضل بغسلها .

ووضع سامي الكلب على الأرض ، فأسرع يلعق الصحاف ،
وارتدى سامي « فوطة » المطبخ ، وشعر عن ساعده ، بينما راح مراد
يحمل الأواني على صدره ، دون أن يخلف بشيابه .

وجاء عاطف يصيح ، وفي يده غصن شجرة ، يضرب به الأرض :

— جلال وأحلام رايحين فين ؟ أروح معاهم .

خرجت الأم من غرفتها بعد أن اطمأنـت إلى أناقتـها ، والتقتـ بعاطـف
في الردهـة ، وما إن وقع نظرـه علـيـها حتى قال :

— وانتي خارجه معاهم ؟ وأنا ح اروح معاك .

فقالت له الأم وهي تبعد يديه عن ثوبها :

— خليلك هنا ، وح اجيب لك حاجه حلوه .

— ح تخبي لي إيه ؟

— ح اجيب لك عروسه .

— لأ . أنا مش عايز عروسه ، أنا عايز عريس زى أحلام .

فقالت له وهي تبتسم :

— إنت راجل . تيجي لك عروسه .

— لأ . أنا عايز عريس ، عريس يو كبني أوومبيل .

— طيب . بس اسكت ..

وهفت بالخروج ، وإذا به يعترض طريقها وقد بسط ذراعيه يحول بينها وبين السير ، وغضن الشجرة يسد الطريق :

— مش ح تنزلي إلا لما تدیني قرش قبله .

وفتحت حقيبة يدها ، وأخرجت منها قرشا ودفعت به إليه وانطلقت في سبيلها ، وهي تنظر إلى المطبخ وترى زوجها وسامي ومراد منهعكين في غسل الأواني والأدوات .

وهيقطت إلى الطريق ، وتقدمت إلى السيارة ، فإذا بجلال قد جلس خلف عجلة القيادة وأحلام إلى جواره ، ووقف شفيق عند الباب وقد فتحه يتظاهر كويها ، فصعدت إلى المقعد الخلفي ، وصعد شفيق في أثزها ، ثم انطلقت السيارة بهم .

. وبلغوا المدرسة ، وراحوا يصعدون في درج دائري ، ورأت
الطلابات أحلام فخف إليها بعضهن يصافحها ، وإن كانت عيونهن
تغرس في جلال وشفيق .

ودلفوا إلى قاعة واسعة ، أقيم المسرح في صدرها ، وصفت فيها
كراسي خيزران ، فاتجهوا إلى الصنوف الأمامية ، والأنظار تتبعهم ،
كانت الطالبات في شوق إلى معرفة خطيب أحلام ، فلما جلس أحلام
والي جوارها جلال ، سلطت الأنظار عليه تفحصه من قمة رأسه إلى
أخمص القدم .

وراحت مدرستان تديغان النظر إليهم ، ومالت إحداهما على الأخرى
وقالت :

— الثاني أحل من خطيبها .

— والنبي ياختى رانحر شربات . ما وحش الا قلته .

ونهضت ، وراحت تصلح هنداها ، فقالت لها زميلتها :

— على فين ؟

— رايده أسلم على أحلام ، واتفرج .

فنهضت الثانية وقالت :

— خدينى ياختى معاكى .

وانطلقتا إلى أحلام ، فلما رأتهما ارتبكت ، وقامت تحية لهما ، وقد
توردت وجنتها بلون الورد .

وقالت الأولى :

— إزيك يا أحلام ؟

— الله يسلّمك يا أبله منيره .

وقالت الثانية :

— سنه طويله ما حدش يشوفك ، يخونك العيش والملح .

— والله ما باخر جش يا أبله وداد .

وسكن اضطرابها ، فالتفتت إلى أمها وقالت تقدمها إليهمما :

— ماما .

— أهلا وسهلا .

وقالت وداد متسلقة :

— والله ما افتكرناهاش ماما ، افتكرناها اختك الكبيره !

وأرضي ذلك الملك غرور الأم ، فقالت :

— الناس كلها بتتفكر كده .

وقالت أحلام وهي تشير إلى جلال وشفيق :

— جلال والأستاذ شفيق .

ومدت المدرستان أيديهما ليتمتعا بالتصافحة ، وعيونهما تتجول في وجهي الشابين ، وقالتا :

— اتشرفنا .. فرصه سعيده خالص .

وقالت منيرة :

— أحلام دى .. دى .. دى اختنا .

وقالت أحلام وهي تشير إلى مقعدتين خاليتين إلى جوارهما :

— ما تتفضوا جنبنا هنا .

— متشرkin ، إنت عارفه ما نقدرش نقعد النهارده في حته واحده ،
أورفوار مؤقتا .

وانصرفنا وما إن ابتعدتا عنهم ، حتى قالت منيرة في مرارة :

— بنت أمبارح بقت عروسه النهارده ، أمال احنا مالنا .

فقالت وداد وهي تخصيص بشفتيها :

— قسم .

ثم رفعت بصرها إلى السقف وقالت في ابهال :

— يا رب ارزقنا بقى بعدلنا .

فقالت منيرة :

— إن شاء الله يا وداد يا اختي . من بقلك لباب السما .

وراح جلال يتفرس في المسرح ، فألفاه مكونا من موائد المطعم ،
وقد شدت جوانبه بالخيش ، أما الستارة فكانت من مفارش سرر شبک
بعضها إلى بعض بدبابيس إبرة ، والتفت إلى أحلام وقال :

— أظن انتم ساهمتوا في بنا المسرح ده .

فقالت أحلام وهي تبتسم وتشير بأصبعها إلى الستارة :

— طبعا ! مفرش السرير الثالث ده بتعاننا .

وقالت لها أمها همسا :

— نفسى يا أحلام ما تشوريش بصباعك وانتى بتتكلمي .

فقالت لها أحلام :

— يا ماما انتي نفسك في حاجات كبير ، مش ممكن تتعمل .
وظهر الميكروفون أمام الستارة ، فقال شفيف في تأوه :
— آه . ح نشرب أكبر مقلب ، الخطبة ، نفسى يطلع قانون بحرب
الخطابة في الخفلات .

فقالت أحلام وهى ترنو إلى جلال في حب :
— كلهم نفسهم مفتوحة النهارده ، عمالين يتمنوا ، ماما قالت
نفسى ، وشفيف قال نفسى ، وانت ما نفسكش في حاجه ؟
فقال وهو ينظر إليها في حب :
— نفسى في حاجات كثير قوى .
— نفسك في إيه ؟ قول .

فقال وهو يرمها بطرف عينه في خبث :
— ما أقولش ، وان كنت عارف انك عارفه اللي نفسى فيه .
وأسفلت جفنيها دللا ، ورفت على شفتها باسمة عذبة ، واقترب
رأسه من رأسها ، وإذا بصوت الناظرة في جنبات القاعة ، فيفيقان من
حلم لحظتها .

وراحت الناظرة ترحب بالمدعويين ، في أسلوب متحدلق . فمال
شفيف على جلال وقال :

— أراهن إن اللي كتب الخطبه دي مدرس لغه عربيه عتيق .
فقال له جلال :

— أمال ح يكون مدرس انجليزى !

— مش قصدى . قصدى انه مدرس بهم باللفظ بس بيفضل اللفظ
الرنان ولو شوه المعنى .
وقالت أحلام :

— اللي بيكت الخطب كلها أبو الأسود الدؤلي .
— يدوب كده ، بابن على الخطبه إنها من أيام سيدنا على .
وضحكت أحلام وقالت :
— مش أبو الأسود بتاع أيام سيدنا على ، دا الشيخ اللي قاعد هناك
ده ، البنات مسمينه كده .

ونظر جلال وشفيق إلى حيث أشارت أحلام ، فإذا بشيخ معمم
يصغى إلى الناظرة في انتباه ، وهو يهز رأسه إعجابا ، كأنما يصغى إلى
مطربة ، فقال شفيق في حماسة :

— مؤكدة هو اللي كاتب الخطبه دى ، لأن كل كلمه فيها لابسه عمه
وكاكولا .

— وانتهت الناظرة من خطبتها ، فصفق شفيق في شدة ، وقال له
جلال :

— إيه الإعجاب ده ؟

— ده إعجاب بأنها خلصت الخطبه .

وفتحت الستارة ، وإذا بطالية في ملابس « بلياتشو » فضج الفتيات
بالضحك . فراحت ترقص حاجبيها ، ثم قامت ببعض ألعاب بهلوانية .
وقفزت إلى أعلى ، فإذا بها ترتفع حتى وصلت إلى سقف الغرفة ، كان في

وسطها حبل متصل ببكرة حديد قرب السقف ، فلما قفزت جذب بعض زميلاتها الخفيات خلف المسرح طرف الحبل الآخر .
وبقيت متعلقة في الهواء ، وتحرك ساقيها وذراعيها في حركات مضحكه ، بين ضجيج المدعرين وضحكهم .

وأغلقت الستارة ، و DOI التصفيق ، ففتحت الستارة ثانية ، وأرخي الفتنيات الخفيات خلف المسرح الحبل قليلا ، ثم جذبته ثانية فبدت الفتنة كأنها تسخنى للمصففين ردا على تحبيتهم ثم تتصب قائمة .
وسرى في القاعة هههة ، بعد انتهاء ذلك المشهد ، وارتفعت الضوضاء ، وإذا بدقائق متابعة على خشبة المسرح تعلن بدء المشهد التالي ، وفتحت الستارة واتبعثت من الفونوغراف موسيقى راقصة ، وظهرت على المسرح فتيات في ثياب قصيرة يرقصن في ساقائهن وأفخاذهن ، ورحن يرقصن على الأنعام ، وحملت الأم فهن وهن ينطيلن ، كانت تبحث بعيونها عن نبيلة وهي مبهورة النفس ، وفي وجهها قلق وضيق .

ودخلت نبيلة المسرح وحدها تسير على أطراف أصابع قدميها لتقدم الجموعة ، كانت في ثوب وردي قصير غاية القصر ، وكان صدرها عاري ، ولا يستر ساقيها وفخذيها إلا جورب أبيض قصير ، وطرف الثوب الذي كان على شكل دائرة .

وشهقت أمها في صوت خافت :

— يادى الفضيحه !

ولم يلتفت أحد إلى اعتراضها ، كان شفيق يرمقها في إعجاب ، وقد فخر فاه ، وراح جلال يرقب الرقصة في شغف أما أحلام فقد راحت تهز رأسها في نشوة .

وتحركت الأم في مقعدها في ضيق ، وقالت :

— ليه نبيله تعمل كده ؟

فقال شفيق في نبرات حالمه :

— مدهشه .

وتألق ضوء خاطف ، وقالت الأم في فزع :

— صورها أ تبقى نايه لو نشر صورتها في مجله وهي بالشكل ده .

مش ح تتجاوز أبدا ، قوم يا جلال هات الصوره منه .. دى فضيحة ..
ح يضيع مستقبل البنت ، مش ح تتجاوز أبدا .

فقال شفيق ، وهو يحملق في نبيلة ويتبعها بعينيه :

— اطمئنى ما تخافيش ، أنا هنا .

وحسبت الأم أن شفيقا يعندها بأنه سيستولى على الصورة وينزع نشرها ، فقالت له :

— ربنا يسترك .

وانتهت الرقصة ، وأقلت الستارة ، وأقبلت المدرسات على الأم يصافحنها ويهنئنها :

— مبروك .. يا سلام على نبيلة . كانت مدهشه .

وراحت الأم تحملق فيهن وهي في حيرة من أمرها ، وجاءت نبيلة

بملابس الرقص ، والفتيات يرمي ملابسها في حسد ، ويقلن :

— إيه ده كله ؟ .

وابتسمت في زهو ، وتحتها أمها فصاحت فيها :

— وجاهه عريانه ؟ مش مكسوفه ؟ ياللاع البيت ياللا .

وخف إليها شقيق وقال لها وهو يصافحها :

— مدحشه .. جنان .

فقالت الأم في ضيق :

— صحيح جنان ، واللى يطاوعكموا يستاهل أكثر من كده ..

والتفت شقيق إلى الأم وقال لها :

— إنت زعلانه ؟

— أمال عايزين أفرح ؟

— إيه اللي مزعلك .

— عاجبك كده ؟ عاجبك واقفتها عريانه !؟

والتفت إلى نبيلة وقالت في عزم :

— نبيلة .. روحي البسي هدومك وباللاع البيت .

وانسحبت نبيلة ، وقالت أحلام لأمها :

— مش حتفعد لآخر الحفلة !؟

فقالت الأم :

— ع البيت على طول .. يا نبيتى لو طلعت الصوره في الجرانين ح
يتوقف حالها . مش حتجوز أنها .. مين اللي يرضى يتجوز واحده

عريانه بالشكل ده ؟

فقال شفيق وهو يتسنم :

— ما قلت لك اطمئني أنا هنا .

وفهم جلال وأحلام ما يرمي إليه فابتسم ، أما الأم فلم تفهم قصده ،
وقالت في ضيق :

— ما قلت لي اطمئني قبل كده ، ولا جبت الصوره ولا حاجه ، وأهو
المصوراتي دائير يصور في البنات ، أروح أنا أجيبها منه ؟
وتفقن شفيق أنها لم تفهم غرضه ، وأراد أن يرضيها فقال لها :
— أنا راجح للمصوراتي أجيب الفيلم منه .

وذهب إلى الرجل واتفق معه أن يبعث إليه بصورة نبيلة في حجم
كبير ، والصورة السلبية ، وأعطيه عنوانه ودفع له القيمة مقدما .
وأقبلت نبيلة بعد أن استبدلت ثيابها ، وما إن رأتها أمها حتى قالت
لها :

— ع البيت قدامي .

وسارت نبيلة وشفيق وأحلام وجلال وانطلقت الأم خلفهم وهي
تغمغم :

— دا مجانون اللي يسيب بناته على حل شعرهم .. قال على رأى المثل :
« كنا في جره وطلعنابرء » .

الفصل الرابع عشر

استيقظ الأولاد مبكرين ، وراحوا يغدون ويروحون في الردهة
مسرعين ، هذا يخلع ثيابه ليرتدى ثياب الخروج ، وذاك يمشط شعره وهو
يدور بعينيه في المكان ويقول :
— أمال الجزمه فين ؟

وذهبت نبيلة إلى الساعة ونظرت فيها ، ثم اتجهت إلى غرفة أبيها
وطرقت الباب في رفق وهي تقول :

— اصحوا بقى ما فيش وقت ، زمان شقيق جاي .
وقالت الأم من الداخل وهي راقدة في فراشها :
— افتحي وخدى هاله لبسها .

وفتحت نبيلة واتجهت إلى سرير هالة وحملتها وقالت لها مداعبة :
— تعالى يا متى عشان تروحي العزبه ، ياللى عمرك ما شفتى عزبه .
فقالت لها أمها :

— يعني انتى اللي شفتيا ؟
— طبعاً شفتها .
— شفتيا فين بقى ؟
— في السينا .

وغادرت نبيلة الغرفة وقال الزوج :

— يا لله ما فيش وقت يا دوب تلبسي .

ونهضت وهي تسمطى ، وتركـت الغرفة ، فـالـفت أحـلامـ قد اـتـهـتـ منـ عـاطـفـ ، وـبـدـأـتـ فـيـ تـمـشـيـتـ شـعـرـ سـوـسـنـ ، فـقـالـتـ :

— ما فيـشـ خـروـجـ قـبـلـ الشـقـةـ ماـ تـنـضـيـفـ .ـ سـامـعـينـ ؟ـ

فـقـالـ مرـادـ :

— أناـ حـاـكـنـسـ الأـوـدـهـ المـفـرـوـشـ ..

وـقـالـ سـامـيـ :

— وأـناـ حـاـمـسـ اـمـسـحـ المـطـبـخـ .

وـقـالـ الأمـ :

— وـأـنـتـيـ ياـ نـبـيلـةـ أـعـلـىـ القـلـلـ وـحـطـىـ هـدـومـ هـالـهـ فـيـ شـنـطـتـهاـ ،ـ وـمـاـ تـنـسـيـشـ تـاخـدـىـ هـدـومـ لـعـاطـفـ وـمـرـادـ .

فـقـالـتـ نـبـيلـةـ وـهـيـ تـبـدـلـ ثـيـابـ هـالـةـ :

— حـاضـرـ .

وـدـلـفـتـ الأمـ إـلـىـ الـحـمـامـ وـهـيـ مـسـرـورـةـ ،ـ لـمـ تـسـمـعـ اـعـتـراـضاـ ،ـ وـلـمـ تـرـ تـذـمـرـاـ ،ـ كـانـواـ جـمـيعـاـ سـامـعـينـ مـطـيـعـينـ .

وـذـهـبـ عـاطـفـ إـلـىـ أـيـهـ وـهـوـ يـحـمـلـ كـلـهـ ،ـ وـقـالـ لـهـ :

— ياـ بـاـباـ اـحـناـ رـايـحـنـ العـزـيـهـ ؟ـ

— أـيـوهـ .

— وـحـ نـاخـدـ سـوـزـىـ مـعـانـاـ العـزـيـهـ ؟ـ

— أيوه .

— الا يا بابا العزبه يعني إيه ؟

وحك الأب رأسه يظفره ، وشد يفكير برهة ثم قال :

— العزبه يعني بيت كبير حواليه غيطان .

— غيطان يعني إيه يا بابا ؟

— يعني جنينه واسعه تزرع كوسه وكرنب وبرتقال وموز وكل المصار والفاكهه اللي بتأكلها .

— آه .

فقال الأب وهو يعبث في رأسه في حنان :

— عايز حاجه تاني ؟

— أيوه . عايز قرش .

ومد الأب يده في جيب البنطلون وناوله قرشا ، فأطبق عاطف يده عليه وقال :

— وسوزى عايز يضيع .

ودفعه أبوه في رفق يخرجه من الغرفة وهو يقول له :

— بره يا بكاش .

وخرج عاطف من الغرفة وهو يضحك ضحكة تم عن مكر ودهاء ،
وعادت الأم ، فقال لها حسين :

— شهلي شويه ما فيش وقت ..

— دنا حليس قبلك .

(أم العروسة)

ووقفت تفكير برهة ، ثم قالت له :

— قل لي أليس إيه ؟

فقال وهو يطروح ذراعه في حنق :

— أوه . إنت لسه ما فكرتيش ح تلبسي إيه ؟ يبقى مش ح نخرج قبل
الضهر . البسي أي حاجة ، انتي رايحه فين يعني !
وفتحت الصوان وراحت تقلب ثيابها لتختار منها ما ترتديه ، وهى
تقول :

— أنا عارفة أوتومبيل إيه ده اللي ح يساعدنا كلنا ! .

وأقبلت نبيلة تحمل حالة ، وجاءت أحلام وقد تأهبت للخروج

ونظرتا ثم قالتا معا :

— لسه ما لبستيش يا ماما !

— ناولوني الجزمة .

— حاضر .

— طلعي لي يا أحلام الشراب الأسود .

— حاضر .

— جهزتني شنطة هاله يا نبيله ؟

— جهزتها . فيه حاجة تانية ؟

وأثلجت تلك الطاعة صدر الأم ، فتحمت أن يصبح ذلك حالمم على
الدoram ، وشاءت أن تنعم بتلك الطاعة الطارئة فقالت :

— روحي يا نبيله شوفي مراد مسح جزمنه وخد مناديل نضيفه واللا

عمل إيه ؟

— حاضر .

وتحركت نبيلا ، وذهبت أحلام وسوسن وعاطف إلى الشرفة ليرقبوا الطريق .

وقالت الأم :

— عيني بارده ع الأولاد النهارده ، إيه اللي جرى لهم ، متشطرين من بدري وكل ما نقول لهم حاجه ، يقولوا حاضر .

— مش فاضيين للزعيق والختاق ، عازيزين يخلصوا . نفسهم يغمضوا ويفتحوا يلاقوا نفسهم في العزبه .

— أنا عارفه ما كانش لك عزبه ليه .

— الحمد لله على كده .

وسمع نداء كلاكس سيارة ، وإذا بأحلام وسوسن وعاطف يقبلون مهرولين يتضايحون ، وبلغت أحلام غرفة والديها فقالت :

— جلال جاب عربيه وشقيق بعربيته .

قالت الأم في راحة :

— أيوه كده ، مش كنا حندس في عربيه زى علبة السرددين !

وقف جميع الأولاد على باب الغرفة يخونون أمهم على الإسراع :

— ياللا يا ماما ياللا يا ماما .

— انزلوا انتو وأنا محصلاكو .

وقال الأب :

— سوسن ومراد ونبيلة وما ماما يركبوا مع شفيق . وأحلام وسامي
وعاطف وأنا تركب مع جلال .

وانطلق الأولاد يعدون في مرح ، وقال عاطف لسامي :

— خد سوزى .

— أنا مالي .

وتناولت أحلام يد عاطف ، وحملت الكلب وانطلقت وكل خالجة
فيها تتعلق بالغبطة والسرور .

وخلت الشقة إلا من الزوجين ، والتفت زينب إلى زوجها وهي في
طريقها للهبوط وقالت :

— يا راجل ليه تفرق بينا ، كنا ركينا سوا في عربته واحد .

— كل واحد منا في عربته عشان ناخذ بالنام العيال .

قالت في دلال :

— قول إنك زهقت مني .

فلف ذراعه حول ظهرها ، وضغط على كتفها البعيدة بيده في حب
وقال :

— مش معقول .. تصدق . متهيألي إننا متجوزين من كام شهر
بس .

— والأولاد دول كلهم .

— أنا عارف جم إمتى ؟

وهبطا إلى الطريق ، فخف إليهما جلال وشفيق وراح يصافحانهما

ونظر الأب فألفى أحلاً ما قد جلست في المقداد الأمامي في العربة الأولى ،
ونبيلة قد جلست في المقداد الأمامي في عربة شقيق ، وقد أعطت هالة
لسوسن ، فقال :

— مراد يركب قدام جنب نبيله .

وقفز مراد في مثل لمح البصر من المقداد الخلفي إلى المقداد الأمامي ،
فأفسحت له نبيلة مكاناً إلى جوارها ، وإن كانت ملامحها تنطق بعدم
رضاهما .

وقال الأب لسامي ، قبل أن يهم بالصعود إلى السيارة :
— سامي . عد أخواتك .

فراح سامي يعدهم ثم قال :
— سته والكلب .

قال الأب في إنكار :

— سته إزاي ! يقروا ناقصين واحد عدهم تاني .

فراح سامي يعدهم مرة أخرى وقال :
— برضه سته والكلب .

وأخذ الأب في عدهم وهو يشير بأصبعه إلى كل منهم ، فلما أشار إلى
سامي فغر فاه ، فقد عرف خطأ نفسه ، وقال الأب :

— مش عارف تعددتهم !؟ سبعه والكلب .

— آه . أصلني نسيت أعد نفسى .

قال الأب :

— مش ناسين حاجه قبل ما نمشي ؟

وقال الجميع :

— مش ناسين حاجه ياللا بقى .

وركب الجميع ، وانطلقت السيارات ، حتى إذا بلغنا محطة بنزين
عرجنا للتزويد بالوقود وأطلت سوسن من نافذة السيارة وقالت :
— بابا .. بابا . أنا ما خدتش قرش . خلية معاك لما نوصل .

وقال عاطف وهو يعطي الكلب لأبيه :

— بابا . خد سوزى شويه .

— حاضر ..

والتفت أحلام إلى أبيها وقالت :

— بابا ما قلتليش . لما فت ع الصايغ قال لك إيه ؟

— قال بعد بكره ح يسلمنا كل حاجه .

وقرعت « بابا » المتناثرة من السياراتين أذن عامل المحطة فاقترب من
النافذة الحالس عندها حسين وقال له :

— اسم النبي حارسهم كلهم ولادك ؟

فقال له حسين وهو يتسم :

— أيوه .. والباقي سبتم في البيت .

فقال له الرجل في رثاء :

— الله يكون في عونك . دنا عندى تلاته عقلى ح يشت .

فقال له حسين في بساطة :

— تلاته يقروا صعب ، لكن لما يزيدوا عن كده أمرهم يهون .
واستأنفت السياراتان رحلتها ، كان شقيق في المقدمة وجلال
خلفه ، وكان السكون مسيطرًا على سيارة جلال ، الأب جالس يبعث
في شعر الكلب عاطف واقف ينظر من زجاج السيارة الخلفي يشاهد
الحقول والترع والأشجار المتعدة على جانبي الطريق وهو مأخذو .
كانت أول مرة يشاهد فيها ذلك الفضاء العريض . ووضعت أحلام
رأسها على حافة المسند وشردت بيصرها ، وهامت في عالم من
الأحلام ، كانت السعادة تغمرها ما دامت بالقرب من جلال .

وضاق سامي بذلك الصمت ، فقال :

— تعرف العزبه يا جلال ؟

— طبعا .

— طب ياللا نطلع من شقيق .

وزادت سرعة السيارة ، وانحرفت إلى اليسار قليلا . واستمرت في
تقدema حتى أصبحت في محاذاة سيارة شقيق فصاح سامي في نشوة :
— هيه .

وشاركه أحلام في صياده ، ثم التفت عاطف وشاركهما في التهليل
ونظر الأب فألفى الأم ناحيته لم يكن يفصل بينهما إلا لوحًا زجاج
السياراتين ، فأخرج لسانه لزوجته ، وانسابت السيارة حتى أصبحت في
المقدمة .

وضائق ذلك ركاب السيارة الأخرى ، فقال مراد :

— ياللا نسبةهم .

وقالت نبيلة :

— ياللا يا شفيق .

ولم تتعرض الأم ، كانت تفكـر في طريقة ترد بها على مداعبة حسين .
واندفعت السيارة في عدوها تنهـب الأرض ، ومرق شـفيق بـمهارـة من
جوار سيارة جلال ، ونبـيلـة ومرـاد وسوـنـ يتصـاحـون مـسـرـورـين أـمـا الأمـ
فقد وضـعـت إـيهـامـها عـلـى آـنـفـهـا وـراـحتـ تـحـركـ أـصـابـعـهـا فـيـ الهـواءـ زـرـاـيةـ
وـسـخـرـيـةـ .

وانسـابـتـ السـيـارـاتـانـ فـيـ طـرـيقـ زـرـاعـيـ ضـيـقـ ،ـ الـحـقولـ الـخـضـرـ مـتـرـاميـةـ
عـنـ يـمـينـهـ ،ـ قـامـتـ بـيـوتـ مـتـواـضـعـةـ مـنـ طـينـ ،ـ وـأـمـتدـتـ التـرـعـةـ عـنـ يـسـارـهـ ،ـ
تـنـدـقـ بـالـأـمـلـ وـالـحـيـاةـ .ـ وـأـحـسـتـ الدـوـاجـنـ وـالـطـيـورـ التـيـ كـانـتـ تـمـشـيـ فـيـ
تـؤـدةـ وـاطـمـئـنـانـ عـلـىـ شـاطـئـ التـرـعـةـ إـقـبـالـ السـيـارـتـينـ ،ـ فـرـاحـتـ تـفـسـحـ
الـطـرـيقـ نـاـشـرـةـ أـجـنـحـتـهاـ وـقـدـ اـرـتـفـعـتـ صـيـحـاتـ الـأـوزـ ،ـ حـتـىـ كـادـتـ تـغـطـيـ
عـلـىـ صـوـتـ السـيـارـةـ .

ونـظـرـتـ الـأـمـ ،ـ فـلـمـحـتـ فـلـاحـاـ مـقـبـلاـ عـلـىـ ظـهـرـ حـمـارـهـ ،ـ يـسـيرـ فـيـ
عـرـضـ الـطـرـيقـ ،ـ فـقـالـتـ :ـ
— حـاسـبـ يـاـ شـفـيـقـ الـحـمـارـ .

وـالـتـفـتـ سـوـنـ ،ـ وـرـاحـتـ تـرـقـبـ الـحـمـارـ فـيـ اـتـبـاهـ ،ـ ثـمـ قـالـتـ :ـ
— مـاماـ .ـ بـاـيـاـ يـيـقـوـلـ لـمـرـادـ يـاـ حـمـارـ لـيـهـ ؟ـ دـاـ الـحـمـارـ كـبـيرـ وـيـمـشـيـ عـلـىـ
إـيدـيـهـ وـرـجـلـيـهـ وـلـهـ دـيـلـ وـوـدـانـ طـوـيـلـهـ !

ومد مراد يده وقبض على ذراعها وقال :

— وبعدين معاكى ؟

ولم تأبه به ، بل قالت :

— ماما .. نفسي أركب حمار .

قال شفيق :

— دلوقت أركبك حمار . ادى احنا وصلنا .

وقفت السيارة أمام باب كبير ، يتوسط سورا من اللبن ، مطلٍ بالجir ، وضغط شفيق في الكلاكس ، وإذا بالباب يفتح وانطلق شفيق في سرير بين الخضراء والأزهار والأشجار العالية ، وجلال في أثره ، حتى بلغ سلام الدار فوق عندها .

وهبطت نبيلة والأم تحمل هالة ، وسوسن وعاطف ومراد وصعدوا في الدرج قليلا ، ثم وقفوا ينظرون إلى فناء الدار الواسع ، وفي وجوههم إعجاب . كانت الأشجار العالية كمردة حراسة على حواقه ، بينما غطت الخضراء المكان ، تخللها مرات نسقت تنسقا بديعا ، ونبتت الورود والزهور في أحواض تحف بها خضراء أزهى من الخضراء التي تغطي المكان جميعا .

وقفت سيارة جلال ، وهبطت أحلام ووالدها وسامي وعاطف يحمل كلبه ، وخف إليهم شفيق وقال :

— حدا الله ع السلامه .

وصعدوا بعض درجات ونظر الأب وقال :

— حاجه جميله .

فقال جلال وهو ينظر إلى شقيق :

— مهندس زراعى ، إن ما كنـش يهندس بيته ، ح يهندس بيت مين ا

وسار شقيق أمامهم و قال :

— اتفضـلوا .

وبلغوا ردهـة تؤدى إلى بعض غرف ، وفي جانبيـها الأيسر درج يقود إلى الطـبقة العـلـيا و قال :

— اتفضـلـوا فوق استريحـوا و أنا و سامي وجـلالـ و عـاطـفـ حـ نـسـرـجـ وـ نـغـيرـ هـدـوـمـناـ هـنـاـ . وـ حـ نـتـقـابـلـ فـ الـجـنـيـنـ تـحـتـ .

وـ صـعـدـواـ فـ الدـرـجـ ، وـ قـدـ اـرـتـفـعـتـ الضـوـضـاءـ ، سـوـسـنـ تـطـلـبـ رـكـوبـ الـحـمـارـ وـ عـاطـفـ يـقـلـدـهاـ ، وـ نـبـيـلـةـ تـحـتـ أحـلـامـ عـلـىـ الإـسـرـاعـ حـتـىـ لـاـ يـفـوتـهـمـ التـقـعـ بـالـيـوـمـ كـامـلاـ .

وـ بـدـلـواـ ثـيـابـهـمـ وـ تـقـواـ فـ الـحـدـيـقـةـ ، وـ قـدـ تـرـكـتـ الـأـمـ هـالـةـ مـعـ خـادـمـ قـرـوـيـةـ ، وـ قـالـ شـفـيقـ :

— تعالـواـ أـفـرـجـكـواـ الـجـنـيـنـ بـتـاعـتـناـ .

وـ غـادـرـواـ الدـارـ ، وـ انـطـلـقـواـ فـ حـقولـ الـفـواـكهـ ، وـ وـراـحتـ نـبـيـلـةـ تـمـلـأـ رـئـيـهاـ بـالـهـوـاءـ ، وـ شـفـيقـ يـسـترـقـ النـظـرـ إـلـيـهاـ ، وـ سـارـ جـلالـ إـلـىـ جـوارـ أحـلـامـ وـ قـدـ أـمـسـكـ يـدـهـ فـ يـدـهاـ ، وـ رـاحـ سـامـيـ وـ مـرـادـ يـعـدوـانـ ، وـ عـاطـفـ وـ سـوـسـنـ يـجـريـانـ فـ أـثـرـهـاـ .

وقـالـ جـلالـ :

— إيه رأيك نمضى شهر العسل هنا ؟

وقالت نبيلة :

— ياريت يا أحلام ، دى جنة .

وقال شفيق :

— اتفضلاوا . العزبه واللى فيها وصاحبها تحت أمركم .

والتقت عيناه بعيني نبيلة ، فاحسست أن حديثه لها ، ففتحت نفسها
ومست أوتار قلبها يد حنونة ، راحت تعرف أنسودة الحب الخالدة .

وبلغوا حدية المانجو . فوقف الجميع ينتظرون فاغرى الأفواه ،
حتى الأب سال لعابه ، ومد شقيق يده وقطف واحدة ، وقال :

— دوقوا مانجينا ، مانجه حلوه .

وهجم الجميع على المانجو ، وغاصت أقدامهم في الطين ، ولكنهم لم
يمخلوا بذلك ، وامتدت الأيدي ، وقطفت الشر المتسلل ، وتلوثت
الأكف والوجنات والذقون وراح عاطف يمسح يديه في صدره ، ونهرته
أمه ، واعتبر مراد فلم يجد يديه إلى ثيابه ، بل راح يمسحها في ورقة من
أوراق الشجر ، فاختلط عصير المانجو بالتراب : ومرر يده على فمه
وذقنه وخديه ، فإذا بوجهه يتلوث بالطين ، وتحته نبيلة ، فراح
تضحك وهي تشير إليه بأصبعها ، وسد الجميع إليه نظراتهم ثم انفجروا
ضاحكين :

واستمروا في تجوالهم ، وفي عودتهم إلى الدار مروا بالحظيرة ، فالفوا
حصانين وبعض أبقار ، وراح شفيق يمرر يده على رقبة الحصان وقال

سامي لأبيه :

— مره يا بابا حكيت لنا إنك ركبت حصان في الهرم وسبقت به
أومبيل . الحصان اهه ، وربنا يا بابا بتركبه إزاي ؟

والتف الأولاد جميعا حول أبيهم وقالوا :

— والنبي يا بابا عايزين نشوفك وانت راكب الحصان .

واتسعت عينا الأب ، وبلغ ريقه ونظر إلى زوجته يتسلل إليها أن
تقدنه ؛ ولكنها أعرضت عنه ، فلم ير مفرا من التهرب والتماس المعاذير ،

فقال :

— مش دلوقت . تعينا م المشى .

فقال سامي :

— والعصر يا بابا بعد ما تستريح ح نحضر لك الحصان .

وقالت سوسن لشفيق :

— عايزه أركب الحمار .

— حاضر .

وأمر خادمه أن يحضر حمارين .

وعادوا إلى فناء الدار وجلسوا على كراسى خيزران صفت فوق
الخشيش ، وجيء بالحمارين ، فهرع مراد وسوسن وعاطف إليهما ،
وركب مراد حمارا ، وركب عاطف وسوسن الحمار الآخر ، وقال
الأب :

— طالع فوق شويه أستريح .

وقالت الأم :

— لما اطلع أنيم هاله .

وانصرف الوالدان ، وذهب شقيق وأحضر فونوغرافا ، وجلس على الحشيش ، فترك جلال وأحلام ونبيلة وسامي كراسيم وجلسوا على الأرض .

وابعثت الموسيقى ، كانت نفس الموسيقى الراقصة التي انسابت يوم حفلة المدرسة ورقصت عليها نبيلة .

ونظر شقيق إلى نبيلة وقد توجت فمه بسمة ، فأطربت نبيلة حياء ، وقال جلال :

— ياللا يا نبيله .

فأدانت وجهها ، وقالت :

— لا .

وقالت أحلام :

— وش كسوف قوى . ياللا .

وقالت لشقيق :

— دور الاسطوانه م الأول .

ونهضت نبيلة ، وبدأت في الرقص ، وتعلقت عيناً شقيق بها ، وراح يمرر لسانه على شفتيه .

وانتهت نبيلة من رقصتها ، وارتمت على الأرض ، وشقيق يتفرس فيها . ونهض جلال وجذب أحلام من يدها ، وقال وهو ينظر إلى

الحمارين :

— تعالى نأخذ لنا دور .

وcameت أحلام ، ونهض سامي وقال :

— وإنما جائى آخذ دور سكان .

وهبط مراد عن ظهر الحمار ، وراح جلال يعاون أحلام على امتطائه ، وهى تميل على صدره وتضحك ، حتى إذا ما استوت على ظهره وأمسكت باللجام ، لكره فى بطنه فهروه وأحلام تصيح وتضحك وتطلب التجدة .

وركب جلال الحمار الآخر وراح يعدو فى أثراها ، ويضرب حمارها وهى تتوسل إليه أن يكف . وانطلق مراد وسوسن وعاطف يجرون خلفهم ، بينما وقف سامي يرصد أحلام ويتظاهر عودتها ليأخذ الحمار منها .

وبقى شقيق ونبيلة وحدهما على الأرض ، راحا يتبادلان النظرات ويتناجيان بأرق حديث وأعذبه وإن لم تنفرج لأحدهما شفة . كانا يتحدثان حديث روح لروح ، وقلب لقلب .

ومر الوقت ، وجاء العصر ، فإذا بشقيق قد أقبل يقود الحصان من لجامه ، وقد أسرجه ، ونبيلة تسير إلى جواره وأحلام وجلال والأولاد جميعاً خلفه ، وقد اتسخت ثيابهم ، وكان مراد أكثرهم قذارة .

وقف شقيق عند درج الدار ، وصعد مراد وسامي ببرولان ، حتى إذا بلغا الغرفة التى بها والداهما قال سامي لأبيه :

— يا يا الحصان جاهز تحت .
ونظر الأب من النافذة ، ورأى الحصان يهز ذيله ويضرب الأرض
بحافره ، ويصهل ، فعاد وهو يمرر يده على بطنه ويقول :
— بطني ح تطق ، كلنا كثير ع الغدا . مش قادر انحرك ، بلاش
النهارده ، مره ثانية .
وأرادت زوجته أن تداعبه ، فقالت له :
— يا راجل انزل اركب شويه .
ورممتها في عتاب ، ثم اتجهت إلى السرير وتندد فيه وقال :
— مش قادر انحرك النهارده . مره ثانية .
ويقس أبناءه منه ، فغادراه وهبطا ، وانصرف السائس بالحصان ،
وقال سامي :
— عايزين نلعب حاجه .
فقال مراد :
— نلعب الكورة .
فقالت نبيلة :
— لا . نلعب حاجه ثانية .
فقال شفيق :
— نلعب استغمايه .
وقال الجميع :
— موافقون .

— أيوه ، نلعب استفمائيه .

وقال جلال :

— مين الخفاء ؟ .

فقال مراد :

— أنا .

وقال سامي :

— لا : أنا .

وقال شفيق وجلال :

— خلي سامي الخفاء .

وأغمض سامي عينيه ، وأخذ الجميع يتسللون ليختفوا منه ، وجرى
مراد بعيدا ، وقالت أحلام لسوسن وعاطف همسا :

— اطلعوا فوق استخروا عند ماما .

وأطاعاهما ، وصعدا في الدرج ، وذهب جلال وأحلام ليختفيا خلف
الدار بينما خرج شفيق ونبيلة من الباب الكبير ، وصاح سامي :

— خلاص ؟ .

وجاءه صوت شفيق من بعيد :

— لسه .

ودلف شفيق ونبيلة إلى الحظيرة ، وصهل المحسان ، وأشار له شفيق
أن يصمت وهو يقول :

— هس .

ووقف شقيق وإلى جواره نيلة ، ومس شعرها خده ، وملاً عبرها
أنفه ، فانشققت في أغواره مشاعر رقيقة ، واستشعر غيوبة لذلة تغلقه ،
وحناها طاغياً أمراً ، يستبد به فلا يستطيع أن يعصى أمره ، فمد يده
وجذبها من يدها فاستدارت له ، وتألقت عيناه بالرغبة ، وضمهما إليه
وقبلتها ، فنظرت إليه بعينين ترققت فيما الدموع ، فقال لها في وجد :
— تروحي الجامعه ، واللا تتجاوزيني وتقعدي في البيت ؟

فقالت وهي هائمة في عالم بسيج من الأحلام :

— لا . البيت أحسن .

الفصل الخامس عشر

وضعت أحلام حقيقة كبيرة على سريرها ، وراحت تصف فيها ملابسها الداخلية والمنزلية ، وأخذت نبيلة تعاونها ، فأخرجت من الصوان بعض قمصان التوم والقطع الدقيقة التي تفتق ذهن صانع الجمال عنها ، لرفع الثديين ، وبعض القطع الصغيرة من الثياب ، التي تسدل القمصان فوقها ، وتحتها أحلام وهي ترفع رأسها عن الحقيقة ، فقالت لها :

— خلي المدوم دي عندك .

— ليه ؟.

— مش حاخدتها دلوقت . ح اليسها في الخمس أيام اللي فاضلين لي هنا .

— خديهم معاكى بالمرة ، وابقى اليسى من هدومى .

قالت أحلام وهي تحاول أن تغلق الحقيقة :

— يمكن أسيفهم هنا على طول ، أبقي اليسهم لما آجي أزوركم

قالت نبيلة وهي تعيد الثياب مكانها :

— خليهم زى مسمار جحا !

وارتفع صوت سوسن :

— ماما .. ماما .. الحقى . عاطف غرق هدومه ميه وهو يسمى
سوزي .

فصاحت الأم من غرفتها :

— عاطف ، اقفل الحنفيه دى ، وانخرج من عندك .

وصاح عاطف :

— سوزى انترغ فى الوحل باحبيه .

— اخرج من الحمام أحسن إن قمت للك ح اقصص رقبتك .
وخرج عاطف من الحمام ، وقد ابتلت ملابسه ، وهو يحمل سوزى
ويضمه إلى صدره ، والماء يتقططر من جسمه ، ولحنه أمه فهرعت إليه
وهي تصيح :

— هو انتو قرود .. دوختوني .

وجذبته من يده وقالت وهي تذهب به إلى غرفته :

— تعال غير هدومك اللي بتلق دى .. ح تعنى ونموت .

فقال وهو يهز كتفيه في زراعة :

— بتصبحكى على ، مش ح اموت . الصغيرين ما يمتوش .

— مين اللي قال لك كده ؟

— مراد .

وأطلت نبيلة برأسها وضحكـت ، ثم دارت على عقبـها ونظرت
فالـفت أحـلام تـديم النـظر إـلى سـريرـها وـقد شـردـت فـي تـفكـيرـ ، فـرمـقتـها فـي
صـمتـ ، أـحسـتـ ما يـعـتمـلـ فـي صـدـرـ أـخـتهاـ مـنـ مشـاعـرـ ، وـفـطـتـ أحـلامـ

إلى وقفة نبيلة ، فالتفت إليها وقالت وهي تقبض يديها على السرير :
— أول سرير اتنصب هنا أول سرير ح يتفك .

فخطت نبيلة خطوة حتى لمست كتفها كتف اختها وقالت :
— مش ح يتفك أبداً ، ح يفضل منصوب على طول ، لما تجيننا تبقى
تربيحى فيه ، وبكره هاله تكير وتنام فيه .
ولفت نبيلة يدها حول كتف اختها وقالت :
— ح توحشينا .

ونظرت أحلام إلى اختها وقد اغزورقت عيناهما بالدموع .
وخرج سامي من غرفته وفي يده كرافاتة يقلبها في زراعة ، وقد لوى
شفته السفل ، وانطلق إلى غرفة أبيه ، فوجد أبيه مطرقاً في صمت ، فلم
يخترم خلوته ، وقال :

— الكرافاته اللي جيتها لي مش حاجة .. مش ماشي مع البدلة . عندك
كرافاته تبقى على بدلتى الجديدة شيك خالص .

قال الأب في استسلام :

— الكرافاتات كلها عندك ، خد اللي انت عايزه .
وعادت الأم ، ورأت سامي يقلب في كرافاتات أبيه ، فقالت له :
— انت مش ح بتعطل الطمع ده ، ياللا بره بلاش دلع .
ولم يحفل بها ، أخذ الكرافاتة التي يريدتها ووضعها على كتفه ، وخرج
في تؤده ، وقد صم أذنيه عند تأنيب أمه .
ورمقت الأم زوجها ، فإذا به صامت ، فقالت له :

تعجبت . ادبرت و ماذا يعيش معانا حاجه اجيدها



— مالك سرحان التهارده ؟

— تعبت . ادينت وما بقاش معايا حاجه أبداً .

— الحمد لله البت اتجهزت . وكلها يومين وتتستر ، وبعدها يعدها

ربنا .

— اتر نقت قوى .

— برضه انت اللي زنقت روحك . لو خليته بجيبي المشمع والنجف
والتملية وأدوات المطبخ وملة السرير زي الناس كلها ما بتعمل ، ما كتتش
ازنقت كده .

— دى كلها حاجات فارغه .

— أهو برضه كان تمنها نفع دلو قوى .

ورفع بصره إليها وقال :

— اسمع يا زينب ، عايزين نلم نفسنا ، نكتب الكتاب ع الضيق لو
اتفجرنا حتفضح .

— وأنا ليه مين يا حسره ، ح اقتصر ع العيلة ويس .

— والعريس لا ؟

— العريس إذا كان ح يعزم يعزم على بيته .. ما قلتليش اتفقت على إيه
مع أبوه ؟.

— ح ييجوا بعد صلاة العشا يكتبوا الكتاب ، وبعدها ياخذ العريس
عروسته ويكتسي .

— كله بيتصدى ، وكلها كام يوم ونفوق على طول .

— والذئب خروف يا بابا .



ورن الجرس ونينا متصلة ، فخفت سوسن تفتح الباب ، فقرع أذنيها صوت حروف ، فإذا بها تعود مهرولة وهي تصيح :
— ماما .. ماما . الحقى . حروف .
وقال الأب في تساؤل :
— حروف إيه يا بت ؟
— والنبي حروف يا بابا .

أسرع سامي وعاطف وأحلام ونبيلة إلى الباب وقامت الأم وخرج الأب خلفها ، وقد اختلفت خلفه سوسن ، وفتح الباب ، وإذا بأربعة ديك رومي تتدفق في كبريات ، وفي أثرها حروف سمين يدفعه مراد .
وقفز سوزى من يد عاطف ، وراح ينبع ، وأسرع عاطف يقبض على ديك ، بينما صرخت سوسن رعايا من الحروف . وارتقت أصوات سامي وأحلام ونبيلة ، فأصبحت الشقة أشبه بحمام عام قطعت عنه المياه .

وصاح الأب في ضيق :
— بس يقى . إيه الزيطه دي ١٩
ونحفت الأصوات ، وقال الأب لمراد :
— إيه ده ؟.

فقال مراد وهو يدفع الحروف :
— شفيق بعثهم .
— إيش عرفك ؟

— الرجل اللي جابهم واقف تحت ، كان معاه الاسم والعنوان ، وقال
إن سى شفيق اللي باعهم .
وقال الأب في مرارة :
— وليه بعاتهم بس ؟
فقالت نبيلة في زهو :
— بعاتهم هدية يا بابا .
وقالت الأم .

— طب ياللا طلعوهم ع السطح .
وأنحد الأولاد يدفعون الحروف أمامهم ، وسوزى بینج ، وراح
سامي يهش الديوك لتشق طريقها خلف الحروف .
وقالت الأم للأب :

— مش ح ندى الرجل حاجه ؟.
وتحرك الأب نحو غرفته ، وقالت الأم لسوسن .

— تعالى يا سوسن إدی الفلوس دی للراجل اللي واقف تحت .
ومد الأب يده في جيب جاكته المعلقة في المشجب ، وأخرج ريالا
أعطاه سوسن فانطلقت تعدو ، ورفعت الأم بصرها وقالت وهي تصيح
السمع :

— لو فيه مكان واسع في الشقة كنت خلتهم فيها ، يا حوني لحرامي
يسرقهم .

فقال حسين وهو يرفع أكف الضراعة :

— ياريت ا.

— ليه بس؟

— كنت استريحت م الفتحة اللي ح تفتح عليه دى .

— فتحة إيه؟

— الحروف والديوك دى مش عايزه طباخ ١٩

— مش فيه ناس م العيله ح ييجوا من أول النهار ، أهو الطباخ
غدتهم ، واللامين كان ح يغدتهم ؟

— كنا ح نطبع لهم حلتين .

— أهو الطباخ ح يطبع لهم الحلتين دول :

— والطباخ يعوز فراش .

— مش كنا ح نجيب كرسين للناس يقعدوا عليهم . ليه اللي ح يزيد
عليينا ؟

فقال الرجل وهو يهز رأسه أسفًا :

— جت رجل وخلاض .

فدنست منه وقالت مواسية :

— ربنا يخليلك لهم ، وتفرحهم ، هم لهم مين غيرك ؟

فقال الرجل في استسلام :

— لو كان فيه معلهش ، إنما ما فيش خالص ، الفلوس كلها طارت .

— كله يدبر .

وعادت سوسن ، فقالت الأم :

— إدبي الفلوس للراجل ؟

— أيوه .

— وقال لك إيه ؟

— قال لي : قولى لام العروسه : مبروك .

وأشرق وجه الأم ، ورمقها زوجها من طرف عينه ، فانسست
تجعدات جبهته ، ولم تنفرج شفتاه .

وعادت الضوضاء إلى الشقة ، ارتفع صوت نبيلة وسامي ، قالت

نبيلة :

— إنت مالك ما تسييه .

— أسييه ازاي لما يتغير ؟

وقالت الأم :

— فيه إيه ؟

فقال سامي :

— عاطف مش عايز ينزل . قاعد جنب الخروف فوق .

— سبيه .

وساء سامي أن يهزم ، فقال :

— ح بموت الديوك .

فقالت الأم :

— مالكش دعوه ييه ، وريح نفسك انت .

وانسابت نبيلة على أطراف أصابع قدميها وهى ترنو إلى سامي من فوق

كتفيها ، ونحت الأم الشرر في عيني سامي ، فقالت له :
— عايز تغيبظها ، ما تسائلش عنها .

ونهض الأب ليتردى ثيابه ، فقالت له الأم :
— على فبن ؟

— أروح اشوف الطباخ والفراش .

— وأنا ح اخرج مع أحلام نعزم العيلة .

وبلغ ذلك مسامع أحلام فقالت :

— مش ح اقدر اخرج معاكى يا ماما عشان فايزة أخت جلال جاي
تشوف الجزمه اللي ح بسها ليلة الفرح تشتري زيها .

— فايزة جايـه ؟ والله احنا ما فينا خير ، اللي ما سأـلـنا عنها ، وـيـوم ما
رحـنا العزـبـه اللي ما قـلـنا لها تـيجـي .
فـقـالـتـ نـبـيلـةـ :

— إـحـناـ كـنـاـ مـعـزـوـمـينـ حـ نـعـزمـ غـيـرـنـاـ ! إـذـاـ كـانـ جـلـالـ عـاـيزـ يـجـيـبـهاـ كانـ
جـاـبـهـ مـعـاهـ .

فـقـالـ سـامـيـ وـهـ يـنـظـرـ إـلـىـ أـحـلـامـ :

— هو جـلـالـ فـاضـىـ لهاـ ؟

ورـمـقـتهـ أـحـلـامـ فـيـ شـرـرـ ، فـاضـطـرـ إـلـىـ كـبـحـ جـمـاحـ لـسـانـهـ . وـدارـ عـلـىـ
عـقـيـبـهـ وـانـصـرـفـ . وـقـالـتـ الأمـ :

— آـخـدـ نـبـيلـهـ مـعـاهـ ، يـالـلاـ يـاـ نـبـيلـهـ بـسـيـ ماـ تـعـطـلـنـيـشـ .

فضـحـكـتـ نـبـيلـهـ ضـحـكـةـ طـوـيـلـةـ مـدـوـدـةـ ، حـتـىـ إـنـ عـدـواـهـ قدـ سـرتـ

إلى أحلام وسوسن . وقالت وهي تقلد أمها :

— أنا اللي ح اعطيتك ! قال على رأى المثل : لو الجمل حس بصنمه ..

فقالت الأم في عصبية :

— ما ياحبش اخرج معاكى يا بت انتى من لسانك الطويل .

* * *

وانطلق حسين إلى طباخ ورثه عن أبيه ، كان يقيم موائد أفراحهم وأطقم مآتمهم ، وانتقل موقده إلى أسطح بيوت الأسرة جميعها ، واحتل أفنية مدافنها ، وما كان في إعداد طعامه يفرق كثيراً بين ما يقدمه في الأفراح وفي الأتراح .

وحياه حسين وجلس ، وقال له :

— عندى كتب كتاب أحلام يوم الخميس ، وعايزينك تيجي تطبخ

لنا حلتين ع الضيق .

فاعتذر الطباخ وقال :

— إنت مش عازم حد أبداً؟.

— يا دوب العيله ح تيجي وبس .

— يبقى الكلام اللي بتقوله مش ح ينفع ، اسألنى أنا ع العيله .

— أنا عندى خروف وأربع ديكوك رومى ، عشره .. خستاشر ح

يغدوا والباقي للعشاء .

فضحك الطباخ وقال :

— عشرة خستاشر ١٩ دول يدوب أهل البيت . الكلام ده ما

ينفعش ،

وأحضر ورقة وقلما وناولها حسين وقال :

— أول ما نبدي نبدي بالمورد ، اللهم اجعله ورد ، أكتب يا سيدى
عندك قرازة ماورد و ٢٠٠ بيضة وعشرين وقة دقيق أمريكانى .

فقال حسين معتراضا :

— عشرين وقة دقيق أمريكانى ليه ؟ مش ناوي تشتري عيش ولا
ليه ؟.

— والنبي يا حسين بيه تكتب ، إياك يكفو الفطابر اللي ح نعملها .

واستأنف إملاء ما يريد كأنما يقرأ في صفحة مكتوبة :

— وقة شعرية ، سبع أقداح أرز ، ميت رطل لحمة عجالي .

فقال حسين معتراضا :

— واللحمة العجالي ليه ؟ ما عندنا الخروف !

فقال الطباخ في بساطة :

— ح نعمل م الخروف كفتة والا لحمة عصاج ؟ والنبي تكتب قبله
وبعدين شوف اللي عايز تقوله إيه .. أربع مراوح ضانى وخمستاشر جوز
حمام .. خد الخضار : عشرة ارطال كوسه صغيره للخشوة . خمسة
ارطال ورق عنبر . خمسة ارطال فاصولييا خضره ، علبتين بسلة نشفه .
خد عندك الحاجات دي عشان الحلويات : اتنين كيلو شيكولاتة
كتل ، واثنين كيلو شيكولاتة مجروشة ، وتلت وقات كرنيز وخمس
علب أناناس وخمس وقات موز ، وخمسه كيلو كريمه وعشرون وقيات

فسدق ، وعشرين لونه .

ورفع حسين القلم عن الورقة وقال :

— ح تعمل إيه بال حاجات دى كلها ؟

— طرطات و هريسه وخشاش وألمظيه ومهابيه .

— ما كفايه صنفين .

— لو الحاجات دى كفت يبقى ستر من عند ربنا .

— أنا مش عامل حاجة ومش عازم حد ، و... و ...

— والنبي تكتب قبل ما انسى .

— لسه فيه كتابه ؟

— عشرين رطل سمن ، والبصل والفلفل والملاع .

— الحاجات دى في البيت .

— وحملين خشب رواجع ونص قنطار فحم وسلامتك .

ورفع حسين رأسه وقال :

— خلاص خلصت ، اسمع يا سيدى . أنا مش حاجيب إلا نص
ال حاجات دى .

— يا ريت !.

ودنا من حسين وقال له كصديق بهمه مصلحته :

— بقى نصرف المصارييف دى كلها ونجي ع الآخر وتفضح

نفسنا ؟

فقال حسين وهو ينظر إلى الأرض :

— بس الواحد ح يجيبي منين ؟

— كله بربقه .

أراد أن ينهي هذا الحديث ، ويتحدث في موضوع آخر فقال :

— واتفقتو مع الفراشة مع من ؟

فقال حسين في استسلام :

— والله لسه ما اتفقتش مع حد ، لكن ما فيش إلا عماره ، على قدنا
واين حلال .

فقال الطباخ :

— واهو الراجل بتاعنا برضه .. ح تروح له إمتنى ؟

— بكره .

— وليه بكره ما تياللا نفوت عليه دلوقت .

وسارا يتتحدثان حتى بلغا مخزن فراشة الحاج عماره ، وكان الحاج
جالسا خلف مكتب وإلى جواره بعض المقاعد الخشبية ، بينما وضعت
الكراسي المذهبة في صدور المخزن في عنابة .

وقال حسين :

— السلام عليكم يا معلم عماره .

— وعليكم السلام حسين بيه . اتفضل .

وجلس حسين وجلس الطباخ ، ولم يشاً حسين أن يضيع وقتنا ،
فقال :

— يوم الخميس كتب كتاب بتشى ، عايزين كام كرسى .

قال الطباخ .

— الكلام ده ما ينفعش ، نقوم نشوف المكان اللي ح يتفرش أحسن .
وقال المعلم عمارة :
— أحسن .

ثم نهض وقام الطباخ وحسين وانطلقوا إلى الشقة . وراحوا يجوسون خلاتها ويدخلون غرفها غرفة غرفة ، والفراش يقلب عينيه في الأثاث ويلوي شفته السفلية ، ولما انتهوا من طوافهم ، قال الفراش :

— العفش اللي في الشقة لازم يتكون في أوده واحده ويست عليه .

قال حسين في فزع :

— يتكون في أوده واحده ؟ وليه كده ؟

قال الفراش :

— لو فضل العفش ده ، الناس ح تقدد فين ؟ ح نفرض الأرض سجاجيد ونرصن الكراسي في الأرض . نجيب كام كرسى مذهب ؟
قال حسين :

— كفايه دسته .

قال الطباخ :

— دسته تحمل إيه ؟ ع الأقل دستين .

قال حسين :

— ولما ح عملا الأرض كلها كراسي ، الناس ح تأكل فين ؟
قال الطباخ في بساطة :

(أم العروسة)

— ح نشد ترکين قماش وتنصب البو فيه في السطح .
وانتهت المناقشات ، وشد الطياخ والفراش على يد حسين ، وها
يقولان :

— ربنا يتسم بخير .
وانصرفا وارتدى حسين على الأريكة في الردهة ، وقد شرد بيصره ثم
راح بذلك جبته بيطن كفه .
ورن الجرس ، وأسرعت أحلام تفتح الباب ، ودخلت الأم ونبيلة ،
يلوح التعب في وجهيهما ولكن ما أن وقعت عينا الأم على أحلام ، حتى
قالت :

— فائزه عندك ؟
— لا والله . نزلت قبل ما يسجى بابا .
— هو بابا جه ؟
ودخلت الأم . وجلست على الأريكة بجوار زوجها وقالت وهي
تلخلع حذاءها رحمة بقدمها :
— خير . هه عملت إيه ؟
فقال في صوت خافت :
— خير .

وأحس أن نبرات صوته توحى بالضيق ، وخشى أن يسبب في
انقباض صدر أهل بيته في أيام فرحهم ، فظهور بالنشوة ، وقال لزوجه :
— هيه . عملتوا إيه ؟

فقالت الأم :

— عزمنا الناس اللي حوالينا .

— عزمتوا كتير ؟

— لا مش كتير .

فقالت نبيلة في استكثار :

— مش كتير ؟ مش كتير ازاي ؟ دا ما فيش بيت ما دخلناهش .

فالتفتت الأم إليها وقالت :

— يا بنت بلاش تهويل .

فقالت نبيلة وهي تتململ في وقفتها :

— لو رجلينا تعرف تتكلّم . كانت حكت اللي جرى لها .

والتفتت إلى أبيها وقالت :

— تعرف يا بابا لو اللي عزمناهم كلهم جم ، ح يبقى الناس على

بعضهم .

فقالت الأم :

— هو معقول كل اللي عزمناهم ح يجوا .

فقالت نبيلة :

— هو معقول حد يتعمّر ولا يجيئ . والله اللي ح يجوا أكرم اللي

عزمهن . يا ما ناس بيتجي من غير عزمه .

وَقَامَتِ الْأُمُّ وَهِيَ تَقُولُ :

— يَا بَنْتَ اُنْتِي هُوَ الَّهُ ، مَا تَبْقِيشَ تَخْرُجِي مَعَاهَا أَبْدًا .

وَانْصَرَفَتِ الْأُمُّ إِلَى غُرْفَتِهَا وَنَبِيلَةَ تَقُولُ :

— بَكْرَهُ حِشْوَافُ .

الفصل السادس عشر

وأشرت شمس يوم الأربعاء ، اليوم السابق للليلة المقطورة المرتقبة ليلة الزفاف ، فدببت الحياة في الشقة مبكراً ، استيقظت الأم وأحلام ونبيلة ، ورحن يرقبن عمال الفراش ، وهم يكذبون الأثاث في الردهة التي كانت معدة لاستقبال الضيوف ، وأنخذ سامي ومراد وسوسن يحملون الكراسي الخيزران على رعوسيهم ، ويقومون بصفتها في الغرف التي فرشت بسجاجيد الفراش الكبيرة الحمراء ، التي ثقت بزخارف عربية زرقاء وصفراء وبيضاء ، استوحيت من غصون الشجر والأوراق والأزهار .

وراح عاطف يقفز فوق الكراسي ، والكلب في أثره ، يصعد إذا صعد ، ويهبط إذا هبط ، وجاء الأب يحمل حالة على ذراعه . ولم يكن منسبط الوجه ، كان يلوح عليه آى التفكير .

ورأى هبوط عاطف وصعوده وحركته الدائبة بين الكراسي ، فقال له :

— إنت هنا بتعمل إيه ، اطلع السطح انفرج . الطباخ ح يدبح الخروف .

والتفت سوسن وأصاحت سمعها ، وضع مراد الكرسي الذي يحمله

والتفت ، بينما جلس سامي على أحد الكراسي المصفوفة ، وربع يديه فوق صدره العاري . كان يرتدى بنطلونه القصير الأبيض وحذاء أبيض من المطاط ، واشرأب بعنقه ينظر .

وذهب عاطف إلى أبيه وقال ، وعيناه تهان عن خبث :
— عايزني أطلع السطح واتفرج على الخروف لما يدبح ؟
— آه .

— هات قرش قبله .

وأنحرج الأب قرشا من جيب بنطلونه ، فالتفظه عاطف في خفة الحداة التي تلتقط حشائيا طير مذبوح ملقاة في خربة ، واقتربت سوسن من أبيها وقالت :

— بتجيب الفلوس منين يا بابا ؟ .

وقفزت إلى ذهنه إجابات كثيرة ، ولكنها ما كانت تصلح إجابة عن سؤال طفلة لا تدرى ما الحياة وقسوتها ، أ يقول لها من عرق الجبين الممترج بتحمل سخافات رؤساء تافهين ؟ أ يقول لها من الملك والرياء ؟ أ يقول لها من كتم أنفاس صوت الضمير والسير في مواكب النفاق ؟

بوشد قليلا وقد ازدحست في رأسه صور معتمدة بغية ، نكأت جرح نفسه ، وحركت أساه ، حتى إنه أحس مرارة في فمه ، ولكنه كبت مشاعره وقال :

— من الحكومة .

وقالت سوسن :

— والحكومة بتجيبي الفلوس منين؟

— من الناس . اللي عنده دكان تأخذ الحكومة من مكسيه ، واللي عنده بيت تأخذ الحكومة من الأجره اللي ييلمعها م السكان .

فقال مراد :

— الحمد لله لا عندنا بيت ولا دكان . مش ح تأخذ مننا الحكومة حاججه .

وقال سامي :

— ياريت كان عندنا وكانت خدت .

وقالت سوسن :

— مش الحكومة بتديلك فلوس كثير قوى يا بابا ؟
وتبعدت جبته ، ولاحت في وجهه مسحة من الحزن ، ورأى أن يقد ذلك الحديث الذي يخز روحه ويضئيه ، فقال :

— مش ح تتطلعوا تتفرجوا ع الخروف لما يدبع ؟
ورن صوته غريبا في أذنيه ، خيل إليه أن فيه نبرة أسى ساخرة توسيع إلى العلاقة بين ذبحه وذبح الخروف ، فوقف مشدوها برهة ، وقال سامي

وهو ينهض :

— يلاع السطح .

واندفع الأولاد يصيحون ، والكلب يجرى خلفهم ، والتفت عاطف

وقال :

— وهاله مش ح تنخرج ع الخروف لما يدبع ؟

فقالت الأُب ساخراً :

— هاله لسه صغيره ، لما تكير ح تدبّحه .

وانتحفي الأولاد عن عينيه ، ولكن أصواتهم كانت ترن في أذنيه عالية
مدوية ، وضم هالة إلى صدره في حنان وقال يناجيها :

— لما تكير ح تدبّحى باباً ١٩٠ ح تفلسيه كده ١٩٠ لكن انت ذنبك
إيه ، حد خد رأيك قبل ما تيجي ؟ إحنا اللي جيناكم غصب عنك .

وراح يمر شفتته على صفحة خدّها ويغمغم :

— إكبارى وفلسى بابا .

ولمع نبيلة قادمة ترتدى بيجاما ضيقة ، تفضح مفاتن جسمها ،
فاريد وجهه ، ورفع شفتته عن خد هالة ، وقال :

— واقفه يا نبيلة قدام الرجال الغرب بالشكل ده ؟
ونظرت إلى نفسها في دهش وقالت :

— فيه إيه يا بابا ؟ درعاتي متغطية ورجلية متغطية .

فقال وهو ينظر إلى صدرها البارز ، الذي يكاد يقفز من البيجاما :

— لكن .. لكن ..

— لكن إيه بس يا بابا ! إذا لبسنا فستان بكم جابونيز قلم دراعاتك
عريانه ، وإن لبسنا فستان قصير قلتو : عيب رجليكو عريانه ، وإن
غطينا دراعتنا ورجلينا ما نتعجبش . أمال نعمل إيه بس .

ورن جرس الباب المخارجي ، فدارت نبيلة على عقبها ، وقال لها

أبوها :

— ما تفتحيش اتنى . خشى جوه . أنا اللي ح افتح .

وانطلق إلى الباب وفتحه ، وإذا بثلاث سيدات من الأسرة وأولادهن ، وخدم تحمل بقحة كبيرة ، فيها ثياب منزلية كثيرة ، وحملت في يدها مشجبا به فستان للسهرة ، كانت هيئتهم تدل على أنهم جاءوا ليستقرروا ، وما أن لمحهم حتى قال مرحبا :

— أهلا وسهلا . اتفضلوا .

وارتفعت الأصوات من هنا وهناك :

— ألف مبروك . والله فرحتنا قوى . أحلام دى بنتنا .

واندفعوا داخلين ، وما أن اجتازت الخادم الباب حتى أطلقت زغرودة مدوية ، جعلت الأم وأحلام تهرعن إلى الزدفة .

ودارت القبلات ، وترددت التنبيات ، وقالت النسوة وهن يضربن ظهر أحلام في حنان :

— أهلا بعروستنا .

وانطلقو إلى الغرف الداخلية ، وقال الأولاد :

— أمال فين سامي ومراد وعاطف ؟

وتلفتت الأم ، فلما لم تجد أولادها قالت بصوت عال :

— أمال الأولاد فين ؟

فقال الأب من بعيد :

— طلعوا السطح يتفرجوا ع الخروف لما يدبع .

ولم يتظر الأولاد حتى تدعوهم الأم إلى اللحاق بأولادها ، بل انطلقا مهرولين وهم يتضاحكون .

ورن الجرس الخارجي ، فقالت الأم :

— افتحوا الباب على طول ، هو الباب يتفعل النهارده !
ونخف الأب إلى الباب وفتحه ، فإذا بسيدة وبناتها وأولادها وقد حمل الأولاد تحت إبطهم لفائف فيها ثيابهم المنزليه ، بينما حملت إحدى الفتيات في يدها بقجة .

وابتسسم ورحب بهم ، وأنسح لهم الطريق ، وأسرعت الأم لاستقبالهم وقادتهم إلى الغرف الداخلية ، ليبدلو ثيابهم ، وليرتدوا ما حلوه في اللفائف والبقجة .

وأخذت أم العروسه تغدو وتروح في الشقة ، دون أن يكون لها هدف ، والتقت بزوجها بالقرب من الباب ، فقال لها :

— ما لهم مبدرين كده ١٩

فقالت الأم وهي تأخذ منه هالة :

— العاده كده . يباتوا معها ليلة الحنه .. آخر ليله لما في بيت أبوها .

— يباتوا معها مش ييجوا م التجمه .

وأتجه الأب إلى بشر السلم ونادي :

— سامي .. سامي .. انزل .

— حاضر .

وهو بط سامي في الدرج قفزا ، حتى بلغ أبواه ، فقال :

— نعم ؟

فقال الأب في صوت خافت :

— قول للطباخ يعمل حسابه إن تلاتهن ع الأقل ح يتغدو ويتعشوا
النهارده .

فقال سامي وهو يتسنم :

— هو عامل حسابه . قال لي إنه عارف العيله كويس .
ولاح في عيني سامي كلام ، فقال له الأب يستدرجه للبوح له بما
يحاول أن يكتمه :

— وقال لك إيه كان ؟

فقال سامي وهو يخض عينيه :

— وقال لي إنه يعرف العيله أكثر منك . كنت عايز تعمل حاجه ع
الضيق ، وهو ما وافقكش . ما جبشكش يكتشفك .

— طب اجري حصله فوق وبلاش لت معاه .

وعاد الأب إلى الشقه ، وجلس في غرفة المكتب على كرسى من
كراسي الفراش ، بحيث يرى ما يجرى في الردهة ، ولمح زوجته في غدو
ورواح دون أن تفعل شيئا ، وسعت إليها الخادم الكبيرة ، التي جاءت مع
الفوج الأول من الأسرة ، وقالت :

— قال يا ستي مش ح تعجنوا الليله دي حنه ؟

فقالت الأم في استنكار :

— حنه ! الحاجات دي ما قدمت بقى .

قالت الخادم في استكثار :

— هو يبقى فرح من غير حنه ! إذا كنتو مشح تحنوا نحننا احنا .
— والله ما عرف الحنه بتتابع فين !
— عند العطارين .

ورنت إليها رنوة معبرة ، لم يفت الأم مدلولها ، فأخرجت ورقة مالية صغيرة دفعت بها إليها وهي تقول :
— اشتري الحنه اللي عايزها .
وارتفع صوت نسوى ينادي :
— يا سرت يا أم العروسة .
قالت الأم :

— حاضر . جايه .

وظل الأب يرقب ما يجري في الشقة ، وهو جالس في مكانه .
وراحت ساعات النهار تمر وئيدة ، حتى إن حسينا ضاق بنفسه ، واستشعر مللاً ممضا ، ومالت الشمس للغروب ، فاجتمعت الخادمات في الردهة ، ورحن يغنين ، ويرقصن على نغمات طبلة ورق ، وخف الأولاد إليهم ينظرون .

ونظرت سوسن إلى الفتاة التي كانت ترقص شزرا ، وقالت في ازدراء :

— هو دارقص ؟

وسمعت الفتاة سخريّة سوسن فتوقفت وقالت :

— مش عاجبك رقصى؟ تعالى فرجينا .

و قبلت سوسن التحدى ، و توسطت الحلقة و راحت ترقص ،
و جعلت تهز كل عضلة في جسمها ، حتى إن الفتاة راحت ترمقها في
غيبظ ، و ارتفع تصفيق الأولاد ، فخفت النسوة ينظرن مشدوهات ،
ونظر الأب من بعيد ، ولأول مرة منذ الصباح رفت على شفتيه بسمة .
و التفتت سيدة إلى أحلام وقالت لها :

— لو كانت كبيرة شويه كانت لفت العريس منك .

فقالت أحلام وهي تبسم :

— ما أنا لحقت الجوز قبل ما تكبر .

و مر الوقت في ضحكة و رقص و غناء وأكل ، و جاء الليل و مشت الأم
إلى حيث كان زوجها ، و راحا يتناجيان ، قال :

— فيه حد ما اتعشاش ؟

— كلهم كلوا .

— وح يناموا فين دول كلهم ؟

— ما تحملش همهم . دلوقت يناموا مطرح ما هم قاعدين . ليه
وتتنفس .

— عايزة الحق؟ أنا تعبت خالص .

— كلها الليله دى وبكره . و نستريح بعدها على طول . استحمل
شويه .

فقال مواسيا نفسه :

— خلص الكثير ما بقى إلا القليل .

وارتفع صوت الخادم تبادى :

— يا سرت يا أم العروسة .

— حاضر . جايه .

وانطلقت إليها ، فقالت الخادم :

— ح نعجزن الحنة في إيه ؟

— عندك قروانه صغيره في الحمام اعجبتها فيها .

وجيء بالقروانه ، ووضعت في الردهة ، وتحلق الخدم حولها ، ووقف الأولاد ينظرون وراحت كل فتاة تلف حول كف زميلتها أشرطة في تقاطع هندسي ساذج ، حتى إذا وضعت الحناء في قبضة اليد ، بقى مكان الأشرطة دون خضاب ، فتبعدوا الكف منقوشه .

وتم لف الأشرطة ، وأغلقت الأكف على الحناء ، ثم ربطت القبضات بقطيع من القماش الأبيض فبدت كر عروس الثوم الكبيرة !

— ومشى الوسن إلى جفون الصغار ، فتمددوا في أماكنهم حيث كانوا جالسين ، وتحتهم أم العروسة في دورانها الدائب في الشقة ،
قالت :

— يا عيني ! النوم غلبهم .

ونادت على الخدم وقالت لهم :

— تعالوا افرشو المراتب ونيموا الأولاد .

وذهبت الفتيات خلفها حيث صفت الحشائيا ، بعضها فوق بعض ،

وقيضا هن ملفوفة بالقماش ، والتفت إليهن وقالت :
— شيلوا .

وتقدمت إحداهن ، وحاولت أن تحمل حشية بين ذراعيها ، ولكنها
أخفقت ، فقالت لها الأم :

— أنا عارفة كنتموا مستعجلين على الخد ليه ! استنى لما أساعدك .
وتقدمت الأم ورفعت الحشية ووضعتها على عاتق الخادم ، وفعلت
مثل ذلك مع الآخريات .

وأحس الأب التعب يمشي في أوصاله ، فأخذ وسادة في يده وانطلق
إلى الغرفة التي كدس فيها الأثاث ، ووضع الوسادة على مسند كرسى
طويل ، ثم تعدد لينام .

وقملل في رقادته ، وأحس الماء في رقبته ، فراح يتحسسها بيده ، ولم
يتحمل ما يقايسه من تعب في نومه ، فاتتصب واقفا وأخذ الوسادة
ووضعها على الأرض ، ثم رقد على البساط . وحن جسمه إلى الراحة
فراح في سبات .

وانقضى الليل .. وجاء النهار ، وخيّل إليه أنه يسمع رنين جرس الباب
الخارجي ، كان ما يسمعه أشبه بما يستشعره المستغرق في حلمه ، ولكنه
فتح عينيه ، فإذا برنين الجرس يصبك أذنيه .

ونهض ليانطلق كعادته إلى المطبخ يأخذ وعاء اللبن ، فإذا به يحس ألمًا
شديدا في ظهره فتاوه ، وكاد يضطجع على المقعد الطويل ، ولكن رنين
الجرس دفعه إلى السير .

وأشرف على الردهة ونظر ، فإذا بأرضها قد غطيت بأجسام
بشرية ، فاضطر أن يسير على أطراف أصابع قدميه ، وأن يقدر لرجله قبل
الخطو موضعها ، حتى لا يعلو جسم سيدة ، أو يدوس في بطن غلام ا
ولبلغ المطبخ سلام ، وتناول الوعاء ، وعاد يشق طريقه في مهارة
وحرص بين الأجساد المتناثرة على الأرض ، المتشابكة من الأقدام ، حتى
إذا بلغ الباب فتحه ، ومد يده بالوعاء ، فقال له الرجل :

— ربنا يتسم بخير يا ييه .

— متشرkr .

وعاد يتلمس طريقه ، وإذا بالثياب قد اخسرت عن السيقان الممتلة ،
فنظر ، وانشغل بالنظر عن اكتشاف الطريق ، فكادت قدمه تتعرّ ،
وارتع اللبن في الوعاء ، فانتبه ، وراح يتقدم في حرص شديد .

ووقف يغلى اللبن ، وأخرج من التملية الزجاجة وراح يغسلها ، حتى
إذا ما فار اللبن صبه فيها وأغلقها بالحلمة المطاط ، ثم اتجه إلى الصنبور
وفتحه ، ووضع الزجاجة تحت الماء المتذلف .

وكان يمص الحلامة مصبة بين لحظة وأخرى ليطمئن إلى مناسبة حرارة
اللبن ، وخرج إلى الردهة ، وراح يجوس خلال النائمين وهو ينقب عن
حالة ، ويده ممدودة بالزجاجة .

ولمح مراد نائما على الأرض وقد رفع رجليه وأسند هما إلى الحائط ،
ورأى سوسن عارية البطن كعادتها ، فمد يده وأسدل ثيابها على بطنها ،
وأنجرا عثر بزوجته وقد نامت على ذراعها ولالي جوارها حالة ، فوضع

الخلمة في فم ابنته ، فإذا بها ترفع يديها وتنقبض على الزجاجة ، فننظر مليا ثم انسل هاربا من المكان .

ودبت الحياة في الشقة وارتقت الأصوات وتدخلت وامتزجت فانقلبت إلى ضوضاء تحطم الأعصاب ، وأقبل سامي على أبيه وقال :

— ح اعمل لهم شاي في إيه ؟

فقال له أبوه في ضيق :

— ضروري يشربوا شاي ! إياك نفترهم احنا .

— فيه ناس طلبت شاي ؟

فغمغم الأب مندهشا :

— طلبت ! هي قهوة !

ثم رفع صوته وقال :

— روح اعمل لهم شاي في حلة .. في طشت الغليه .

— ووحاجيب لهم شاي وسكر منين !

— خد من ماما .

وتحرك سامي لينصرف ، وإذا بأبيه يقول له :

— اسمع . قبل ما تعمل الشاي اطلع للطباخ قول له يحضر لهم الفطور .

— حاضر .

وانصرف سامي وبقى الأب وحده في الغرفة ، فراح يعد على أصابعه وهو يحدث نفسه بصوت مسموع :

— غدا وعشما ونطور وغدا وعشما .

ولوى شفته السفل في ضيق ، وهز كتفيه في استسلام . وقال وهو
يدور على عقبيه .

— واحد مصارينه خرجت ، كل واحد قال حتى لقطنى .

الفصل السابع عشر

راح الأب يدور في الغرفات ، ويلقى نظرة أخيرة على المكان ، فعما قليل تغيب الشمس ويتقاطر المدعوون من كل حدب وصوب ، وأقبل سامي يرتدي بدلة أنيقة ، وكرفأة غالية ، يتبه في مشيته ، وأطلل من الشباك ينظر ، فبدا عليه أنه يتظر أمرا .

وجاء مراد غريبا لأول مرة ، فوجهه نظيف ، لا أثر للسحير في أصابعه ، يرتدي بنطلونا ، وقميصا من الحرير اللفهاف ، وحزاء أسود يتألق ، وكأنما استشعر التغير الذي طرأ عليه ، فقال بصوت خافت :
— الطباخ بيقول عايز حل خشب كان .

قال الأب في تبرم :

— أنا تعجب خلاص . قل له يجيب اللي هو عايزه .
وأقبل عاطف يرتدي بنطلونا من القطيفة ، وقميصا تدلل في أناقة فوق محيط البنطلون فأخفى جزءا منه ، وراح سوزى يتقدمه وهو يصبع بذيله ، ثم يتوقف حتى يلحق به ويتركه ، فيعود ليتقدمه ثم يتظره .
وجاءت سوسن وقد قصت شعرها ، ووضعت الأحمر في شفتيها وفي وجنتيها ، تخب في ثوب متفرخ عند طرفه ، ضيق غاية الضيق عند حضرها .

وأسرع عاطف إلى أبيه وقال له :

— مش أنا حلو ؟

قال الأب دون أن ينظر إليه :

— حلو خالص .

فدنى من أبيه حتى التصق به وقال :

— طب هات قرش بقى .

قال له الأب .

— ح تعمل به إيه ؟ عندنا كل حاجة . اللي عندهم فرح ما ياخدوش

فلوس .

وغمغم في صوت خافت :

— يدفعوا بس .

والتف أولاده حوله ، فقال لهم في ذعر :

— انتوا ح تتكلموا في حته واحده ! ما تفرقوا .

وانتهز عاطف هذه الفرصة فقال :

— مش ح امشى إلا لما آخذ القرش .

قال الأب لمراد :

— خد أخوك للطباخ يديه حنة هريسه .

ومد مراد يده وتناول يد عاطف ، فقالت سوسن :

— وانا يا بابا ؟

— وانتي روحى معاهم .

والتفت سامي وقال :

— يبقى المعاذيم مش ح يلاقوا حاجه يأكلوها .

وخرج مراد وعاطف وسوسن والكلب في أثرهم وأقبل الفراش
وقال :

— عايزين نأجر كان كام لمبه حمره .

فقال الأب في ضيق :

— كفايه اللي أجرناه .

فقال الفراش ليقنعه :

— الزينة اللي عملناها على واجهة البيت نورها فسخان . بقى نصرف
المصاريف دى كلها ، ونجي ع الآخر نبوظ الطبخه على بقرش ملح ا
— خلاص مش ح اعمل حاجه زياده عن اللي اتعمل . كفايه بقى .

وسار الفراش إلى جواره وقال :

— والميكروفون ؟

— مالوش لزمه .

وهز الفراش كتفيه وانصرف ، وأطل سامي من الشباك وهتف في
فرح :

— صحابي جم .

ونصف الأب إلى الشباك ونظر ، فإذا بجمع كبير من تلاميذ المدارس
مقبولين ، فقطب جيئه وقال :
— مظاهره دى !

والتفت إلى سامي وقال في استنكار :

— إنت عزمت المدرسه كلها . ؟

ولم يرد سامي على استنكاره ، بل أسرع لاستقبال أصحابه .
وغادر الأب الشباك وهو مذهول ، وسار حتى غادر الغرفة ،
فلمحته زوجته ، فما سرعت إليه وقالت له :

— إنت لسه ما غيرتش هدومنك ا الناس جت .

— أنا تعبت خالص . ما بقاش في روح .

— خلص الكبير ما بقى الا القليل . كلها كام ساعه وتنفس ،
ونستريح على طول .

— وهلومني فين ؟

— في الأوده اللي كومنا فيها العفش .

وارتفع صوت ينادى :

— يا أم العروسه .. يا سرت أم العروسه .

— جايه . جايه حالا .

وذهب الأب يستبدل ثيابه ، وانطلقت أم العروسة تلبى رغبات
المدعوات .

وتوافد الناس ، وازدحم المكان بالرجال والنساء والأطفال وجاءت
فتيات صغيرات ، وإذا بنبلة تسرع إليهن وترحب بهن وتبالغ في
الترحيب ، فقد كن زميلاتها في المدرسة .

ونظرت الفتيات إلى ثوبها الأبيض في إعجاب ، وقالت إحداهن :

— مش ناقصك إلا الطرحه البيضه وتبقى عروسه .

وقالت أخرى مستنكرة :

— بس إلو كانت الحكايه كده كان كل شيء بقى سهل .. الرك مش
ع الطرحه .

فقالت الأولى :

— أمال الرك على إيه ؟ .

فقالت الثانية وهي تضحك :

— الرك ع العريس .

وماج المكان بالناس حتى لم يعد هناك موضع لقدم : وخرج الأب
بعد أن ارتدى ثيابه الأنثية ، وراح يجوس خلال الجموع وهو مأنحوذ ،
وأخذت صديقات نبيلة يرقصن ويفنن ، فسرى المرح وساد الفرح بهجة
وحبور .

وقال قائل :

— العريس .

فسرت هبمة ، واشرأبت الأعنق ، وصوّبت العيون إلى الباب
وتقديم جلال وأمه وأبوه وبعض فتيان وفتيات ، وكان شقيق بين
القادمين .

وطفق شقيق يتلفت ، حتى وقعت عيناه على نبيلة ، فشق طريقه
إليها ، وصافحها في شوق ولم يكتف بالسر الذي أخذت عيناه تبوحان
به ، بل زم شفتيه وفطنت نبيلة إلى أنه يبعث إليها بقبلة ، فغضت من

بصريها ، وإن كانت ينابيع الغبطة تفجرت في أعماقها .
وانطلق جلال وأبيه وأمه ومن كان في رفقتهم إلى الكراسي المذهبة ،
واحتلوها . والتقي حسين يزوجته ، فقال لها همسا :

— علب الملبس مش ح تكفي . ما فيش إلا إننا نقدم الملبس على
صواني . يا دوب كل معزوم يانحد ملبيسه .. أنا تعبت خالص .. إمتي
المولد ده ينفض !

— بعد الكتاب ، يطلعوا البو فيه ، وكل واحد يروح لحاله ، وينفض
المولد ده .

وسحب رجل الأب من ذراعه ، وهو يقول له : المأذون جه ،
اتفضل .

وجلس الأب وجلال يتصافحان ، وأسئل عن يديهما منديل من
الحرير ، وجلس المأذون بينهما يلقنهما صيغة الرباط المقدس ، ووقف
شفيق ينظر ونبيلة إلى جواره .

والتفت علينا شفيق بعيني نبيلة ، فإذا بالحب يتحدث ، وإذا بكل
خلجة من خواجهما تتم عن العاطفة الجياشة ، ومد شفيق يده وقبض
على يد نبيلة ، وراح يضغطها في رفق وحنان .

وأطلقت الزغاريد ، إذانا بانتهاء العقد ، ودخل الفراشون يحملون
أكواب الشراب الوردى على صواني من الفضة ، وامتدت الأيدي
واختفى الشراب في الأجوف .

وقام جلال يصافح المدعوين ، وإذا بشفيق يجذبه من ذراعه ويقوده

إلى حيث كانت أحلام .

كانت أحلام في ثياب العرس ، وقد أسدات نقابا شفافا على وجهها ،
فمد جلال يده ورفع النقاب ، ومال إليها قبلها قبلة طويلة حارة ، وإذا
بشفيق يلتفت إلى نبيلة ويهمس : عقبالنا .

والتقى حسين بزوجته ، فقالت له والدموع تترفق في عينيها :
— مبروك .

فقال لها :

— — تعان ، متيناً لي أني ح اقع .

— خلاص . طالعين ع البو فيه ، وبعدها ح يتزلوا على طول .
ووضع جلال يده في يد أحلام وسارا والزغاريد تدوى في المكان .
وتتدفق المدعون إلى السطح ، حيث الطعام ، ولم يبق في الشقة إلا
الآثار ، وحسين منهار على مقعد من المقاعد الذهبية وزوجته إلى جواره
تقول له :

— ياللانطلع . الناس تقول إيه !

— مش قادر . تعبت خالص . عايز أنام .

— قوم .. قوم . كلها ساعة . وتنام بعدها زى ما انت عايز .

— اسبقينى . ح استريح دقيقتين وح حصلتك .

وقامت أم العروسة ، وانطلقت إلى السطح ، وبقى الأب
مضطجعا ، وحن جسمه إلى الراحة ، فأغمض عينيه ، ومس أذنيه
حفيظ ثوب ، ووقع أقدام ، ففتح عينيه ونظر ، فإذا بشفيق مقبل وف

يده نبيلة .

ورفع رأسه وراح ينقل بصره بينهما وهو مكدوّد ، وتقدم شقيق خطوة ، وراح يجمع أطراف شجاعته ، ثم قال :

— أنا جاي يا عمي أطلب منك نبيله .

فقال الأب دون تفكير :

— روح الله يبارك لك فيها .

والتفت شقيق إلى نبيلة ، ومد يده وقبض على يدها ، ثم انصرفا مهرولين ، وقد اتسعت حركاتهما بالخفة والسرور .

وتمدد الأب في المهد الوثير ، وغفا قليلا ، ولكن سرعان ما استيقظ على دوى الزغاريد فهرب من نومه ، وبدأ فكره يعمل ، فتذكر ما قاله شقيق : فصباح :

— شقيق .. نبيله .. الله .. دا خطيبها منى وأنا وافت . إيه العمل دلوقت . ح اجهز تاني !؟ إزاى ؟ ومنين !؟

وراح يهرب صوب باب الشقة وهو ينادي :

— يا زينب .. يا أم العروسه .. تعالى شوف اللي جرى .. مش ح نستريح .. المولد ده مش ح ينفض .. مش ح ينفض أبدا .

وكان قد بلغ بباب الشقة الخارجى ، فوقع بصره على أحلام وجلال وهما هابطان ، وشقيق ونبيلة خلفهما ، والرجال والنساء والأطفال يتذفرون خلفهما في الدرج ، والزغاريد تجلجل والأصوات تتدأخل فوق ينظر وقد فغر فاه في دهش ، ثم سقط مغشيا عليه .

مؤلفات الأستاذ عبد الحميد جودة السحار

- أحسن بطل الاستقلال
- أبو ذر الغفارى
- بلال مؤذن الرسول
- في الوظيفة
- سعد بن أبي وقاص
- هزات الشياطين
- أبناء أبي بكر الصديق
- في قافلة الزمان
- أميرة قرطبة
- النقاب الأزرق
- المسيح عيسى بن مریم
- أهل بيت النبي
- محمد رسول الله

- تأليف : مولاي محمد على
- ترجمة بالاشراك مع مصطفى فهمي
- قصص من الكتاب المقدسة (مجموعة أقاوصيس)
 - صدى السنين (مجموعة أقاوصيس)
- ترجمت إلى الاندونيسية
- حياة الحسين

- | | |
|-------------------------------|------------------|
| — الشارع الجديد | (رواية) |
| — وكان مساء | (قصة) |
| — أذرع وسيقان | (قصة) |
| — المستنقع | (قصة) |
| — ليلة عاصفة | (مجموعة أقاوصيس) |
| — الحصاد | (رواية) |
| — جسر الشيطان | (قصة) |
| — النصف الآخر | (قصة) |
| — السهل البيض | (رواية) |
| — أم العروسة | (قصة) |
| — قلعة الأبطال | (قصة) |
| — وعد الله وإسرائيل | |
| — عمر بن عبد العزيز | |
| — هذه حياني | |
| — الخفید | |
| — ذكريات سينائية | |
| — كشك الموسيقى | |
| — خفقات قلب | |
| — صور وذكريات | |
| — الإسراء والمعراج | |
| — القصة من خلال تجارب الذاتية | |
| — عدو البشر | |
| — أبطال الجزيرة الخضراء | |
| — التمر | |

- الله أكبر
- ثلاثة رجال في حياتها
- مسجد الرسول
- فات الميعاد
- آدم إلى الأبد
- العرب في أوروبا
- الدستور من القرآن العظيم

السيرة النبوية في ٢٠ جزءاً

- | | |
|-------------------|---------------------------|
| ١١ — الهجرة | ١ — إبراهيم أبو الأنبياء |
| ١٢ — غزوة بدر | ٢ — هاجر المصرية أم العرب |
| ١٣ — غزوة أحد | ٣ — بنو إسماعيل |
| ١٤ — غزوة الخندق | ٤ — العدنانيون |
| ١٥ — صلح الحديبية | ٥ — قريش |
| ١٦ — فتح مكة | ٦ — مولد الرسول |
| ١٧ — غزوة تبوك | ٧ — اليم |
| ١٨ — عام الوفود | ٨ — خديجة بنت خويلد |
| ١٩ — حجة الوداع | ٩ — دعوة إبراهيم |
| ٢٠ — وفاة الرسول | ١٠ — عام المزن |

رقم الإيداع ٢٥٥٧

الترقيم الدولي ٠ - ٢٢٣ - ٣١٦ - ٩٧٧

مكتبة مصر
٣ شارع كامل صدقي - البهالة

دار مصر للطباعة
سعید جودہ السعید وشرکاه
الثمن ٦٥٠ قرشاً

To: www.al-mostafa.com